

Хуан РУЛЬФО

Педро Парамо

Қисса

Комалада отам борлигини эшигтгач, йўлга отландим. Бу дунёдан умидини узиб ётган онамдан отам ҳақидаги гапларни эшигдим-у, уни излаб топишга сўз бердим. Қарорим қатъийлигига ишонтириш учун унинг қўлини қисдим. Аста-секин сўниб бораётган онамнинг ҳар қандай хоҳишини сўзсиз бажо келтиришга тайёр эдим. "Бепарво бўлмай отангни, албатта, излаб топ,— деб тайинлади онам менга. — Қулогингга қуиб ол: унинг исми Педро, фамилияси Парамо. Кўнглим сезиб турибди, сени кўрса хурсанд бўлиб кетади". Унинг бу истагини амалга оширишга яна бир карра ваъда бердим. Шу тобда бошқа бирон нарса дейишим мумкинми? Онамнинг аллақачон музлаб, чангак бўлиб қолган бармоқлари орасидан қўлимни зўрга сутуриб оларканман, аҳдимни такрорлашни қўймас эдим.

Онам жон таслим қилиш арафасида: "Сен ундан бирон нарса сўраб ўтирма. Ҳақингни талаб қил Шаръян бизга тегишли нарсани ундириб ол. У менинг маҳримга тушган ҳамма нарсани шу пайтгача босиб ётган эди, сенга битта қўймай қайтарсин... Лоақал одамгарчиллик юзасидан ҳам бизни бирон марта эслаб қўймади. Бу қилимиши учун энди жуда кўп товон тўласин", деди.

— Айтганларингизнинг ҳаммасини бажо келтираман, ойи.

Буларнинг ҳаммасини кўнгил учун айтдим, аслида ваъдамни бажариш хаёлимга ҳам келтаний ўйқу. Бироқ кейинчалик, онамнинг вафотидан сўнг менинг тўсатдан ажабтовур гаройиб хаёллар ром этиб олди: бирдан бошқача бўлиб қолгандим, аллақандай хаёлий бир олам мени ўзига чорларди. Бу олам менинг орзу-умидларимдан яралганди, гёё онамнинг жуфти ҳалоли бўлмиш Педро Парамони қўриш бирдан-бир орзуим эди. Шу тариқа Комалага отландим. Августнинг иссиқ заптига олган жазирама кунларидан бири, илик шамол чириган сапиндуஸнинг бадбўй ҳидини димоққа келтириб уради.

ХУАН РУЛЬФО ВА УНИНГ ҚИССАСИ ҲАҚИДА

ЭМИН УСМОН
таржимаси

Лотин Америкаси адабиётининг буюк намояндаларидан бири Хуан Рульфонинг ёзувчилик қисматига ҳавас қиласа арзийди. Бу санъаткорнинг ҳаётни яхсида яратилган асарлар у ёзган нарсалардан бир неча ҳисса кўн. Иккинчи жаҳон урушидан кейин пайдо бўлган ижодкорлар авлоди Лотин Америкаси адабиётини жаҳонга танитди, бу қитъа ҳалқларининг ҳаётига, уларнинг янги жамият барпо этиш учун олиб борган шиддатли курашига қизикишни кучайтириди; ҳар бир одамнинг қалбida ўзлигини танишга, ҳар қандай зўравонлик ва хуњрезлика, иккюзламачилик ва мунофиқликка қарши муросасиз бўлишга даъват ҳам этди. Адабиётнинг инсонни машақатли, бироқ саодатманд этувчи йўлга ундовчи олий вазифаси ҳам шундан иборат.

Мексика адабиётининг яна бир намояндаси, XX асрнинг машҳур романнависларидан бири Карлос Фуэнтес Хуан Рульфо ҳақида ҳавас билан шундай деб ёзди: "У Мексика ҳаётини ақл бовар қиласа даражада чуқур ўрганган зотдир..."

Хуан Рульфо 1918 йили Халиско штатида туғилган. Етимликтининг оғир ситаллари уни тез балоғатга етказади, одам танишни, дунёнинг ишларини идрок этишини ўргатади.

ЖАҲОН АДАБИЁТИ
18

Йўл гоҳ тепага ўрлаб, гоҳ пастга энади. "Бу ердан пастга қараб тушасан, у томон эса ўр. Уйдан йўлга чиққанингда тик қияликка кўтариласан, изинг-га қайтаётганингда сойликка тушиб келасан".

- Хов анови, сойликдаги қишлоқнинг номини нима дедингиз?
- Комала, сенъор.
- Адашмаяпсизми? Наҳотки шу Комала бўлса?
- Ҳа, сенъор, Комала.
- Нега қишлоқ бунчалик харобага айланиб қолган?
- Замон оғир, сенъор.

Бу жойларни бутунлай бошқача тасаввур қилинган эдим Ахир, мен бу ерда онамнинг хотиралари воситасида, унинг ҳасратга тўла кўзлари, ўтли хўрсиниқлари орқали кўрганман. У умр бўйи Комалани қўмсаб, бу ерга қайтиб келишдан умидвор бўлди, бироқ нијатига етотмай оламдан ўтиб кетди. Онамнинг ўрнига мана мен келяпман. Бу ердаги ҳар бир нарсага онамнинг кўзлари билан боқаман, чунки бу кўзларни инъом этаркан, онам дунёга унинг ўзи бўлиб боқишим лозимлигини ўқтирган. "Колимотес кўпригидан ўтсанг, кетганча ям-яшил ўтлок, ора-сира саргайиб пишган жўхоризорларни кўрасан, — деган эди онам. — Кўриб ўзинг тўймайди. Олисада — кўм-кўк сабзазор ва олтиндек товланган экинзорлар орасида Комала оппоқ оқариб кўринади. Кечаси чироқлар ёғдусига гарқ бўлиб, ажабтовур товланиб кетади". Онамнинг овози пасайиб, пичирлашга ўтар, гўё кўнгил қатида ардоқлаган муқаддас асрорини баён этаётганга, айни вақтда ўзи билан ўзи гаплашаётганга ўхшар эди... Онагинам...

- Комалага бирон юмуш билан кетяпсизми?
- Отам билан кўришмоқчиман.
- Ҳа-а... — деди ҳамроҳим чўзиб.

Биз яна гап-сўзсиз йўлда давом этдик.

Қияликдан пастга қараб эндик. Эшакларимиз тақаларини тошлоқ йўлда тақиллатганча йўртиб борар, куннинг иссигидан мудроқ босиб, кўзларимиз юмилиб кетарди.

— Сизни кўриб, отангиз жудаям хурсанд бўлиб кетса керак? — Ёнмаён келаётган ҳамроҳимнинг овози эшитилди. — Сизнинг шарафингизга зиёфат берса ҳам ажаб эмас. Бу ёқларга одам қадами тегмаганига анча бўлди. Агар сиз унга ўғил бўлмаганингизда ҳам, барибир, у терисига сигмай кетади, — деб қўйди ҳамроҳим бир оздан кейин.

Инжудек оқиши ҳовур қоплаб, жизганаги чиқиб ётган водий тиниқ кўлга ўхшаб кўринар, олисадаги уфқ эса худди иланг-биланг қора чизиқдек элас-элас кўзга чалинарди. Бу чизиқ узра паст-баланд тог тизмаси кўкка бўй чўзган. Бу тизмаларнинг нариёғида ҳудудсиз кенглик ястаниб ётарди.

- Агар сир бўлмаса айтинг-чи, отангиз қанақа одам ўзи?
- Уни ўзим ҳам кўрмаганиман, — деда жавоб бердим. — Бор-йўги унинг оти Педро Парамо эканини биламан, холос.
- Ҳа-а! Ҳўш-хўш ... Тушунарли.

Мен бу одамни Лос-Энкуэнтросга кетаверишдаги чорраҳада, Комала томонга борадиган биронта ҳамроҳ йўлиқиб қолмасмикин, деб илҳақ бўлиб турганимда учратганман.

Ёзувчи ўзини қийнаган дардларни бир қатор ҳикоя ва қиссаларда акс этиради. Бу нарса, айниқса, "Педро Парамо" қиссада ўзининг ёрқин ифодасини топган.

Қисса аниқ нарсалар тасвири билан бошланиб, сирли, хаёлий воқеаларга омухта бўлиб кетади.

Мениппия жанри жаҳон адабиётининг энг қадимий ва, афсуски, камдан-кам санъаткор кўл уришга журъят этадиган машақватли жанрларидан бироридир.

Хуан Рульфо мениппия жанри талабларидан келиб чиққан ҳолда ўлим орқали ҳётий воқеаларни таҳлил қиласди: софлик нима-ю, ёлғон нима, бу оламда қай бир ишимиз боқий қолади-ю, қай бирни bargи хазондек тўзиб кетади, деган масалалар ҳақида фикр юритади.

— Қайси томонга кетяпсиз? — деб сўрадим эшак ҳайдаб кетаётган кишидан.

— Водий томонга, сенъор.

— Мабодо, Комала деган жой қаердалигини билмайсизми?

— Мен худди ўша ёқса кетяпман.

Унинг изидан йўлга тушдим: орқасидан әргашиб борарканман, каттакатта одимлар билан илгарилётган ҳамроҳимга етиб юришга беҳуда уринардим. Анчадан кейин у менинг лўкиллаб келётганимни пайқаб, одимиши секинлатди. Биз бир меъёрда қадам ташлаб, ёнма-ён кета бошладик.

— Мен ҳам Педро Парамоннинг ўғлимани, — деди у.

Бир гала қузгун бўм-бўш осмонни тўлдирганча тепамиздан қагиллаб учуб ўтди.

Бир қанча тепаликдан ошиб ўтга, сойликка қараб туша бошладик. Иссик ҳарорат орқада — тепалик устида қолиб кетди, биз қадам-бақадам нафас олиш минг азоб бўлган олов селига кириб борардик. Атрофдаги нарсалар худди нимадир юз беришини кутаётгандек тош қотиб қолган.

— Бу ерлар жуда иссиқ экан-ку, — дедим.

— Шуям иссиқ бўлди-ю, — дэя эътиroz билдириди ҳамроҳим. — Шошиманг, Комалага етайлик, ана унда кўрасиз томошани. У ер шунаقا иссиқки, худди лангиллаб ёниб турган ер қаърига тушиб қолгандек бўласиз. Бордигу комалалик биронтаси ўлтанидан кейин жаҳаннам ўтига гирифтор бўлса, мен сизга айтиб қўйяй, дўзах совуқ туюлиб, кўрпасини опкетгани чопқиллаганча қайтиб келади.

— Бундан чиқди, сиз Педро Парамони билар экансиз-да, а? — деб сўрадим ундан.

Бу нарсани сўрамаган бўлардим, лекин унинг менга жони ачиётганини кўзларидан сезиб қолгач, ҳаддим сиғди.

— Қандай одам ўзи у? — дэя ўсмоқчиладим.

— Қутурган итдан бешбаттар одам, — дэя берди ҳамроҳим. У қиялика шундоқ ҳам йўртиб бораётган эшакларга ҳеч қандай заруратсиз қарсилатиб қамчи чатди.

Бирданига кўксимга — онамнинг сурати солинган кўкрак чўнтағимнинг ўрнига иссиқ ҳовур урилгандек туюлди, — наздимда сурат ҳам тоқат қилиб бўлмас бу иссиқдан жиққа терга тушгандек бўлди. Бу жуда ҳам эски, четлари буқланиб ийртилган, вақт ўтиши билан саргайиб кетган сурат эди. Афусски, онамнинг бундан бошқа сурати йўқ. Уни ошхонадаги шкафнинг куритилган гиёҳлар турган ғаладонидан — акация гули, ялпизу рута бойламлари орасидан топиб олганимдан буён ёнимдан қўймай олиб юрибман. Онамдан бошқа ёдгорлик қолмади. У расмга тушишни ёқтиримас, сурат орқали ҳар қандай кишига илму амал қилса бўлади, деб ўйлар эди. Чиндан ҳам худди бирор атай игна санчиди чиққандай, суратнинг ҳамма ёғи илма-тешик, ракнинг ўрни эса қўл бемалол сиққудек ўйилиб ётарди.

Отамга кўрсатиб, ўзимни танитиш учун шу суратни чўнтағимга солиб олдим.

— Бу ёқса қаранг, — деди ҳамроҳим тўхтаб. — Анови тепаликни кўрятисизми? Унинг нарёғидан Медиа-Луна бошланади. Энди бу ёқса ўгирилинг. Ҳов анови, орқадаги чўққи бор-ку, кўрятисизми? Энди бу томонга қаранг. Ҳов, узоқда ҳатто нигоҳ етмайдиган тепалик бор. Мана шу жойларнинг ҳаммаси Медиа-Луна мулки. Бу ерларнинг тупроги олтин, поёнсиз бу заминнинг ҳаммаси Педро Парамога қарашли. Биз унинг болалари бўлсак ҳам, кожбахт бўлиб тугилган эканмиз, оналаримиз шип-шийдам кулбалардаги похол бўйра устида кўзи ёришган. Қизиги шундаки, бизни чўқинтирган отамиз ҳам унинг ўзи. У сизнинг ҳам бошингизни силамаганга ўхшайди, а?

— Мен қайдан билай.

— Ана шу-да. Бу кунингдан баттар бўл.

— Нима дедингиз?

— Ҳадемай манзилга етиб борамиз, деяпман.

— Кўриб турибман. Мана бу нима?

— Дастьёр қуш, сенъор. Бу ерликлар уни шунаقا деб аташади.

— Мен уни эмас, қишлоқни айтипман. Худди биронта тирик жон қолмандек ҳувиллаб ётибди-ку. Назаримда бу ерда бирор яшайдиганга ўхшамайди.

- "Үхшамайди"нгиз нимаси? Аслида бу ерда ҳеч ким яшамайди.
- Педро Парамо-чи?
- Педро Парамо ўлиб кетгани қачон эди.

* * *

Ҳозир қишлоқларда болалар қорайиб келаётган осмонни бошига күтартганча қий-чув солиб ўйнайдиган, гуруб яллиги тушган қорамтирик деворлар заргалдоқ тусга кирадиган шом пайти эди.

Жилла қурса кечкүрун Сайул күчаларининг манзараси шундай эди. У ерда — Сайулда худди тугаб бораётган кунни устидан қоқиб тушираётгандек тез-тез қанот силкиб, тепамдан учиб ўтган капитарларни кўрдим. Каптарлар юксак-юксакка ўрлаб, худди отилган тошдек пастга шўнгишар, уларнинг ўйинидан завқланган болаларнинг шодон қийқириқлари ер-кўкни тутиб кетарди.

Бироқ мен келган қишлоқда ўлик сукунат ҳукм сурарди. Тошйўлга қўйилган қадам товушларим гумбурлаб эшитилар, қуёшнинг сўнгти нурларидан қизгимтирик тус олган деворларга урилиб, жарангисиз акс-садо берар эди.

Мен қишлоқнинг марказий кўчасидан ўтиб борардим. Ҳувиллаб ётган эгасиз уйларнинг эшиклари кўчириб олинган, бўсағаларини ўт босган. Бу қанақа ўт эди? Боя ҳамроҳим номини айтгандай бўлган эди. Бўлди, эсладим: "Биз уни хароба ўт деб атаймиз. Ўзгасиз қолишини пойлаб туради, касофат, кейин ҳамма тешик-ёриқлардан ўрмалаб чиқиб кетаверади. Боргандан кўрасиз, Комаладаги ҳамма уйларни шунақа ўт босиб кетган".

Чорраҳани кесиб ўтаётганимда узоқдан қора шолрўмолга ўралиб олган аёл кўзимга чалинди, бироқ у худди бўшлиққа сингиб кетгандек шу заҳоти гойиб бўлди. Мен бир зум тўхтаб, яна ўйлумда давом этдим. Ўзининг оғзи-дек қорайиб турган эшикларнинг ўрнига аланглаб борарканман, тўсатдан бояги қора шолрўмол ёпинган аёлга тўқнаш келиб қолдим.

— Саломатмисиз, сенъор, — дея омонлашди у ўтиб кета туриб.

Мен орқамга ўгирилиб сўрадим:

— Доњя Эдувихес қаерда туради?

— Ҳов анови ерда, — дея қўли билан ишора қилди у. — Кўприкнинг ёнидаги уйда.

Бу хотиннинг хатти-ҳаракатларида бирон гайритабиилик сезганим йўқ; овози ҳам ҳамманикига ўхшаш овоз, оғзи тўла тиш, тишининг орқасида эса югурик — тил. Гапираётганида тилининг қандай қўминалаганигача аниқ-таниқ кўрдим. Кўзлари ҳам худди ҳамманикидек.

Қоронгилик қуюқлаша бошлади.

Аёл кета туриб менга вақтихушлик тилади. Гарчанд кўча-кўйда ўйнаб юрган болалар, осмонни тўлдириб учган капитарлар, зантори томлар кўринмаса-да, менга бирданига қишлоқда ҳаёт қайнаб тургандек туюлди. Агар ҳамма ёқ сукутга чўмгандек туюлаётган экан, демак мен ҳали жимжитликка қўниммаганман ёки қулоқларим остида ҳамон шовқин-сурон, турли хил овозлар жаранглаб турибди.

Ҳа, мен одамларнинг овозларини эшиятпман. Ҳатто нафас олишга ҳаво танқис бу ерда улар янада аниқ-таниқ жаранглайди. Худди оғир тошдек вужудимга сингиб кетган бу овозлар менинг ўзимдан чиқяпти.

Шу тобда онамнинг гаплари ёдимга тушди: "У ерда яна овозимни эшиласан, шундагина мени тузукроқ тушуниб етасан. Сабаби, у чогда мен сенга руҳан яқин бўламан. Хотираларим вужудингга сингиб, унга жой бўлган ўлим сасини ситиб чиқаради. Агар ўлимнинг ҳам ўз саси бўлса..." Онагинам... Сиз тириксиз.

Онамга: "Сиз менга нотўғри манзилни берибсиз. Адашиб бошқа йўлга солиб юборганга ўхшайсиз. "Фалон-писмадон томонга қараб юргин", деган эдингиз. Мен дунёнинг аллақайси бир кунжагидаги қишлоқни ва аллақачон оламдан ўтиб кетган одамни излаб йўлга чиқибман", дегим келарди.

Мен шовуллаб оқаётган дарёни мўлжал олиб боравердим. Қўприк ёнидаги уйга етгач, эшикни очмоқчи бўлиб қўл сундим, бироқ қўлим бўшлиққа

сингиб кетди, эшикнинг ўзи очилиб, остоңада бояги аёл кўринди.

— Киринг, — деди у.

Мен остоңа ҳатлаб ичкарига кирдим.

* * *

Мен Комалада қолдим, ҳамроҳим эса эшакларини йўрттирганча йўлида давом этди.

— Мен у ёққа, анови баланд тоғларга чиқиб кетаман, — деди ҳамроҳим хайрлаша туриб. — Менинг маконим ўша ерда. Хоҳласангиз, юринг, опкетай, меҳмоним бўласиз. Хоҳламасангиз — яхши қолинг. Жудаям кўргингиз келаётган бўлса, қишлоқни айланиб чиқинг, бирон тирик жонни учратиб қолсангиз ажаб эмас.

Шундай қилиб, мен қишлоқда қолдим. Ахир бу ерга келишдан муддаойим ҳам шу эди-да.

— Кимнида ётиб қолсам бўлади? — дея унинг орқасидан қичқирдим.

— Агар тирик бўлса, доња Ҷудувихесни топиб, мен юборганимни айтинг.

— Сизнинг отингиз нима?

— Абундио, — дея жавоб қайтарди у, бироқ фамилиясини эшитолмадим.

— Эдувихес Дијида мемман. Марҳамат, кираверинг.

Назаримда у мени кутиб турганга ўхшарди. Кейин бир-бирига туташ бўм-бўш хоналардан олиб ўтаркан, аллақачон ҳамма нарса тайёрлаб қўйилганини айтди. Бироқ кўзим қоронгиликка ўргангани сайин орқа томондан тушиб турган бир чимдимгина нурнинг хира ёругида булар бўм-бўш хоналар эмаслигини, биз аллақандай қора қўланкалар куршовида юрганимизни сездим: икки томонга уйиб қўйилган катта-катта нарсалар орасидан зўрга йўл топиб бораардик.

— Нима балолар булар? — қизиқсиниб сўрадим.

— Ҳар хил лаш-луш, — деди у. — Уйим шунақа нарсаларга тўлиб кетган. Одамлар кўчиб кетишаётгандан жиҳозларини турга турсин деб менинида қолдиришган. Лекин нарсаларини опкетгани ҳалигача бирор келгани йўқ. Мен сизга ичкаридаги уйга жой солиб қўйдим. Бу хонага мен ҳеч нарса қўймайман. Битта-яримта келиб қолиши бор. Шундай қилиб, унинг ўглиман денг-а?

— Кимниң ўғли? — ажабланиб сўрадим. — Кимни назарда тутяпсиз?

— Долоритасни-да.

— Ҳа, сиз мени қаердан биласиз?

— Сизни бугун кутиб олишим кераклигини онангиз тайинлаган. Худди бугун етиб келади, деб айтган эди.

— Ойим-а? Қандай қилиб..

— Бўлмаса ким бўларди. Албатта онангиз-да.

Эсим оғиб қолди. Бироқ кампир ақлу ҳушимни йигиб олишимга имкон бермади.

— Мана шу уйда дам оласиз, — деди у.

Хонага фақатгина биз очган эшик орқали кириларди. Кампир шам ёқди; уй ичи бўм-бўш эди.

— Каравот ҳам йўқ-ку, — дедим ажабланиб.

— Нима қипти. Йўл юриб чарчагансиз, чарчаган одам худди пар тўшакда ётгандек тош қотиб ухлайди. Ўрин-кўрпани эртага опкириб бераман. Ўзингизга маълум: шошганда лаббай топилмас. Сал олдинроқ билганимда бошқача кутиб олган бўлардим, афсуски онангиз ҳозиргина хабар берди.

— Ойим-а? — дедим довдираб. — Ахир у киши қазо қилган-ку.

— Бекорга овози шунақа паст эшитилмаётган экан-да. Назаримда жуда ҳам узоқдан келаётгандек элас-элас эшитилди. Гап бу ёқда экан. Қачон вафот қилди?

— Бугун етти кун бўлди.

— Бу қандай кўргулик бўлди. Балки жон таслим қилаётгандан ҳамманинг эсидан чиқиб кетдим, ёғизлиқда ўляпман, деб ўйлагандир. Биз у дунёга бирга риҳлат қиласиз, деб ният қилган эдик. Албатта, биргалашиш кўз юмганга не етсин? Ёруг олам билан видолашиш осонроқ кечади. Бир пайтлари ҳар эҳтимолга қарши шундай аҳду паймон қилиб қўйганмиз. Ахир, ҳаётда нималар бўлмайди, баъзан ҳамма нарсадан безиб, дунё кўзингга қоронги кўриниб кетади, шуларни ўйлаб... Биз қиз ўртоқ эдик, худди эт билан тирноқдек

бир-бири миздан ажралмас дик. Наҳотки, у сизга мен тўғримда гапириб бермаган бўлса?

— Йўқ, сира гапирган эмас.

— Тавба. Аслида бунинг ҳайрон қоладиган жойи ҳам йўқ, ахир, у пайтда биз ҳали гўдак эдик. Фақат бир-бири мизни жуда ҳам яхши кўрардик. Онанг кўзга яқин, худди гулдек нафис, лобар эди. Унга бир марта кўзи тушган одамнинг юраги жизисиллаб кетарди. Рост, қараган сари қарагиси келаверарди одамнинг... Демак, у мени додга қолдириб кетибди-да. Ҳечқиси йўқ, мен ундан орқада қоладиган анои эмасман. Олами маззах иироқ, лекин у ерга олиб борадиган қандай йўллар борлиги ёлғиз менгагина аён. Руҳинг адашиб-улоқиб юрмаслиги учун нималар қилиш кераклигини яхши биламан. Аввало, худонинг ҳукмини кутиб ўтирамай, ўз майлингча, яратган эгамга омонатингни топширишинг керак. Агар у дунёга белтиланган вақт-соатдан илгарироқ рихлат қилмоқчи бўлсанг, парвардигор тезроқ ҳузурига чорлашини ўтиниб сўра. Буни қара, сансирай бошлабман-ку, а. Алжиб қолган кампирдан хафа бўлма, ахир, сен менга ҳам туғишган ўғилдай гапсан. Ҳа, ҳа, ҳайрон бўлма. Ўзимга ўзим неча қайта: "Инсофан айтганда у менинг ўғлим бўлиши керак эди", деганман. Майли, бу ҳақда вақти-соати билан гапириб берарман. Хотиржам бўл, онангни ёлғиз ташлаб қўймайман — осмондаги олами арвоҳ вал малакутнинг йўли иироқ бўлса ҳам якин орада етиб бораман.

Мен кампирнинг эс-хуши жойида бўлмаса керак, деган хаёлга бордим. Кейин ҳамма гумону шубҳалар тарқаб кетди-ю, ўзимни бутунлай бўлакча сезгилар оламига тушиб қолгандек ҳис эта бошладим. Бамисоли лангаридан узилиб, инон-иҳтиёrimни оқимнинг измига топширган қайиқча ўхшардим; аъзойи-баданим ҳалимдек бўшашиб, худди латта тўпдек итқитиб ўйнаса ҳам, турли хил шаклу шамойилга солса ҳам бўлаверадигандек туюларди.

— Мен дам ола қолай.

— Йўлдан келгансан, юр, олдин тамадди қилиб ол. Озгина бўлса ҳам бирор нарса tottingin.

— Кейин. Бирпас дам олиб бораман.

* * *

Томдан оқиб тушаётган ёмғир сувлари бўғиқ овоз чиқариб томчиларди: "Чак, чак". Томчилар зарбидан бўғот тагидаги кумлоқда узун ариқча ҳосил бўлган. Фиштлар орасидан ёриб чиққан лавр япрогига ёмғир томчилари зарб билан урилади: "чак, чак", сал ўтгач, қаттиқроқ эшитилади: "Чак!" Томчи қоқ ўртасига урилган япроқ эгилиб, титраб кетади. Момақалдироқ тинган, гоҳ-гоҳида қўзгалган шамол анор баргларига инган марвариддек ялтироқ томчиларни дувиллатиб тўкади. Тўқилган томчилар шу заҳоти ерга сингиб кетади. Момақалдироқ пайтида товуқлар худди ухлашаётгандек ҳурпайиб олишган эди. Энди бирдан жонланиб, қанот қоқканча ҳовлига ёйилишди ва ёмғир ер юзига сурисиб чиқарган чувалчангларни очофатлик билан шоша-пиша териб ея бошлашиб. Булатлар орасидан қуёш мўралади; нам тошларни йилтиратиб, чор атрофии найкамалак янглиғ товлантирди, сарсари шамолга қўшилиб ҳаво бўшлиқларида, намхуш япроқларда жилолана бошлади, ер юзига танга-танга бўлиб сочилган қайноқ нафаси билан тупроққа сингиган намни сўришга тутинди.

— Ҳожатхонада мунча қолиб кетдинг, ўғлим?

— Бўлдим, ойи.

— Кўп ўтиранг, илон чиқиб чақиб олади.

— Биламан.

"Менинг фикри-ёдим сен билан банд, Сусанна. Кўм-кўк майса қоплаган қирларнинг дол бўлиб турган ёнбагирлари ёдингдами? Намхуш шамол туриши билан биз варрак учирисига тушардик. Шамол канопни тортқилаганча варракни борган сари юқорилатиб олиб кетарди, қўлингдаги галтак айлангани сайин ўзингни қир устида эмас, худди варрак билан бирга юксак-юксакларда парвоз қилаётгандек ҳис этасан, пастдаги — қишлоқдаги турли туман овозларни илгамайсан, улар қулогингга элас-элас чалинади. "Сусанна, қарашвор!" Момиқ бармоқлар канопни қўлларимга қўшили маҳкам ушлаб олади. "Канопни ечвон!"

"Биз юзимизга урилаётган шамолдан энтикиб кулардик. Шамол эсиб тургани учун кайфимиз чөг эди. У бизни битта нуқтага қараашга мажбур қилар, шу зайл инишларимиз омухта бўлиб кетар эди. Қўлимиздаги галтак эса, варрак то ўзининг авжпоясига кўтарилиб, каноп таранг тортилиб узилмагунча чирилаб айланаверар эди. Худди тезучар қушнинг қанот силкишидек ожизгина сас эштилади ва тубсиз осмонда парвоз этаётган юғоз қушишимиз бирдан шоҳ ташлаб, биздан узоқлаша бошлайди. Варракнинг думи шамолда биланглаганча яна бир оз кўриниб туради-ю, кейин у ҳам зангори бўшлиққа сингиб кетади".

"Лабларинг худди тонгги шабнам қўнгандек намхуш эди".

— Қани, дарров чиқ ҳожатхонадан! Кимга гапиряпман.

— Ҳозир, ойи, бўлдим.

"Шу тобда сен ёдимга тушдинг. Мендан кўз узмай тикилиб турибсан. Кўзларинг худди денгиз сувидек тиник, зангори эди".

У бошини кўтариб, эшик олдида пойлаб турган онасини кўрди.

— Нега бир соатдан бери чиқмайсан? Нима қиляпсан бу ерда?

— Ҳаёл суряпман.

— Ҳаёл суришга бошқа жой қуриб кетганми? Ҳожатхонада узок ўтириш заар. Бошқа қиласиган ишинг йўқми, нима бало? Бор, бувингга жўхори уқалашвор.

— Ҳўп бўлади, ойи.

* * *

— Буви, мен сизга қараашгани келдим. Келинг, бирга уқалаймиз.

— Сен кўя қол, арзимаган нарса қолди. Ҳозир какао тортамиз. Шу момақалдириқда қаерда тентираб юрган эдинг? Қидирмаган жойимиз қолмади-ку.

— Нариги ҳовлида эдим.

— У ерда нима қилиб юрибсан? Ибодат қилдингми?

— Йўқ, буви, ёмғирнинг ёғишини томоша қилдим.

Бувиси унга синчков кўз ташлади. Унинг кўзлари ажабтовур — кулранг, сарғиш холлари бор, астойдил тикилса, қўнглингдан нима кечаетганини ҳам билиб оладиганга ўхшайди.

— Бўйти, бор, ёргичноқни тозала.

"Сусанна, сен жуда ҳам юксак-юксакдасан, осмондаги булутдан ҳам, дунёдаги энг баланд нарсадан ҳам баланддасан. Сен сирли бир оламга яширингансан, васлингга етмогим душвор, чунки сен илоҳий бир малоикага ўхшайсан, сен макон тутган масканга менинг илтижоларим етиб бормайди".

— Буви, ёргичноқнинг мурвати синиб кетибди.

— Микаэла яна жўхори сўтасини тортибида-да. Бундай қилмагин деб њеч ўргатолмадим-а. Майли, нимаям қиласидик.

— Янгисини сотиб ола қолсак бўлмайдими? Бунинг шалоги чиқиб кетган-ку, ишлатиб ҳам бўлмайди.

— Рост айтасан. Лекин бувангнинг маъракаларини ўтказгунча, озмунча чиқимдор бўлдикми? Черковга иона ҳам тўладик. Ўлик борнинг пулини сочар, йўқнинг кетини очар, деганлар, болам... Ўзимизни ўтга-чўққа урсак ҳам янги ёргичноқ сотиб олмай иложимиз йўқ. Сен доња Инес Вильяльпандоникига юргурилаб боргин-да, октябргача қарз бериб тураркансиз, дегин. Хирмон кўтаришмиз биланоқ тўлаймиз.

— Ҳўб бўлади, буви.

— Икки марта овора бўлиб юрмаслик учун биратўла элаги билан ток қайчисини ҳам сўра. Фов қилиб эккан буталаримиз одамни кўмадиган бўлиб ўсиб кетибди. Эҳ, ўзимнинг эски ҳовлимда турганимда бунақа нарсаларнинг ташвишини чекмас эдим-а; гир айланаси пишиқ-пухта қўргон эди. Худойитаоло ҳамма нарсани олдиндан билиб, белгилаб қўяди, шекилли; қўнглинг тусаганидек яшолмайсан ҳам. Доња Инесга қарзни хирмон кўтарган куни мизоқ тўлар эканмиз, дегин.

— Ҳўп бўлади, буви.

У осмонни тўлдириб учайтган чиройли қушлар — колибраларга қўзи тушиб, маҳлиё бўлиб қолди. Бу қушлар ҳамиша мана шу паллада пайдо бўлишарди. У қушлар чугурига қулоқ тутди. Чамандек очилган ясминлар орасида уларнинг париллаб қанот қоққани эштилиб турарди.

У уйга югуриб кирди-да, тангри таолонинг сурати осилган устун орқасига яшириб қўйилган йигирма тўрт сентовони олди. Йигирма сентовони чўнтағига солиб, қолганини жойига қўйди.

Эндиғина оstonага етганда онасининг овозини эшитиб тўхтади.

— Қаёққа кетяпсан?

— Доњья Вильяльпандоникидан янги ёргичноқ опкелтани. Эскиси синиб ётибди.

— Доњья Инесста айт, мана бундай, — у ўглиниг қўлига улги учун бир парча қийқим тутқазди, — қора тафтадан бир метр берсин. Қарзимизга қўшиб ёзиб қўяркансиз, дегин.

— Хўп бўлади, ойи.

— Келаётганингда кофеинли аспирин олгин. Пул тўрсочик устидаги гулдона.

Гулдонда атиги бир песо бор экан. У тангани олди-да, ўзининг пуллари ни яна илгариги жойига яшириб қўйди.

"Бунча маблаг билан бемалол яшаса бўлади". У оёгини қўлига олганча чопиб кетди.

— Педро! — дея орқасидан чақиришди. — Педро!

Эҳ-ҳа! У аллақачон кўздан ғойиб бўлиб ултурган эди.

* * *

Кечаси яна жала қўйди. Педро алламаҳалгача ёмғирнинг шовуллашига ва сувнинг жилдирашига қулоқ тутиб ётди, шу алфозда ухлаб қолганини ўзи ҳам билмай қолди, қўзини очганида томчилар томни оҳиста тақиллатарди. Терчираган ойнага келиб урилган томчилар тўпланиб, худди ёноқни юваётган кўз ёшидек пастга оқиб тушарди. "Мен чақмоқ ёруғида ялтираб кўринган ёмғир томчиларига бокиб, сенинг ёдинг билан тин олардим, фикри-ёдим фақат сен билан банд эди. Сусанна".

Шамол қоп-қора булутларни тўзитиб юборди. Унинг қулогига: "Гуноҳларини авф этиб, тан-жонини соғ қилгайсан, парвардигор. Омин!" — деган сўзлар чалинди. Розарий¹ сурасининг интиҳоси. Қайсиdir бир хонада хотин-халаж ибодат қилишарди. Кейин у аёлларнинг дувиллаб ўрнидан турганини, товуқ катак ёпилиб, эшикларга оғир тамба урилганини эшитиб, билиб ётди. Шундан кейин чироқларни ўчиришди.

Унинг ичи гира-шира ёришиб турар, ёмғирнинг шитирлаши худди чигртканинг ожиз чириллашига ўхшаб эшитилар эди.

— Нега сен биз билан бирга ибодат қилгани чиқмадинг? Буванг қазо қилганини ҳали тўққиз кун бўлгани йўқ. Тўққиз кунлик ибодатни ҳамма астайдил бажо келтириши керак.

Бўсағасида шам тутган она пайдо бўлди. Унинг сояси девор бўйлаб шифтга тушиб турар, тўсинглар кўланкани худди суюклари уриб синдирилгану чўп-устихонга ўхшатиб кўрсатарди.

— Шундоқ ҳам кўнглим гаш, — дея жавоб қайтарди у.

Она изига қайтиб, шамни ўчирди. Эшикни зичлаб ёпди ва ҳўнграб йиглаб юборди; у ўксиниб, узоқ йиглади, йиги овози ёмғирнинг шитирлашига қоришиб кетди.

Черков қўнгироқхонасидаги соат занг урди, худди вақт ўлчови бирдан ўзгариб, соатлар орасидаги дақиқалар йўқолгандек у кетма-кет ва тўхтосиз жаранглайверди.

* * *

— Ҳа, ҳа, сал бўлмаса сени мен туққан бўлардим. Онанг бу нарсани ҳам айтмаганми?

— Йўқ, ойим фақат яхши нарсаларни эсларди. Сиз тўгрингизда биринчи марта бу ёққа йўлда ҳамроҳ бўлиб келган одамдан эшитдим. Унинг оти Абундио экан.

— Вой барака топгур-эй, вой барака топгур-эй! Мени эсадан чиқармабди-да, а? Уни сира хафа қилмаганман, қўналгага юборган одамлари учун тегишли улушини вақтида бериб турардим. Иккаламизга ҳам фойда. Бироқ

¹ Р о з а р и й — католик мазҳабидагилар ўқийдиган сура бўлиб, маълум тартибга солиб такрорланадиган "Падари бузруквомиз", "Биби Марям" ҳамда "Имон келтираман" оятларидан таркиб топган.

энди ишларимиз орқага кетиб, ҳолимиз танг бўлиб қолди. Бу ерларга оғат келиб, ҳаммаёк хонавайрон бўлганидан буён ҳеч ким доримайди ҳам. Шундай қилиб, меникига қўнишни у тайинлади дегин-а?

— Ҳа, сизни қандай топишни ҳам айтди.

— Раҳмат-э, унга, раҳмат. Оқибатли, яхши одам эди, бечора. Тани-жони соғ пайтда ҳам, кейинчалик қулоги оғирлашиб қолганда ҳам хат ташувчилик қилди. Бечоранинг бошига ташвиш тушган ўша касофат кун худди кечагидек эсимда. Унга ҳамманинг раҳми келди. Одамлар яхши кўришарди-да. Хатларимизни ўз вақтида етказиб келарди, ёзиб қўйганларимизни олиб кетарди, у ёқда — тогнинг нарёғида қандай янгиликлар борлигини бизга етказиб турарди. У ёқдагиларга биз тўгримизда сўзлаб бериши турган гап. Унга ош-овқат берма, фақат гапига қулоқ солсанг бас. Гаранг бўлиб қолганидан кейин ўзгарди-қўйди — оғзига қулф солиб олди. "Ўз қулогим билан эшитмаган нарсани сизларга қандай гапириб бераман. Энди бунақа нарсаларга рагбат ҳам, хоҳиш ҳам йўқ. Бирон нарсани эшитиб, сўзнинг лаззатини ҳис этмаганингдан кейин — гапирингт келармиди". Арзимаган нарсадан шунақа бўлиб қолса-я. Бир мушак билан илонларни қўрқитиб ҳайдётган эдик, тўсатдан биттаси шундоққина унинг қулоги остида пақиллаб ёрилди. Шу дақиқадан бошлиб қулоги том битди-қўйди. Тил-забони бор-у, лекин илгариги сўзамоллигидан асар ҳам йўқ. Шундай бўлса ҳам одамлар уни, барибир, бояги-боягидай яхши кўришарди.

— Лекин менга йўл кўрсатган одам яхши эшитарди.

— Демак, бошқа бирор экан. Бу дунёда Абундио қолибдими. Аллақачон ўлиб кетган бўлса керак. Ўзинг ўйлаб кўр, ўлиб кетган одам сенга қандай йўл кўрсатсан.

— Рост айтасиз, ўлган одам йўл кўрсатолмайди.

— Мен сенга ойинг ҳақида гапириб бермоқчиман...

Кампир рўпарамада ўтиради. Унинг гапларига қулоқ сола туриб, син-чиклаб кўздан кечира бошладим. Кейинги пайтларда йўқчиликдан қийналган кўринади, ранги синиқиб, зальфарон тус олган, меҳнатда чақилган қўлларида мутлақо мадор йўқ. Чукур ботган кўзларини илгаш маҳол. Оқ матодан эскича усулда тикилган кўйлаги жимжимадор бурмали, бўйнига эса гир айланасига "Осиyllарнинг нажоти ва пуштипаноҳи" деган ёзув зарб этилган "Биби Марям пуштипаноҳи"¹ осилган.

— ... Мен айтган йигит Меди-Лунада йилқибоқар бўлиб ишларди. Оти Иносенсио Осорио эди. Лекин ҳамма уни "Чигиртка" дерди. Иргишилашга суюги йўқ эди. Педронинг чўқинтирган отахони, бунақа югурик одамнинг пешонасига фақат йилқибоқар бўлиш ёзилади, дер эди. Афсунгарликни ҳам қойил қиласди. Ҳар қандай одамни сеҳрлаб ташларди ўзиям. Бу ҳам худонинг бир каромати-да. Агар истаса, бирпаста кўзингни кўр, ўзингни гўлгумроҳ қилиб қўярди. Кўпларни довдиратган, онангни ҳам, мени ҳам жинни қилган. Бир куни, десанг, тобим қочиб қолди. У тўсатдан кириб келди-да: "Мен сени уқалаб тузатвораман", деди. Унинг уқалалиши ҳам ғалати: қўлингдан ушлаб, олдин бармогингни учидан бошлиайди, аста-аста юқорилаб билагингни, ундан елкангни силаб-сийпалашга тушади, кейин устингдаги кўрпани очиб ташлайди — худди безтак хуруж қилгандек қалт-қалт титраб-қақшайсан, у бўлса парвойи-палак, болдириларингни эзгилайверади. Бир пайт баданингга иссиқ югуриб, мисдек қизиб кетасан. Унинг қўллари тиним билмайди, гапириб чакаги қаришмайди — тақдингни каромат қиласди, худди иситмаси хуруж қилгандек кўзлари аланг-жаланг бўлиб алаҳлайди, худога ёлбора туриб, бирданига худди бозорда юрган лўлидек юзингга тупук сачратиб, сўкинишга тушади. Баъзан жазаваси тутиб кетса, энгил-бошини ечиб, шир ялангоч бўлиб олади. Бунақа пайтда одам кўнгил измига қараб иш тутиши керак, лейди. Бирданига енгил тортиб, туппа-тузук бўлиб қоласан. Тузалмаганингга қўймайди ўзиям. Ҳаммаёғингни ушлаб, эзгилаб оғриган жойингни топади. Онанг унга учрашган экан: "Бугун эринг билан қовушма, ойнинг қаҳри келяпти", дебди.

Долорес йиглагудек бўлиб, менинг ёнимга келди. "Унинг кутишга тоқати

¹ "Биби Марям пуштипаноҳи" — бузук аёлларнинг гуноҳини тилаб олиш ниятида католик мазҳабидагилар орасида ташкил этилган "Биби Марям пуштипаноҳи" жамоасига мансуб диндорлар бўйнига осиб юрадиган нишон.

қолмаган, лекин мен олдига киролмайман, иложим йўқ. Нима қилсам экан-а? Онанг ўша куни Педро Парамо билан бир ёстиққа бош қўйиши керак эди, лекин бу ёққа ҳалиги гап... "Осорионинг гапига қулоқ солиб ўтирибсанми? У қип-қизил ёлғончи, муттҳажам-ку", дея тасалли беришга уриндим.

"Сира иложим йўқ, — дея зорланди у. — Менинг ўрнимга гўшангага сен кира қол. Педро билиб ўтирибдими".

Мен ҳали гўр қизалоқ эдим. Ранги-рўйим ҳам қорамагиз эмас. Лекин қоронгиди бирорвинг ранги қанақалигини ким билиб ўтириби?

"Эсинг жойидами, Долорес. Ўзинг кир".

"Хўп дея қол. Вақти келганда қарзимни узворарман".

Ўша пайтда онангнинг кўзлари рад қилиб бўлмас илтижога тўла эди. Унинг бутун жозибаси кўзларида эди. Астойдил тикилиб илтимос қилса, бирон гапига йўқ, дейёлмасди киши.

"...Хўп дея қол, деб ўтинарди, менинг ўрнимга гўшангага кира қол".

Рози бўлишдан бошқа иложим қолмади.

Туннинг қоронгилиги қўл келди. Мени қўнишга мажбур қилган, онанг билмайдиган яна бир сир бор эди: Педро Парамога мен ҳам ўзимча хуштор эдим.

Мен у билан бир ёстиққа бош қўйдим: ўз ихтиёрим билан, бажону диг ўринга кирдим. Вужудига сингиб кетгудек бўлиб чирмашиб олдим. Бироқ у худди тўнкадек парвойи-палак ётаверди; бир кун олдин бурнидан чиққунча ичиб, роса кайфу сафо қилган экан, хурракни ванг қўйиб ухлади. Борйўғи оёгини менинг оёқларим билан чалиштириб ётди, холос.

Тонг ёришар-ёришмас Долореснинг олдига югурдим.

"Энди бор, сен кириб ёт, — дедим унга. — Ирим қилган кунинг ўтиб кетди".

"Ҳалигидай... шўхлик қилдингларми?" — деб сўради онанг.

"Тўғриси, билмай қолдим".

Бир йилдан кейин сен туғилдинг. Афсуски сени мен туққаним йўқ. Агар тасодифан гафлат босмаганида сенинг онанг мен бўлишим мумкин эди.

Балки, онанг бу гапларни сенга айтишга уялгандир.

"Кўйм-кўйк ялангликларга, экинзорларнинг шамолда оҳиста чайқалишига ҳамоҳанг тин олаётган уфқдаги қизгиш чизиққа, аста-секин қуюқлашиб бораётган оқшом ёногини юваётган ёмғирнинг шаффоф томчиларига бокиш керак. Заминнинг турфа жилоларини, қулф урган бедапоянинг салқинини, ҳозиргина тандирдан узилган ноннинг исини шимириш лозим. Кўчалар эса худди асалнинг хушбўй хидидек ёқимли исларга тўла..."

Онангнинг Педро Парамога сира кўнгли йўқ эди. Унга сари Педронинг жигибийрони чиқарди. "Долоретас! Бугун нонуштага бирон нарса беришадими, йўқми?!" Онанг тонг қоронгисида туриб, ўчоққа ўт ёқарди-да, тортилья пиширас, какао билан кофе донини қовуарди. Егуликнинг исини олган мушуклар миёвлаб туриб келишар, ўчоқ бошида куйманаётган Долорес қаёққа юрса, тўдалашиб орқасидан эргашишарди.

"Донъя Долоретас!"

Бундай қичқириқлардан куни бўйи онангнинг қулоги қоматга келарди. "Донъя Долоретас! Қовурдоқ совиб қолибди! Гўштга тиш ўтмайди-ку!" Таънау дашномларнинг адоги йўқ эди. У бундай муомилага кўнишиб кетган бўлса ҳам мулоҳим бокувчи кўзлари ўзгариб, қаҳрли тус оларди.

"... Оламдаги ҳар хил исларни босиб кетган апельсин гулларининг тароватини иссиқ ҳавога қўшиб симириш керак".

У юриб-юриб, баъзан тез-тез уф тортиб қўярди.

"Нега бунча хўрсинасиз, Долоритас?!"

Ўша куни кечки пайт бирга сайрга чиқдик. Далада донлаб юрган қораялоқлар галасининг гуриллаб учшини томоша қилдик. Тепамизда қиргий оҳиста парвоз этарди.

"Нега бунча хўрсинасиз, Долоритас?!"

"Менинг ҳам ўша қиргийга ўхшаб қанотим бўлса эди, опагинамнинг ёни-

га учиб кетардим".

"Учиб нима қиласиз, Долоритас? Наҳотки, сизга йўлкирага лойик пулни қизгансам? Пайсалга солмай, шу бугуноқ йўлга чиқинг. Юринг, уйга борайлик. Мен ҳозироқ айтаман, дарров нарсаларингизни йигишириб беришади. Учиб кетардим эмиш-а?! Қаердан топдингиз бу гапни?"

Шундай қилиб, онанг бош олиб кетди.

"Яхши қолинг, дон Педро".

"Яхши етиб ол, Долоритас!"

У Медиа-Лунага қайтиб қадам босмади. Орадан талай вақтлар ўтгач, мен Педро Парамодан Долоритаснинг ахволи қалай, деб сўрадим.

"Унга мендан кўра опаси азизроқ экан. У ерда егани олдида, емагани кетида бўлса керак. Ростини айтсам, ўзимя кейинги пайтларда жонимга тегиб юрувди. Хотиринг жам бўлсин, уни сўраб-суринширидан аҳмоқ йўқ".

"Ахир улар қандай кун кечиришади?"

"Худонинг ўзи меҳрибон, очдан ўлишмас".

"... У одамгарчилик юзасидан ҳам бирон марта бизни эслаб қўймади, ўглим. Бу қилмиши учун энди жуда қўп товон тўласин".

Шундан бери то куни кечагача ундан бирон хат-хабар бўлмади. Кеча тўсатдан онанг сен келаётганингни маълум қилди.

— Ҳа, бошимизга кўп ташвишлар тушди, — дедим. — Биз Колимадаги Гертруда холамникида турдик, у менга тирик товон бўлдиларинг, деб еганимизни заҳар-заққум қиласди. "Нега эрингни олдига қайтиб кетмайсан?" — деб онамга кун бермасди.

"У орқамдан бирорин юбордими? Ўзи келиб олиб кетмагунча қайтиб бормайман. Мен сени согиниб, кўргани келганман. Сени қанчалик яхши кўришимни билганингда эди".

"Согиниб келганинг яхши-я, лекин токайгача менинида турасан? Одам деган иззатини билиши керак".

"Кошки ҳамма нарса менга боғлиқ бўлса".

Кампир менинг гапларимни тинглаяпти деб ўйлаган эдим, қарасам у аллақандай узук-юлуқ овозларни илғаб олмоқидай бошини бир томонга қийшайтирганча қулогини динг қалиб ўтирибди.

— Ухламаймизми, а? — деб қолди у тўсатдан.

* * *

"Кетган кунинг энди сени қайтиб қўрмаслигимни ҳис этдим. Сен осмонни қирмизи рангга бўяган кечки шафақнинг шаффоф нурларига чулганганча уғқ багрига сингиб бораардинг. Юзинг табассумдан ёришиб турарди. Ўзинг тез-тез: "Бу қишлоқни фақат сен туфайли яхши кўраман, лекин бошқа ҳамма нарсаси, ҳатто шу ерда тутгилганим учун ҳам ундан нафрратланаман", дея ижирганиб тилга оладиган гўшангдан тобора узоқлашиб бораардинг. Изингдан қараб туриб: "Энди у қайтиб келмайди", дея кўнглимдан кечирдим. Бу фикр миямга ўрнашиб олиб, қайта-қайта тақрорлана бошлади: "Сусанна энди қайтиб келмайди. Ҳеч қачон, ҳеч қачон".

* * *

— Бу ерда нима қилиб юрибсан шу пайтда? Нега ишга чиқмадинг?

— Ишда эдим. Рохелио болага қара деб юборди. Мана айланиб юрибмиз. Рохелио билъархонада маза қилиб пиво ичиб ўтирибди, менинг шўрим қуриб, ҳали болага қарайман, ҳали телеграфга югурдаман. Лекин шунчага ўлибтирилганим билан у менга бир тийин ҳам бермайди.

— Сен пул топгани эмас, унга шогирдликка ёллангансан. Олдин қўлингдан бир иш келсин, кейин ҳақ талаб қиласан. Бунинг учун сабр-тоқатли, тиришқоқ бўлиш керак. Болага қара дейишдими, бўйин товламай хўп де. Тақдирга тан бермай иложимиз йўқ, сабр-тоқатли бўлиш бизга Исойи ма-сиходан мерос қолган.

— Майли, бошқалар тақдирга тан бераверсин, буви, мен мўминтой бўлиб яшашни истамайман.

— Сен тентак бунақа терс бўлма. Юрагим сезиб турибди, сен бу дунёда ҳеч рўшнолик кўрмайсан, Педро Парамо.

— Нимага қулоқ соляпсиз, доњья Эдувихес?

Кампир чўчиб уйгонгандек бошини сараклатди.

— Туёқ товуши эштиляпти. Мигель Парамонинг оти Медиа-Лунага қараб чопиб кетяпти.

— Демак, Медиа-Лунада ҳали ҳам одамлар яшар экан-да?

— Йўқ, ҳеч ким яшамайди.

— От-чи?

— Отми? От ўз майлича юраверади. Ҳали у ёққа, ҳали бу ёққа чопиб ўтгани эштилиб туради. Иккаласи бир-биридан ажралмас эди. Жонивор эгасини излаб, ҳаммаёқни кезиб чиқади, лекин ҳар куни шу вақтда, албатта, қайтиб келади. Бечора айбини ҳис этиб, ўзини қўярга жой топотмайди шекилли. Ҳайвон ҳам гуноҳкор бўлса, қийналади.

— Нима деяётганингизни сира тушунолмайман. Ҳеч қанақа туёқ товуши эштилаётгани йўқ-ку.

— Ҳозир ҳам эшитмаяпсанми?

— Йўқ.

— Демак, мен савқи-табиий билан билаётган эканман-да. Не ажабки, парвардигор менга шунақа қобилият берган, бу қобилият эмас, балки бошга битган бало. Мана шу қобилиятим туфайли не кўргиликларни кўрганимни ўзимдан бошқа ҳеч ким билмайди.

Кампир жим қолди.

— Ҳаммасига чўқинтирган ўғлим Мигель Парамонинг ўзи айбор, — дея яна гап бошлайди у. — У ҳалок бўлган кечаси юз берган фақатгина менга аён эди. Эндинга ўринга кирган эдим. Бирдан унинг оти чопиб келаётганини эштиб қолдим. От Медиа-Лунага қараб чопиб келарди. Мигель бунақа пайтда қайтмас эди-ку, деб ҳайрон бўлдим. Ҳамиша эрталабга яқин келарди. Мана шу яқинимиздаги Котли деган шаҳарда турадиган бир қизникига зир қатнарди. Лекин йўли узоқ. Вақтили кетиб, кеч келарди; тоңг отгунча маъшуқаси билан шакаргуфт оллашишарди. Фақат ўша куни қайтиб келмади... Энди эшитаётгандирсан? Туёқнинг тақиллагани шундоққина билиниб турибди-ку. Жонивор қайтиб келяпти.

— Мен ҳеч нарса эшитаётганим йўқ.

— Бундан чиқди бу овоз фақатгина менга эштилар экан-да. Ўша куни у қайтиб келмади. Қайтиб келмади дегани — қуруқ гап. Энди нима бўлганини эшит. Бирдан туёқ товуши тиниб, бирор секингина деразани чертгандек бўлди. Олдинига менга шундай туюлгандир, деб ўйладим, бирор қозоворталаниб ётолмадим: туриб деразани очдим: “Ким у?” Қарасам Мигель Парамо. Уни кўриб сира ажабланганим йўқ. Сабаби, илгарилари, хонимчаси ақлу-хушини ўтиргандек қўймаганидан бурун у ҳар замонда келиб, бир кеча, ярим кечга тунаб кетарди.

“Ҳа, қувиб солдими?” — деб сўрадим.

“Йўқ, у мени яхши кўради. Фақат бугун йўлни йўқотиб, шаҳарни топиб боролмадим. Ҳаммаёқ туман, балки, бу тутундир, ишқилиб, ҳеч нарсани кўриб бўлмайди — шаҳарнинг ном-нишони йўқ. Яна озгина юриб кўрай-чи, деб ўйладим. Қаёққа қарасам — бий дал. Шуни сенга айтгани кирдим. Ҳеч бўлмасен ишонарсан. Комалада бошқа бирорвга гапиргудек бўлсан, айниб қолти, дейиши турган гап. Шундоқ ҳам мени тўзими йўқ бетайин, дейиши-ди-ку”.

“Айниб қолган дейсанми? Йўқ, Мигель, сен айнимагансан. Менингча, сен аллақачон ўлиб бўлгансан, билдинги? Сенга неча марта: “Бу отни йўқот, жуда ҳам асов, ахир бир куни сени жувонмарг қиласди”, дейишган. Эсингдами? Балки от айбор эмасдир. Балки ўзингнинг аҳмоқлигиндан шундай бало-қазога гирифтор бўлгандирсан?”

“Мен ҳеч қанақа тентаклик қилганим йўқ, бор-йўғи яқиндагина отам тошдан урдирган девордан ошиб ўтдим, холос. Бекорга вақт кетказиб, айланиб юришга эринган эдим. Саманга бир қамчи чатган эдим, говдан ошиб, югуриб

кетди: ҳаммаёқ қоп-қоронги деяпман-ку сенга, аччиқ тутундан кўз ачишиб, ҳеч нарсани кўриб бўлмайди, ҳаммаёқ бурқисиб ётганга ўхшайди”.

“Эрталаб бу хабарни эшишиб, догингда отанг бечоранинг қадди дол бўлади, — дедим. — Отангга ачинади киши. Энди кета қол, Мигель, жойинг жаннатда бўлсин. Мени эслаб видолашгани келганинг учун раҳмат”. Мен деразани ёпиб қўйдим.

Эрталаб Медиа-Лунадан хизматкор чопиб келди.

“Сизни ўз лар и йўқлаяптилар. Мигель бойвачча отдан йиқилиб ўлибди. Дон Педро сизни тез келсин, дедилар”.

Мен унга: “Ҳаммасидан хабарим бор”, дедим. Кейин: “Нега йиглаяпсан? — деб сўрадим. — Йиглагин дейишдими?”

“Шундай. Дон Фульгор: “Йиглаб туриб гапир”, деб тайинлади”.

“Бўгти. Дон Педрода айт, ҳозир етиб бораман. Майитни олиб келишганига анча бўлдими?”

“Яirim соатча бўлди-ёв. Сал олдинроқ хабар топишгандага балки тирик қолармиди. Лекин дўхтири, фойдаси йўқ, эди, дейди. У бойваччанинг ҳаммаёгини ушлаб кўрди-да, узилганига анча бўлибди, бадани муз-кесак, деди. Агар саман келмаса, Мигельнинг ҳалок бўлганини билмай юраверар эканмиз, от жонивор қора терга тушиб чопиб кепти, пишқирганча ер тегиб, ҳаммани оёққа турғазди. Биласиз-ку саман иккаласи бир-биридан айрилмасди. Менга Дон Педродан кўра мана шу тилсиз маҳлук кўпроқ куяётгандек туюлди. Емга ҳам, сувга ҳам қайрилиб қарамайди, отхонага яқин йўламай, ўзини у ёқдан бу ёққа уради: худди жон томирига қиздирилган темир босишгандек, ичини огу ўртаётгандек жонсарак”.

“Кетаётганингда эшикни ёпиб қўйиш эсингдан чиқмасин”.

У кетди.

— Сен умрингда бирон марта марҳумлар қандай нола чекишиганини эшигтанмисан?

— Йўқ, доња Эдувихес.

— Қандай баҳтли одамсан-а.

* * *

Сув тақсимловчи жўмракдан сув томчилаяпти. Ернинг заранг қатламларидан сизиб чиққан бу тиниқ, покиза томчилар бирин-кетин цемент идишга чакиллаб тушади. Уларнинг чак-чак томишига қулоқ тутаркансан, бироннинг судраб босилган, бошқа бироннинг эса ишонч билан дадил ташланган қадам товушларини ҳам эшитасан. Қадам товушлари. Улар дам яқинлашиб, дам узоқлашади. Сув ҳам тўхтовсиз томчилайди. Нихоят, идиш тўлиб, тошиб чиққан сув ер билан битта бўлиб ёйилади.

“Кўзингни оч!” — деб амр этади кимнингдир овози.

Таниш овоз. Ким бўлди экан? Йўқ, бу ахволда унинг кимлигини билиш маҳол: аъзои-баданинг бўшашиб, уйку ёқимли фарогатга ундовчи аллақандай мулоим куч билан қайтадан ёстиққа бош қўйиб, роҳатланиб мудрашга ундейди. Кўлларинг ўз-ўзидан кўрпага ёпишиб, бошингни буркайсан — иссиқ ўринга кириб ҳузур қилиб ором оласан.

“Кўзингни оч!” — деган овоз бу гал нақ қулоги остида эшитилади.

Овоз эгаси унинг елкасидан олиб, ўрнидан туриб ўтиришга мажбур қиласди. У эринибина кўзини очади ва яна жўмракдан ясси цемент идишга сувнинг чакиллаб томаётгани эшитилади. Қаердандир оғир, судралган қадам товушлари ҳамда йиги келади. Уйготиб юборган ҳам мана шу йиги эканини у ҳали ҳам караҳт идроки билан зўр-базўр англайди. Бу унсиз, лекин юрак-бағрингни зириллатувчи овоз эди. У шунчалар нола-ю фигонга тўлаки, уйқунинг барча сезгиларини бўшаштириб, ўраб-чирмаб ташлаган пардасини ёриб, юракнинг аллақайси қоронги пучмоқларида биқиниб ётган қўрқув ҳиссини қалқитиб чиқаради.

У аста ўрнидан қўзгаларкан, қоронги уйда қора кўланкага ўхшаб турган аёлга кўзи тушди. У эшик кесакисига пешонасини тираганча ўксиниб-ўксиниб йигларди.

У шундагина онасини таниб сўради: “Нега йиглаяпсиз, ойи?”

“Отанг... отанг қазо қилди, болам”, йиги аралаш жавоб берди у.

Тўсатдан бошига тушган мусибат худди тиқинидан чиқиб кетган пружинадек аёлни ерга кўтариб урди, у ақлу ҳушидан айрилиб, у ёқдан бу ёқса думаларди. Шу пайт боланинг қўлчалари унинг елкасидан тутди, идрокка итоат этмай қўйиган вужудни амрига бўйсундириб ўрнидан тургазди.

Ташқаридан эса юлдузсиз осмон субҳи-содиқ олдидан қўрғошин тус олар, кўкдан ҳали рангини илғаб бўлмайдиган хира, қўнгиртоб нур ёғилар, гиравшира ёришиб келаётган тонг худди кечки олаговгум пайтига ўхшар эди.

Ташқаридан эса ҳамон кети узилмайдиган тинимсиз қадам товушлари ҳамда гўнгир-гўнгир овозлар эшитилади. Бўсағада дарди-дунёси қоронгу аёл — онаси буқчайиб турибди. У худди субҳи-содиқнинг йўлини тўсиб тургандек, тонгнинг илик нурлари хонага ёпирилиб киролмасди, лекин барибири унинг елкаси оша, эшик кесакисини ушлаб турган қўллари орасидан осмоннинг бир парчаси йилт этиб кўринди. Ёпирилиб кирган бир чимдим нур унинг оёқларини сийпалаб, турган жойини йилтиратди, ер кўз ёшларидан ҳўл бўлганга ўхшарди.

Яна ҳиқиллаш, яна юрак-багирни зириллатувчи йиги овози, бутун вужудни титратиб, тилкаловчи, жон ўртагувчи унсиз фарёд эшитилди.

“Сенинг отангни ўлдиришди, болагинам”.

“Сен-чи, сени ким ўлдириди, онажон?”

“... Ҳаво ҳузурбахш, қуёш мўл-кўл нур сочади. Нилий тус олган осмонда лаҳтак-лухтак булатлар сузиб юрибди. Эҳтимол, мана шу кўм-кўк осмондан ҳам юксакроқда биз заминда юриб ҳеч қачон эшитмаган куй-қўшиқлар янгар... Бу хил хаёл кўнгилда ажабтовур орзу-умидлар уйготади ва биз қай аҳволга тушмайлик, барибири, умидворлик билан яшаймиз.

Бироқ сен нимадан умидвор бўласан, Мигель Парамо? Ахир сен гуноҳларингдан фориг бўлмай кетдинг, энди у дунёда оллонинг мағфиратига сазовор бўлмогинг душвор”.

Падре Рентерия черковда жам бўлганларга юзланиб, ибодатнинг сўнгги сўзларини овоз чиқариб айтди. Лекин марҳумга олладан мағфират тилаб, жаноза дуосини ўқимасданоқ меҳробдан тушди: у тезроқ уйига кетишга ошиқаётганга ўхшарди.

— Тақсир, марҳумга мағфират тиланг!

— Йўқ, — деди руҳоний кескин бош чайқаб. — Унга мағфират сўрашга ҳаққим йўқ. У бадхулқ одам эди, оллонинг марҳаматига сазовор бўлолмайди. Агар унинг учун воситачилик қилиб, худога ёлборсам, гуноҳга ботаман.

У бармоқлари титраётганини билинтирмаслик учун қўлларини қаттиқ тутамлаганча гапиради.

Лекин охир-оқибат у, барибири, кўпчиликнинг иродасига бўйсунди. Черков ўртасидаги супада узун-узун шамлар ёғдусига чўмганча гулларга кўмилиб турган тобутдаги майит бу ерга йигилган одамларнинг меҳру муҳаббатини қозонган эди. Тобутнинг бош томонида турган марҳумнинг отаси жаноза маросими тезроқ поёнига етишини бетоқатлик билан кутарди.

Педро Парамонинг ёнидан ўта туриб падре Рентерия Медиа-Луна мулкдорига тегиб кетмаслик учун бирдан ўзини орқага олди...

У қўлидаги чўтка билан истар-истамас муқаддас сув сепди. Лаблари нималарнидир шивирлар, унинг бу пичирлаши бемалол ибодат ўрнига ўтиши мумкин эди. Кейин у аста тиззаларини бүккан эди, ҳамма чўккалади.

— Яратган бандангни ўзинг мағфират қилгайсан, парвардигор!

— Охирати обод бўлсин, омин! — Черковга йигилганлар бир овоздан дуо қилишиди.

Газаб яна унинг қонини қайнатган аснода одамлар Мигель Парамонинг жасади солинган тобутни черковдан опчиқиб бўлишган эди.

Педро Парамо чўккалаб ўтирган руҳонийнинг ёнига келиб тиз чўкди.

— Тақсир, биламан, сиз уни ёмон кўтардингиз. Бунинг ўзига яраша сабаблари бор, албатта. Укангизни менинг ўглим ўлдирган деган овозалар тарқалди. Кимлардир жиянингизнинг ор-номусини ёқости қилди, лекин сиз бу қабиҳлик ҳам Мигельнинг қилмиши деб ҳисобладингиз. У сизни иззат-икром қилмас, ҳатто ҳақоратлашдан ҳам тоймасди. Бу гаплардан кейин унга қандай муносабатда бўлишингиз аён. Лекин энди бу нарсаларни эсдан чиқаринг, тақсир. Ким билсин, балки яратган эгам унинг гуноҳларидан кечгандир. Сиз ҳам унга шафоат кўрсатиб, афу этинг.

У тиз чўкиладиган курсига бир ҳовуч олтин танга қўйиб, ўрнидан турди.

— Мана шу арзимас ионамни ибодатхонангизнинг кам-кўстига ишлатарсиз.

Ҳамма черковдан чиқиб бўлган, фақат икки киши даҳлизда уни кутиб турарди. Педро Парамо уларга қўшилиб черков олдида тобутни қўтариб турган Медиа-Луналик хизматкорларга яқинлашди. Одамлар оқими қабрис-тонга қараб йўл олди.

Падре Рентерия курсичада турган тангаларни битталаб олгач, меҳробга яқинлашди.

— Бу сенга иона, — деди у девордаги суратга қараб. — У сенинг маг-фиратингни сотиб олишга ҳам қодир. Фақат бу пул унинг ҳамма гуноҳларни бирварамайига сотиб олишга етармикин? Сенинг оёқларингга бош уриб, унинг жазосини ўзинг бергайсан деб ёлбораман. Бу қилмишмнинг тўғри, нотўғрилигини яна ўзингдан сўрайман, зоро фақатгина сендан ҳамма нарсанни сўраш мумкин. Илтижо қиласман, унинг жазосини ўзинг бер!

У ўрнидан туриб, меҳробни ёпди.

Черков анжомлари сақланадиган ризахонага кириб, бурчакда турган ўрин-диққа ўзини ташлади-да, юрак-багри хун бўлиб, ҳўнграб юборди, шу кўйи то кўзлари қуриб қолгунча йиглади.

— Майли... Гапларимни қайтиб олдим, парвардигор, — деди у кўзларини арта туриб.

* * *

Кечки овқатдан кейин у одатича бир пиёла шоколад ичди ва ҳар қачон-тидек ўзини вазмин, хотиржам ҳис этди.

— Менга қара, Анита, бугун ким қўмилганини биласанми?

— Йўқ, билмайман, амаки.

— Мигель Парамони эслайсанми?

— Эсимда, амаки.

— Бугун уни дағн әтишди.

Анна бошни хам қилди.

— Ўша куни хонангга бостириб кирган Мигель эканлиги аниқми?

— Билмадим, амаки. Аниқ бир нарса дейишим қийин. Мен унинг ранги-рўйини илғаб ололганим йўқ. Ахир у кирганда қоронги кеча эди.

— Бўлмаса нега мени у зўрлаган, дединг?

— Унинг ўзи: “Қўрқма, Анна, мен Мигель Парамоман”, — деб айтди.

Худди шундай деди.

— У отангнинг қотили эканини билардинг, а?

— Билардим, амаки.

— Уни ҳайдаб чиқаришга урингандирсан?

— Йўқ, ҳеч нарса қилганим йўқ.

Бир дақиқалик сукунат чўқди. Ям-яшил мирта бутасининг хушбўй атр уфурувчи япроқларини илиқ шамол шилдиратиб ўйнагани барадла эшитилди.

— Келишидан муддаоси шундоқ ҳам аён эди. Айбимга иқрор бўлиб, кечирим сўрамоқчиман, деб айтди. Мен ётган жойимда: “Дераза очик”, дедим. У деразадан ошиб тушди-да, мени қучоқлаб ўпди. Мен у шу зайл кечирим сўрайяпти деб ўйлаб, кулиб қўйдим. Шу топда сизнинг, ҳеч кимга кин-адоват сақлама, деган ўйтингиз ёдимга тушди. Бу нияти табассум орқали билдиримоқчи бўлиб жилмайдиму, бироқ қоронгида у ҳеч нарсани илгаслиги ёдимга тушди, ахир мен ҳам унинг юзини кўрмасдим. Тўсатдан Мигель бор оғирлигини ташлаб устимга ётиб олди. Кўнглимга, у мени бўғиб ўлдирмоқчи деган вас-вас фикр келди. Унинг бошқа нияти борлигини фол очибманми. Мигел мени ҳалок қилишидан олдинроқ ўлиб кўя қолиш учун гунгу кар бўлиб ётавердим. Афтидан, у мени ўлдиришга ботинолмади, шекилли.

Кўзимни очганимда тонг ёришиб кетган экан. Дераза ланг очик. Тирик қолганимга ҳали ҳам ишонгим келмасди. Бу ёрут оламни энди кўрмасам керак деб ўйлаган аснодан бу ёғига қанча вақт ўтганини билмасдим.

— Бу Мигельдан бошқа одам эмас, дейишинга нима асосинг бор? Балки овозини ўхшатгандирсан?

— Билмадим. Ахир мен уни олдинлари ҳеч ҳам кўрмаганман-ку.

Кейин ҳам бирон марта кўрмаган бўлсам қандай қилиб танийман? Фа-

қат у отамни ўлдирганини билардим, холос.

— Ахир унинг қандай одамлиги маълум эди-ку.

— Ҳа, унинг қўлидан ҳар бало келишини ҳам билардим. Агар бу ишни Мигель қилган бўлса, бугун унинг руҳи нақ жаҳаннамнинг тубига ташлангандир. Мен ўша кундан бери азиз-авлиёларга сигиниб, унинг жонини қийноққа солишларини сўрайман. Зора, менинг оҳу зорим уларга етиб борган бўлса...

— Сенинг илтижоларинг ижобат бўлганига гумоним бор, эй осий банда. Бугун қанча одам унинг ҳақига дуо қиляпти. Сен ёлғиз ўзинг минглаб одамнинг хоҳишига қарши чиқяпсан. Минглаб одам орасида бошқаларницидан кўра кўпроқ ижобат бўладиган дуо бор — бу ота дуоси.

У сал бўлмаса: “Менинг ўзим ҳам оллодан унинг гуноҳларини афу этиб, магфират қилишини ўтиндим,” деб юбораёзди. Гарчанд бу нарса кўнглидан кечган бўлса ҳам ўзини босди; бевақт дарз кетган бу сабий қалбга яна озор бериш гуноҳи азим эди. У жиянининг қўлидан тутиб:

— Бу дунёни жуда кўп ёвузликлар қилтан нобакордан холос этгани учун тангри таолога шукроналар қиласайлик. Майли, олло уни ўз даргоҳига чорлаган бўлса ҳам қутилганимизга минг қатла шукр, — деди.

* * *

Аргумоқ Контлига элтадиган йўлнинг чорраҳасидан ўқдек учеб ўтганини бирор кўргани йўқ. Фақат кейинчалик кўча эшик олдида бирорни кутиб турган аёл кўкка сапчиган отни кўргандай бўлганини айтди. Отнинг тўрттала оёги букилиб тургани учун аёлнинг назарида у қорни билан ерга гурсиллаб тушадигандек туюлган. Аммо бир неча сониядан кейин аргумоқ ерга учеб тушган даҳшатли бир нарсадан хурккандек дам-бадам бошини орқасига бурганча жон-жаҳди билан чопиб кетган.

Бу хабар дағні куни кечқурун Медиа-Луналкларга етиб келганда олисдаги қабристонга бориб келгунча ҳориб-чарчаган қароллар дам олишарди.

Одамлар одатдагидек уйқу олдидан эринчоқлик билан гурунглашишарди.

— Бугунги маросимни эслашга ҳам ҳоли қолмади одамнинг, — дея оғир тин олди Теренсио Лубианес.. — Тобутнинг ичига тош тўлдирилганга ўхшайди-я, елкаларим узилиб тушгудек бўлди.

— Менинг ҳам икки елкам зирқ-зирқ қиласи, — деб нолиди укаси Убильядо. — Оёқларим қавариб кетганини айтмайсанми. Ҳўжайин ҳам қизиқ, шу тобда этик кийишимизнинг нима кераги бор экан-а. Байрам бўлса эканки, ясан-тусан қылсак, нима дединг, Торибио?

— Байрамми, йўқми, лекин унинг қулоги остида қолгани айни муддао бўлди.

Контлидан энг охирги аравани ҳайдаб келган аравакаш яна янги хабар топиб келди.

— Унинг арвоҳи кўча-кўйда изгиб юрганмиш. Бир жувоннинг деразасини тақиљатганини кўрганлар бор экан. Айнан ўзи эмиш.. Кийимлари, ҳатто камарининг тўқасигача ўхшармиш.

— Э, бекорчи оғиз нималар демайди. Дон Педро ўглининг у дунёдан келиб хотин-халажга айланишишига йўл қўйиб бўпти. Агар бу беодоблик қулогига етса, унинг таъзирини бериб қўяди. “Ўлдингми, иззатингни билиб, жимгина гўрингта ёт. Бу ёқдаги ишларни сенсиз ҳам эзлаштирамиз”, дейди. Агар Мигель қўзига чалингудек бўлса, калламни гаровга қўяман, шу заҳоти обориб лаҳатга тиқиб келади.

— Рост айтасан, Исаия. Чол аяб ўтирумайди, унинг пачакилашишга тоқати йўқ.

— Мен эшитганимни айтдим-да, --- аравакаш ранжиб, от қамчилади. Юлдузлар чараклаб нур сочар, осмону фалакдан ерга нури аъло ёғилаётгандек туюларди.

— Уни қаранглар, — деди ҳайратга тушган Теренсио. — Жаннатул маъвозда мушакбозлик бўлаётганга ўхшайди-ку, а?

— Мигелнинг ташрифи шарафига хурсандчилик қилишаётгандир-да, — дея пичинг қилди Хесус.

— Балки бу рамзий ишорадир? Ҳар ҳолда яхшилик аломати эмас-ов?

- Яхшилик аломати эмас, дейсанми? Яна кимнинг дили хуфтон бўларкин?
- Кимники бўларди, синглингники-да. Мигелсиз дарди дунёси қоронги бўлиб юргандир.
- Бу гапни кимга айтаяпсан? Менгами?
- Сенга бўлмай кимга.
- Юринглар, болалар, ёта қолайлик. Бугун жуда тинкамиз қуриб кетди, эрталаб вақтли туриш керак.
- Улар худди соядек қоронгулик қаърига сингиб кетиши.
- Синглингга айтиб қўй, ҳадеб куявермасин, — деди кимдир кетиш олдидан. — Керак бўлса, унинг дардини ўзим оламан.
- Яхшиси, сен ўзингнинг синглингга менинг номимдан шундай деб қўй, — деда жавоб берди бошقا бирор.

Юлдузлар ҳамон чарақлаб ёғду сочарди. Комаладаги чироқлар бирин-кетин ўчди. Қоронги кечка юлдузли осмон измига ўтди.

Падре Рентерия ўринда у ёнбошидан бунисига ағдарилиб, ухлаёлмай қийналарди.

“Бўлиб ўтган бу нарсаларнинг ҳаммасига фақат мен айборман, — деда ич этини ер эди у. — Менинг қорнимни тўйғазиб, боримни бор, йўғимни йўқ қиласиган одамларни ранжитиб қўйишдан қўрқаним-қўрқан. Гапнинг пўсткалласи — шу. Камбагалнинг бергани от билан тия бўлармиди, қуруқ дуо қорин тўйғазмайди. Бунга ўҳшаганлар ҳамиша кимгадир қарам, мана, охир-оқибат ўзим гуноҳга ботдим. Оллодан магфират сўрашимни ўтиниб, хузуримга ихлос билан келган имонли одамларни лақиллатдим. Имон-эътиқодлари туфайли топган обрўлари нима бўлди? Жаннатул маъвога элтадиган йўлни топдиларми? Ва ёки руҳан қайта яралдиларми? Агар инсоннинг сўнгти дақиқадаги қисмати шу бўлса, руҳан қайта яралмоқдан муддао нима? Элувиҳеснинг синглиси Мария Дийядга опасининг руҳи-поки магфират этилишини оллодан ўтинишимни илтимос қилиб келган пайтдаги қараши ҳалихали ёдимдан чиқмайди.

“Опам таниш-билишларидан ҳеч нарсасини қизгонмасди, тақсир, сўнгти тишлам нонигача бирорларга илинар, бирини ўпоқ, бирини сўпоқ демай, ҳаммаларини бир хилда яхши кўрарди. Ҳатто уларга овунчоқ бўлиши учун ҳам ўғил туғиб берди. Биронтаси бу бола ўз пушти-камаридан бўлганини тан олар деган ниятда уни ҳаммаларига бир-бир кўрсатиб чиқди. Афуски, ўз зурриётини тан оладиган бирон мард топилмади. Шунда опам уларга: “Хечқиси йўқ, тасодифан бу болага она бўлиб қолган эканман, энди ота бўлиб бошини силайман”, деди. Опам ҳеч қаҷон улардан бирини иккинчисидан ортиқ билиб ўрталарига раҳна солмас, уйига кириб келган одамни қучоқ очиб кутиб олаверар, бу одамлар эса унинг одамшавандалигини суистеъмол қилиб ҳаддан ошишарди”.

“Опанг ўз жонинга қасд қилган. Бу тақдири илоҳийдан норозилик”.

“У бечоранинг бошқа чораси қолмади-ку, ахир. У очик кўнгиллигидан шу ахволга тушди”.

“Не-не кўргиликларга чидалан одам, пировардида шайтон вассасасига учгани нимаси! — дедим унга. — Келиб-келиб паймонаси тўлган пайтда-я! Оллонинг марҳаматига сазовор бўлиш учун қанчадан-қанча эзгуликлар қилган одам, умр бўйи мисқоллаб йиққан савобларини бирданига тупроққа тенг қилиб ўтирас-я”.

“Йўқ, тақсир, опам савобларини ювиб юборгани йўқ. У бечора қанчалик қийналиб жон берганини билсангиз эди. Азоб-уқубат чекиши... Ахир, ўзингиз ваъз айтганингизда азоб чекиши... Йўқ, эсимдан чиқиб кетибди. Опам не уқубатларни кўрмади. Оғриқ азобидан қийналиб ўлди-ку. Бечоранинг жони халқумида гаргара бўлиб турибди. Оёқ-кўли чангак, юзи бир томонга қийшайиб қолган, қарагани кўрқади одам. Мен умрим бино бўлиб бунчалик азоб чеккан, дардман чеҳрани кўрмаганман”.

“Билмадим, балки астойдил тоат-ибодат қилинса...”

“Биз шундоқ ҳам оллога сифиниб ётибмиз, тақсир”.

“Фақатгина сифиниш билан иш битмайди. Марҳума оллонинг марҳамати-

га сазовор бўлмоги учун бутхонада орган чалдириб бир нечта ҳофизга суралар ўқитиш керак. Ёлғиз ўзим бу ишнинг уддасидан чиқа олмайман, бошқа жойдан руҳоний чақириш учун эса анча-мунча пул керак".

Уша аснода унинг кўзларида пайдо бўлган ифодани ҳеч қачон унитолмайман. Фақиру ҳақири Мария Дийяда бир этак боласи билан шундоққина рўпарамда тургандек туюлаверади.

"Менинг бир тийиним ийқлигини ўзингиз яхши биласиз-ку, тақсир?"

"Бўлмаса ҳамма нарса ўз ҳолича қолаверсин.. Фақат яратганинг ўзидан умидвор бўлиш керак".

"Рост айтасиз, тақсир".

У синиқлик билан гапирган бўлса-да, бироқ кўзлари норозилик билан боқар эди. "Оллонинг магфиратини сўраб бериш — нима деган нарса? Бор-йўги уч-тўрт оғиз сўз айтиш шунчалар душвормиди? Аллақачон у дунёга риҳлат қўлган одамнинг гунохини тилаб олиш лозим бўлганда ҳатто юз оғиз ҳам гапириш мумкин-ку. Унинг ўзи жаннату дўзах ҳақида нима билади? Ҳеч вақони билмайди! У бор-йўги дунёнинг бир кунжагидаги гадой топмас қишлоқнинг руҳонийси бўлса-да, кимлар жаннатул маъвога мушарраф бўлганини аниқ билади. Булас чинакам авлиёлар... У католик мазҳабини ёқлаб, то шу кунгача ўтган азиз-автиёларни хаёлидан бир-бир ўтказа бошлади: Авлиё Нунилона, шаҳид кетган ҳур қиз; роҳиб Анердий; Авлиё аталган бева Саломея ва ҳур қизлар Алодия, Элодия. Нутана ҳамда Кордула ва Донат". У янгидан янги исемларни шивирлар эди. Уйқу элита бошлагач, ўрнидан туриб, ўтириб олди: "Худди эчкиларни ариқдан сакратиб санагандек ҳамма авлиёларни санаб чиқяпман-а".

У ташқарига йўл олди. Кўқдан ҳамон юлдузларнинг шуъласи ёғилар эди. Бу нарса баттар кайфиятини бузди. Шу топда у осмонни сокин ва тиник ҳолда кўришни истарди. Узоқ-яқиндан хўрозлар қичқирди. Замин туннинг кўрпасига ўралиб ором оларди. Бу олам байтулаҳзон экан.

* * *

— Бу сенинг бахтинг, ўғлим, хўп деявер, — деди Эдувихес Дийядা.

Вақт алламаҳал бўлиб қолди. Бурчакда турган чироқ хира нур сочарди, кейин у ҳам бир-икки лип-лип этди-да, ўчди-қолди.

Кампир ўрнидан турганини пайқаб, бошқа чироқ олиб келса керак, деб ўйладим. Унинг қадам товушлари аста-секин узоқлашди. Мен тоқатимни тошдан қилиб, уни кута бошладим.

Бироқ кута-кута тоқатим тоқ бўлди. Энди кампирнинг қайтиб келмаслигини англаб, ўрнимдан турдим-да, қоронгида пайпаслаб юра бошладим. Бир амаллаб менга ажратилган хонага етиб олдим-да, ерга узала тушганча ухлаб қолишга уриндим.

Ора-чора кўзим илингандек ҳам бўлди. Бироқ бекор ётган дақиқаларнинг бирида тўсатдан даҳшатли чинқириқ эшитилди. Бу оғриқ азобига чиндолмаган одамнинг юракни увиштирадиган дардли, чўзиқ фарёди эди — одатда маст-аластлар шундай бўкиришарди. "Уйи куйсин, бу дунёнинг! Ҳаммасидан безори-жон бўлдим!"

Иргиб ўрнимдан турдим. Аслида бу овоз кўчадан келаётган бўлса ҳам, назаримда шундоққина қулогимнинг тагида жаранглаб эшитилгандек туюлди. Йўқ-йўқ, чинқириқдан деворлар зириллаб кетяпти-ку, демак овоз уй ичидан чиқяпти. Эс-хушимни йигиб олганимда чор атрофга ўлик сукунат чўккан, фақатгина дераза ойнасига чирсиллаб урилаётган парвоналарнинг ерга қулаши барага эшитиларди.

Одамнинг эс-хонасини чиқарадиган бақириқдан кейинги қулоқларни зингилиматиб юборадиган гунгу кар сукунатни таъриф-тавсиф этиш маҳол. Худди курраи-замин нафас олмай қўйгандек жимлик чўккан эди. Тиқ этган сас-садо йўқ, на бирон нарсанинг шитиртагани, на одамнинг тин олгани эшитилади. Мен ҳатто ўз юрагимнинг дукурлашини ҳам сезмай, ҳеч нарсани идрок этолмай меровсираб ўтирадим. Бироқ ҳали ўзимни босиб, хотиржам бўлиб улгурмай яна сукунатни тилкалаб аччиқ фарёд эшитилди: "Ечворинглар! Одамни осаётганда оёғи ҳам боғлансин, деган қоида йўқ! Ҳеч бўлмаса оёғим қиммирлаб турсин!"

Шарақлаб эшик очилди.

— Донъя Эдувихес, сизмисиз? — деб сўрадим ҳовлиқиб. — Нима бўляпти ўзи? Сиз ҳам бақириқ-чақириқлардан кўрқиб кетдингизми?

— Мен донъя Эдувихес эмасман, Дамианаман. Сенинг бу ердалигингни билиб келдим. Олиб кетмоқчиман. Юр, меникида ётасан. Тинчгина хонам бор.

Сиз Дамиана Сиснеросмисиз? Илгари Медиа-Лунада турардингиз, шекилли?

— Ҳозир ҳам ўша ерда тураман. Шунинг учун дарров етиб қелолмадим-да.

— Ойим чақалоқлигимда мени боққан Дамиана ҳақида гапириб берган эди. Шу сизми?

— Бўлмасам-чи. Мен сени муштдайлигингдан биламан.

— Раҳмат. Юринг, кетдик. Ҳар хил дод-фарёдлардан дам олгандек бўлмаяпман. Нима бўлаёттанига тушунсан ўрай. Назаримда бирорни ўлдиришяпти-ёв. Ҳозирги бақириқ-чақириқларни эшитгандирсиз?

— Бу уйга бир пайтлардаги овозларнинг акс-садоси қамалиб қолгандир. Қачонлардир сен ётган хонада Торибио Альдретени осиб ўлдиришган, бунга талай вақт бўлиб кетди. Турган жойида ириб-чириб кетсин, ҳатто суюклари ҳам ором билмасин, деб эшикни миҳлаб бу ерга кириб қолганинга ҳайронман.

— Эшикни донъя Эдувихес очиб берди. Бундан бошқа биронта бўш хонаси йўқ, экан.

— Эдувихес Дийядами?

— Ҳа.

— Вой бечора-ей! Шўрликнинг руҳи ҳали ҳам кечалари сарсон-саргарден кезиб юрган экан-да, а?

* * *

“Мен Фульгор Седано (жинсим эркак, ёш им эллик тўртда, бўйдоқман; қасб-корим — иш бошқарувчи, мутахассислигим — ишбоши) берилган имтиёз ва ҳақ-ҳуқуқимга тўла таянган ҳолда жиноий иш қўзғаб, қуидагиларни маълум қиласман...”

У Торибио Альдретенинг жиноий хатти-ҳаракатлари ҳақидаги айномани шундай сўзлар билан бошлаб, “Юқорида номи тилга олинган Торибио Альдретени бирорнинг мулкини ўзлаштириб олишда айблайман”, деган гап билан тутатди.

— Сизнинг эркаклигингиздан гумонсираш ҳеч кимнинг эс-хаёлига ҳам келмайди-ку, дон Фульгор. Сиз ҳали ишга ярайдиган лаёқатли эркаксиз. Агар аслида илигингиз тўқ бўлмаса, ҳеч қанақа амал белга қувват бўлолмайди.

Бу гапларни у яна бир карра хаёлидан ўтказди. Худди ўз устидан ёзилган айномани ювишаётгандек бирга ўтириб ичишаркан, Альдрете қўлидаги қадаҳни бўшатгач, шундай деган эди:

— Энди, дон Фульгор, бу қозогза иккаламиз артиниб ташлайлик, тамомвассалом. Унинг ҳеч кимга кераги йўқ. Сиз ўз ишингизни бекаму кўст адo этдингиз, мени ҳам ташвищдан қутқардингиз, қачондан бери кўнглим гаш эди. Иккаламиз ҳам хотиржам бўлдик. Нима гаплигини энди тушуниб етибман-а. “Бирорнинг мулки” эмиш-а. Тавба? Ўласа, одамнинг кулгиси қистайди. Хўжайнингиз уяти йўқ одам экан-ку, наҳотки, бу ерлар кимникилигини билмаса?

Бу гапларнинг ҳаммаси унинг хотирасида жонланар эди. Ўша куни улар Эдувихеснинг қовоқхонасида ўтириб ичишган эди.

— Ўв, Вихес! Бизга бурчакдаги хонангни бўшатиб бермайсанми? — деб сўраган эди у.

— Хоҳлаган хонангизни бўшатиб бераман, дон Фульгор. Ҳамроҳларингиз ҳам тунаб қотишадими?

— Биттаси қолади. Сен бизнинг гамимизни емай, ётиб ухлайвер, фақат хонанинг қалитини берсанг бўлгани.

— Қойилман сизга, дон Фульгор, — дея гапида давом этди. Торибио Альдрете. — Сиз айтганини қиласдиган ҳақиқий эркаксиз. Сизнинг олдингизда анови итдан тарқаган хўжайнингиз ким бўпти? Исқирт мишиқи! Шу ҳам одам бўлди-ю... Туфлаб оёғинг билан ерга ишқаб ташлашга ҳам арзимайди.

Бу гаплар унинг хаёлидан бир-бир кечар эди. Торибио ҳали эс-хүшини юқотмай туриб айтган сўнгги сўзлари шу бўлди. Кейин у хотинга ўхшаб ҳзини у ёқдан бу ёққа уриб, дод-вой кўтарди: “Наҳотки, мен кучдан қолган бўлсан?! Енгилдим-а! Э, худо!...”

У қамчи дастаси билан дон Педронинг эшигини тақииллатди. Шу тобда икки ҳафта бурун эшик қоқиб келтани ёдига тушди. Ўшанда ҳам эшик ҳадеганда очилавермаган эди. Худди аввалги сафаридек яна эшикка михланган капалак нусха қоп-қора мотам нишонига разм солди. Бироқ бу гал сира ажабланмади: “Осиб кўйган нарсасини қара-я! Биринчисининг ранги ўнгигб кетибди, буниси илакдек ялтираб турибди, нилдан чиққан эски латталигига ишонгинг келмайди”.

Ўшанда у эшик тагида узоқ туриб қолди. Ҳеч ким йўққа ўхшамайди, деган ўйда эндигина кетишига чоғланганида оstonада Педро Парамо пайдо бўлди.

— Саломатмисан, Фульгор.

Бу уларнинг иккинчи учрашуви эди. Фульгор биринчи марта Педро Парамони ҳали чақалоқлигига чала-ярим кўрган эди. Мана бугун яна учрашиб туришибди. Бундан икки ҳафта бурун ҳам бир учрашишган эди... Педро уни ўзига тенг билиб гаплашганига сира ақл бовар қилмасди. Ё, тавба! Фульгор унинг орқасидан қолмай катта-катта одимлар экан, қамчи билан этигининг қўнжига урганча чангни қоқар эди: “Ҳечқиси йўқ, мен унга кимлигимни дарров билдириб қўяман. Бу ерга нега келганимни ўзи тушуниб олади”.

Педро уни молхонага бошлаб кирди.

— Ўтириш, — у охурнинг четига ўтириаркан, Фульгорга синчков тикилди.

— Нега тик турибсан? Ўтирасанг-чи.

— Шундок тура қолай, Педро.

— Майллинг, фақат бир нарсани эслатиб қўяй, менинг отим дон Педро.

Ўзига бунча иззат-икром талаб қилаётган бу зот ҳали она сути оғзидан кетмаган гўдак-ку! Отаси Лукас Парамо ҳам бунчалик иззатталаб эмасди. Умрида Медиа-Лунага қадам босмаган, хўжалик юритиш нималиги ухлаб тушига кирмаган боланинг худди ўз қароли билан гаплашаётгандек фармонбардорлик қилишини қаранглар-а. Ҳовлиқма-еј! Ҳолингни кўрамиз ҳали.

— Ҳўш, ишлар қалай?

Бир ерга навбат бўлса, бир ерга деганлар. “Шошма, болакай, ҳозир эс-хүшингни жойига келтириб қўяман”.

— Ёмон. Ҳамма нарсани олиб кетишиди. Сигир-бузоқларни сотиб бўлдик.

У чўнтағидаги рўйхатни олиб, яна қанча қарз қолганини билдириб қўйиши ниятида: “Карзларимизнинг жами...” — дей эндигина гапга оғиз жуфтлаган эди, хўжайин гапини бўлди.

— Кимдан қарздормиз? Гап қанча қарзимиз борлигига эмас, кимдан қарздорлигимизда.

Фульгар унга қарз берган одамтарнинг рўйхатини узата туриб:

— Ишимиз пачавалиги шундаки, қарзларимизни тўлашга етгулик ҳеч вақомиз йўқ, — деди.

— Нега? Сабаб?

— Сабаби шундаки, сизнинг оилангиз одамларнинг ишончини йўқотиб қўйган. Фақатгина олишни билишарди, холос: олишда ороми жоним, беришда чиқар жоним. Бу ишнинг охиривой. Мен доим: “Бунақада хонумонимиз куйиб кетади”, дердим. Мана айтганим кетди. Тўғри, ерларингизни сотиб оладиган одам топилади, харидор нақт. Тузуккина нарх ҳам чиқаришлари мумкин. Ҳамма васиқаларни қайтариб олишга етиб ортади. Кўп бўлмаса ҳам ҳар ҳолда тирикчиликка яраша бир нарса қолади.

— Ҳаридор бор дегин-а? Мабодо ўзинг сотиб олмоқчи эмасмисан?

— Бундай дегани қандай тилингиз борди, а?

— Мен бунақангича башоратларга ишонмайман. Бу чигалликни эртадан бошлаб ечишга киришамиз. Биринчи галда эгачи-сингил Пресиадолар билан орани очди қилишимиз керак. Ҳаммадан кўп шулардан қарзмизми?

— Ҳа. Фақат арзимаган бир қисмигина қайтаришган. Отангиз уларнинг қарзини тўлашни доим пайсалга солиб келарди. Янглишмасам Гертруда шашарга кўчуб кетган, ҳозир Гвадалахаредами, Колимадами туради. Ҳозир ермulkning эгаси Лола, э-э, кечирасиз, Долорес хоним. Ранчо Энмедио тўғрисида эшигтан бўлсангиз керак. Ҳисоб-китобни шу киши иштирокида доњя Долорес билан қилишимиз керак.

— Бўлмаса, эртага унинг қўлини сўрагани борасан.

— Ҳазиллашыпизми? Мендан мўйсафидни бошлага урадими?

— Менга совчилик қиласан. Умуман олганда унча ёмон қиз эмас. Хўжайнин ишқингизда куйиб, девона бўлиб юрибди, дейсан. Агар розилик берса, шунга қараб иш тутасан. Қайтаётганингда падре Рентериага учрашиб тайинла: никоњ маросимига тайёргарлик кўриб қўйсин. Ёнингда пул-мулинг бордир?

— Сариқ чақам ҳам йўқ, дон Педро.

— Имкони бўлиши билан ҳақингизни берар экан, дегин. Менимча йўқ демаса керак. Азонлаб йўлга чиқ.

— Алъдрете тўғрисида бир нарса сўраб олмоқчи эдим.

— Қанақа Алъдрете тагин? Боядан бери эгачи-сингил Пресиадо, Фрекосо, Гусманлар ҳақида гапираётган эдинг-ку. Ҳали гапинг тугамаганимидими? Алъдрете дегани ҳам борми ҳали?

— У билан еримизни ажратиб олишимиз керак. У ўзининг ерини ўраб олган, фақат ўртадаги марздан биз гов олишимиз керак эмиш. Чегара бошдан-оёқ тўсилсан, дейди.

— Бу гапни қўятур. Сен говнинг ташвишини қилмай қўя қол. Хунукдан-хунук қилиб ўртадан гов олмаймиз. Ер ҳеч қачон бўлинган эмас, у — яхлит. Бунаقا бўлмагур гапларни тарқатиб юрма, Фульгор, ичингда қолсин. Сен ҳозир совчилигингни ўйла, бу ишни тезроқ бир ёқли қилмасак бўлмайди. Ўтиранг-чи.

— Ўтираман, дон Педро. Худо ҳаққи, гапларингиз менга ёғдек ёқяпти.

— Лола билан учрашганингда, уни қанчалик яхши кўришмни киптини келтириб, шунақа таърифлагинки, эси оғиб қолсин. Хотинлар бунақа гапларга лаққа тушади. Мен ростдан ҳам уни яхши кўриб қолганга ўхшайман, Седано. Сен унинг кўзларига ҳеч тикилиб қараганмисан? Эртага тонг отиши биланоқ йўлга тушмасанг бўлмайди. Ҳозирча ҳўжалик иш-ташвишларини қилмай тур. Медиа-Лунанинг ҳам ғамини ема.

* * *

“Азмойиш олиши чакки эмас-ку, бу боланинг. Бало экан! — дея хаёлидан кечирди Фульгор Седано изига қайтар экан. — Бунчалик деб ўйламаган эдим. Марҳум дон Лукас уни: “Бефаросат, маҳмадона” дегувчи эди. Сира унақага ўхшамайди. “Мен ўлганимдан кейин бошқа бирон иш топмасангиз бўлмайди”, дерди. “Ҳа, шунақага ўхшайди, дон Лукас”. “Сизга ёлгон, худога чин, Фульгор, мендан кейин қолишиса, она-бала очдан ўлмасин, деган ниятда уни диний мактабга жойлаштиромоқчи ҳам бўлдим. Кўнмади, баччагар, юраги бетламади”. “Сизнинг ўғлингиз бутунлай бошқача одам бўлиши керак эди, дон Лукас”. “Кўлидан тайинли бирон иш келмайди-я. Караган чогимда кўлтигимга кирап, деган умидим пучга чиқди. Қандоқ қиласай, Фульгор, тақдир менга шундай латтачайнар болани раво кўрди”. “Кўргилик экан-да, дон Лукас, кўргилик экан”.

Оқибат улар ўйлаганча бўлиб чиқмади. Агар Фульгор Медиа-Лунага бунчалик боғланиб қолмаганида ҳеч қачон унинг хузурига келмас, мол-мулкни ўз ҳолига ташлаганча, хайр-маъзурни ҳам насия қилиб жўнаб кетган бўларди. Бироқ унга қайта-қайта ҳайдалавериб, сўқага ройиш бўлиб қолган бу барокатли тупроқ, серунум яйдоқ қир-адирлар жуда ҳам қадрдан эди. Бу қишлоқни, ҳатто яқин-йироқдаги ерларни ҳам жон-дилидан севарди. “Энмедио замини, берироқ кел, келақол!” Чиндан ҳам чор-атрофдаги ерлар унинг истиқболига чопиб келаётгандек, Медиа-Лунанинг тупроги билан бирлашиб, омухта бўлиб кетаётгандек туюлади. Нафсиамбириини айтганда хотин киши ҳам одамнинг бир кунига яраб қолиши мумкин. “Яраганда қандоқ!” — деб қўйди у қамчи билан этигининг қўнжига тарс-турс урганча катта очилган дарвозадан кириб келаркан.

Долоресни осонгина тузоқقا туширди-күйди. Довдираганидан унинг кўзла-ри пирпираб, лавлагиси чиқиб кетди.

— Мени жуда галати ахволга солиб қўйдингиз-ку, дон Фульгор, вой, тавба-ей! Дон Педродек одамнинг менга назар солиши мумкинлиги эс-хаётимга келмаган.

— У туну кун сизни ўйлайвериб, ҳаловатини йўқотиб қўйган.

— У мендан кўра тузукроқ қайлик топса ҳам бўларди-ку. Комалада чиройли қизлар озмунчами? Бу гапни эшитишса, бечоралар ўкиниб қоли-шади.

— Унинг фикри-ёди фақаттина сиз билан банд, Долорес, бошқа ҳеч ким кўзига кўринаётгани йўқ.

— Қўйсангиз-чи, дон Фульгор, одамнинг лавлагиси чиқиб кетяпти. Бу-нақа гап етти ухлаб тушимга ҳам кирмаган-а.

— У ўз майлини ошкор этиб юришни истамайди. Жойи жаннатда бўлгур дон Лукас, бу қиз сенинг тенгинг эмас, деб айнитишга ҳам уриниб кўрган. Педро одоб юзасидан отасига гап қайтармаган эди. Мана энди дон Лукас қайтиш қилиб, йўлингларга гов бўладиган ҳеч ким қолмади. У дарров мени совчиликка юборди. Бироқ мен вақтида келолмадим, ҳали хўжалик ташвиши, ҳали бошқа бир юмуш чиқиб қолади денг. Тўйни индинга қилсанк нима дейсиз? Розимисиз?

— Вой, мунча тиқилинч? Ахир, менинг ҳеч қанақа тайёргарлигим йўқ. Никоҳ кўйлаги тикитириш керак, тўйнинг бошқа ташвишлари ҳам бор-ку. Опамга хабар қиласай. Йўқ, яхшиси, бирорни юбора қоламан. Минг шошганим билан, барибир, саккизинчи апрелдан олдин орқа-олдимни йифишириб улгуролмайман. Бугун биринчими? Саккизинчига улгурсам ҳам катта гап. Дон Педрога айтинг, яна бир ҳафта сабр қилсан.

— Бир ҳафтангиз нимаси?! Қани энди иложи бўлса-ю, у сиз билан шу бугуноқ қовушса. Никоҳда кийиладиган уст-бошнинг ташвишини қилманг, ҳамма нарсани ўзимиз жўнатамиз. Дон Педронинг мархума онаси никоҳ куни кийган ҳамма нарсасини келинимга деб асраб қўйган экан, шундоқлигича туриби. Бу оиласда азалдан шундай расм бор.

— Барибир, бу ҳафта ичи иложим йўқ. Биласизми... Нима десам экан... Сизга айтиб бўлмайдиган ахволдаман. Вой, дон Фульгор-эй, шармандага шаҳар кенг, деб, шу гапни ҳам айтишга мажбур қилдингиз-а. Айтишга ҳам одамнинг бети куяди. Эрта-индин бошланниб қолади. Вой, ўлмасам, вой ўлмасам!..

— Нима бўпти? Турмуш қураётган пайтда бунақа нарсаларга қараб ўтирадими? Ошиқ-маъшуклар нафсини қондириш учун эмас, бир-бирининг васлига етиш учун интилишади. Ўртада муҳаббат бўлса, ҳар қандай қийинчиликни енгиш мумкин.

— Сиз гапимга тушунмадингиз, дон Фульгор.

— Жуда яхши тушундим Индинга тўй.

У шартта ўрнидан туриб, чиқиб кетди. Долорес эса худди ибодат қилаётгандек қўлларини чўзиб, тўйни атиги бир ҳафта орқага суришни ўтинганча қолаверди. Атиги бир ҳафта, холос!

Дон Педрога бир гапни тайинлаб қўйишни унутмаслик керак. "Оббо, азamat-эй, оббо азamat-эй, — дерди Фульгор ҳайратини яширолмай. — Уддабуронлигини қаранглар-а, бу боланинг. Қойил-э!" Никоҳ битими тузилаётганда у нотариусга эр-хотиннинг мол-мулки ўртада бўлади, деган гапни айтишни эсдан чиқармасин. Эртага эрталаб бу гапни айтиш ёдингда турсин, Фульгор.

Долореснинг фикри-ёди бутунтай бошқа нарса билан банд эди. У тогора кўтариб, ошхонага чопди. "Иссик сув тезлатиб юборади. Ҳеч бўлмаса бугун кечқурун бошланса эди. Уф, барибир уч кунга чўзилади. Лекин бошқа иложи йўқ. Осмондан тушдими бу баҳт! Вой, қандай баҳтли-я! Дон Педро билан тақдиримни қовуштирганингта минг қатта шукр, парвардигор!"

"Кейин мендан кўнгли қолиб кетса ҳам майли", дея яна кўнглидан кечирди у.

* * *

— Топширигингиз бажарилди, дон Педро, Долорес рози бўлди. Фақат тақсир олдиндан хабарламай, тўсатдан никоҳ ўқиши учун олтмиш песо сўраяпти. Вақти-соати билан ҳақини тўлашимизни айтдим. У черковнинг мехроби тутдай тўкилай деб турибди, уйимдаги столимнинг аҳволи бундан бешбаттар, деб мингирилади. Мен янги стол опкелтириб беришга ваъда бердим. Шунда у бирон марта черковга кирганини кўрмаганман, деб сиздан нолиб қолди. Бундан кейин у киши биронта ибодатни канда қилмай келади, дедим. У яна нега бувиси ўлганидан бўён черков солиги тўламаган, деб тиқиличнинг қилди. Мен ҳаммасини бирданига тўлаймиз, деб ишонтирдим. У дедим, бу дедим, ишқилиб, кўндиридим.

— Долоресдан пул сўрамадингми?

— Йўқ, сўраганим йўқ. Ботинмадим. Бу гапни эшитиб терисига сигмай кетди, бирданига ҳафсаласини пир қилиб қўйишдан қўрқдим.

— Сен ҳали ёш бола экансан-ку, Фульгор.

"Ё тавба? Мен ёш боламанми? Ёшим эллик бешга етганда-я! Ўзи ҳали она сути оғзидан кетмаган гўдаг-у, бир оёғи гўрга етган одамни ёш бола деди-я".

— Хурсандчилигини бир пул қилмай, дедим.

— Шунинг учун ҳам ёш бола экансан, деяпман-да.

— Бундан кейин ҳущерроқ бўламан, хўжайин.

— Нариги ҳафтада бориб, Альдретега айт, говни олиб ташласин. Бизнинг бир парча еримиз у томонга ўтиб кетибди.

— Йўқ, хўжайин, у марзани тўғри олган, галимга ишонинг.

— Бориб унга янглишибсан, деб айтгин. Марза қийшиқ олинган. Гап талашса, говни буздириб ташла.

— Ахир тартиб-қоида бор-ку.

— Қанақа тартиб-қоида, Фульгор? Бугундан эътиборан, умуман, бундан кейин бу ерда тартиб-қоидани сен билан биз жорий қиласиз. Медиа-Луна-даги хизматкорларнинг орасида каллакесари ҳам топилар?

— Йўқ эмас.

Альдрете билан гаплашгани кетаётганингда бир-иккитасини ўзингга ҳамроҳ қилиб ол. Бориб Альдрете бирорнинг хусусий мулкига кўз олайтирган, деган маънода ёки ўнга ўхшашроқ бирор баҳона топиб, акт тузинглар. Унга Лукас Парамо аллақачон ўлиб кетганини, мен билан бошқача гаплашиш кераклигини уқтириб қўй.

Осмон ҳали ҳам тип-тиник, фақат яккам-дуккам патбулут кўзга чалинар, уларни тўзитиб юрган шамол заминга иссиқ ҳарорат уфурар эди.

* * *

У яна ҳамчи дастаси билан эшик қоқди, Педро Парамонинг измисиз эшик очилмаслигини билса-да, ўнчаки, одат бўлиб қолгани учун тақиллатди, холос. "Ким нима деса деяверсин-у, лекин манави капалак нусха қора тугунчалар зўр ўйлаб топилган, — деб гўлдиради у. — Кўриниши ҳам чиройли".

Эшик очилгач, у остоанни ҳатлаб ўтди.

— Бу ёққа ўт, Фульгор. Қалай, Торибио Альдретени бир ёқли қилдингларми?

— Тинчитдик, хўжайин.

— Энди Фрегосонинг гали. Ҳозирча унга тегмай туринглар. Бунақа нарсаларни ўйлашга вақтим йўқ — куёвлик гаштини сурин билан овораман.

— Бу ерда ҳар қадамда бир овоз, акс-садо эшитилиб туради. Комаладагиларнинг ҳаммаси бир-бирини йўқлаб чақираётгангага ўхшайди. Овоз ҳувиллаган уйларда узоқ сақланиб қоларканми, ҳайронман. Ё тошларнинг тагига босилиб ётармикин-а. Кўчада кетаётганингда худди орқангдан бирор пойлаб келаётгандек туюлади. Ҳали бирон нарса гирчиллайди, ҳали сингандек

бўлади. Баъзан бирорнинг кулгиси эшитилиб қолади. Фақат бир пайтлари бор кучини тўплаб кулишган-у, йиллар ўтиши билан кучи қирқилгандек зўрбазўр эштилади. Лекин барибир, ҳар бир сас-садо етиб келади. Вақти соати билан бу овозлар тиниб қолса керак.

Дамиана Сиснерос мени Комала кўчаларидан бошлаб бора туриб, шундай деди:

— Бир неча кун қаторасига шод-хуррам овозлар эшитилиб турди. Қани бориб кўрай-чи, Медиа-Лунанинг чангини осмонга чиқарадиган қанақа ўйинтомоша бўлаётган экан, деб ўйладим. Якин келиб қарасам, кўча-кўйда жон асари кўринмайди, худди ҳозиргидек хувиллаб ётиби. Кейин бирдан байрам шовқин-сурони эштилмай қўйди. Бунинг ҳеч бир ҳайрон қоладиган жойи йўқ. Вақтихушлик одамни тез толиктиради. Шунинг учун ҳам тинчип қолишган.

— Ҳа, бу ерларда бир-бирига айқаш-уйқаш бўлиб кетган овозлар эштилиб туради, — дея гапида давом этди Дамиана Сиснерос. — Мен аллақачон қўрқмай қўйғанман. Бирдан итлар вовиллаб қолса, акилласа акиллар деб қўяман. Бу атрофда биронта кучук йўқлигини биламан-да. Ёки бирданига шамол туриб, барги хазонни чирпирақ қилиб учирив ўйнайди. Ўзинг кўриб турибсан, биронта дараҳт қолмаган бўлса, барг нима қилсин. Бир пайтлари қанақа дараҳтлар ўсади. Эҳ-ҳа... Дов-дараҳт бўлмаса, барги хазон қайдан келсин?

Фақат бирорларнинг гаплашаётган овози эштилгани ёмон. Бу овозлар бирор нарсанинг ёригидан отилиб чиқаётгандек рўй-рост эштилади, ким гапираётганини дарров билоб оласан. Ҳозир сенинг олдингга кетаётганимда дағи маросимига дуч келиб қолдим. Мен турган жойимда "Падари бузрукворимиз"ни пичирлаб ўқий бошладим. Шу пайт кўпчиликнинг орасидан бир хотин ажралиб чиқди-да, ёнимга келиб:

"Дамиана! Оллодан мағфират сўраб, дуо қилиб қўй, Дамиана!" — деб юзини очса бўладими. Ё қудратингдан! Қарасам, рўпарамда опам Сикстина турибди.

— Бу ерга қандай қилиб келиб қолдинг? — деб сўрадим.

Шундай деганимни биламан, у мендан узоқлашиб, яна бояги хотин-халажга аралашиб кетди.

Опам Сикстина мен ўн уч яшарлигимда ўлиб кетган. Сен уни танимайсан. У энг каттамиз эди, биз ўн олти бола эдик. Шундан бўён қанча вақт ўтганини ўзинг ҳисоблаб олаверасан. Лекин бундан чиқди, ҳали ҳам бу дунёда кезиб юрган экан-да. Сенга тайинлаб қўймоқчиман, мабодо ён-верингда бирон овоз эштилса, чўчиб юрма тагин, Хуан Пресиадо.

— Менинг келаётганим ҳақида сизга ҳам ойим хабар бердими? — қизик-синиб сўрадим.

— Йўқ, менга ҳеч ким хабар бергани йўқ. Айтмоқчи, ойинг яхши юрибдими?

— Ойим қайтиш қилган, — дедим.

— А-а?! Жуда ҳам ёш кетибди-ку. Касалмиди?

— Соппа-сог эди. Менингча айрилиққа чидолмади-ёв. Қачон қарасанг хўрсингани хўрсинган эди.

— Мана шуниси чатоқ бўлган экан. Одам ҳар гал оҳ урганида юрагининг бир парчаси узилиб тушади. Э, аттанг-а. Шундай қилиб, вафот этди, дегин-а.

— Ҳа, шунақа бўлиб қолди. Мен сиз хабар топгандирсиз, деб ўйлаган эдим.

— Менга ким хабар берарди дейсан. Қачондан бери дунёдан узилиб яшайман-ку.

— Бўлмаса, менинг бу ердалигимни қаердан билдингиз?

— ..

— Сиз тирик одаммисиз ё арвоҳмисиз, Дамиана? Жавоб беринг, Дамиана!

Мен бирданига кимсасиз кўчанинг ўртасида ёлгиз турганимни пайқадим. Қоп-қорайиб турган деразаларнинг ўрнидан ёругликка интилган ўтўланнинг йўғон поялари кўзга чалинади. Сувоги кўчиб кетган деворларнинг сомон аралаш гиштлари ёмғирда ивиб, уқалана бошлаган.

— Дамиана! — дея бор овозим билан чақирдим — Дамиана Сиснерос!

"... Ана... нерос!.. — деган акс-садо келди. — .. Ана... нерос!.."

Худди менинг овозимдан уйгониб кетгандек, кучук акиллай бошлади. Кўччанинг нариги бетида саланглаб юрган одамнинг қораси кўринди.

— Ҳов, менга қара! — дея уни чакирдим.

— Ҳов, менга қара! — у менга айнан ўзимнинг овозим билан жавоб берди.

Шу пайт қулогимга хотинларнинг гап-сўзлари чалинди. Назаримда улар яқингина жойда, муюлишда туриб пичирлашишарди.

— Анави келаётган одамни танияпсанми? Филотео эмасмикин, АРЕЧИГА?

— Худди ўзи. Танимаганга олиб туравер.

— Юр, тезроқ кета қолайлик. Ёқиб қолган бўлсак керак-да, орқамииздан ёргашиб юрибди. Ҳовлиқиб питирлашини қара. Қай биримизнинг орқамииздан чопиб келаётган экан-а.

— Сенинг орқанғдан-да, албатта.

— Менинг назаримда у сенинг илинжингда келаётганга ўхшайди.

— Бўлди, секинроқ юравер, қолиб кетди. Ҳов, ана, муюлишда тўхтаб турибди.

— Бундан чиқди у бизга ёргашиб келаётган экан-да.

— Эргашиб келса нима бўларди? А?!

— Э, у бизни бошига урадими?

— Хирадик қилиб, бош-кўзимизни айлантиrmагани яхши-ку. У ҳақда ҳар хил бўлмагур гаплар юради. Эшитишмча, у дон Педро учун қиз топиб берар экан. Биз ундан осонгина қутулганимизга шукр қилишимиз керак.

— Рост айтасан. Бу чоли тушмагур Педро Парамонинг турқиёқ кўнгилни айнитади..

— Юр, тезроқ кета қолайлик.

— Юр, фалокатдан қутулганимиз рост бўлсин.

Тун чўқди. Ҳаммаёқ салобатли, сокин тун ҳукмига ўтди. Яна ён-веримда овозлар эштила бошлади.

— ... Жўхори яхши ҳосил қилса, қарзларимизнинг ҳаммасини тўлайман, деяпман-ку. Ҳосил битмаса, сабр қилиб тур, тўлайман, биродар, унгача хонавайрон бўлиб кетмассан.

— Мен-ку, қисталанг қилиб келмасдим-а, лекин ўртада лабз бор-да. Бунинг устига ер ҳам сеники эмас экан, бирорнинг жойини ҳайдаб қўйибсан. Бу аҳволда мен билан қанақасига ҳисоб-китоб қиласан?

— Бу ер менини бўлмай кимники экан?

— Галилео ерини Педро Парамога сотибди, деган овозалар юрибди.

— Э, мен Педро Парамонинг қорасини ҳам кўрганим йўқ-ку. Биласанку, бу ерлар менг отамерос.

— Сен шунақа дейсан. Бошқалар бу жойларнинг ҳаммаси Педро Парамоники деб юришибди.

— Нега бу гапни ўзимга айтишмайди?

— Галилео, сени қанчалик ҳурмат қилишимни биласан. Ҳар ҳолда ёт эмас — поччамсан. Ақл-хүшинг жойида. Ўз қайнингга ёлтон гапираётганингга хайронман. Ерни сотишига сотиб қўйиб, тулкилик қиляпсан.

— Қанақа одамсан ўзи, ҳеч кимга сотганим йўқ, деяпман-ку, сенга.

— Сотганимисан, йўқми, ишқилиб, энди бу ерлар Парамоники. У шундай бўлишини хоҳлаган бўлса керак, тамом-вассалом. Дон Фульгор сенга учрашмадими?

— Йўқ.

— Демак, эртага учрашади. Эртага бўлмаса индинга келади.

— Барibir муроди ҳосил бўлмайди. Охир-оқибат ё у мени бир ёқлик қиласди, ё мен уни.

— Ишонмасанг ўзингдан кўр. Нима ҳам дердим, поччажон, ўлмаганларнинг у дунёси обод бўлиб, жаннатдан жой ато этсин, деб ният қилишдан бошқа иложим йўқ.

— Ноумид бўлма, қайним, ҳали дийдор кўришамиз. Менинг ғамимни емай қўя қол. Онамнинг калтагини еявериб, этим пишиб кетган, унча-мунча калтакка чидайман.

— Эртага кўришгунча яхши қол, бўлмаса. Опамга айтиб қўй, сизларни-

кига кечки чойга келмайман. Кейин: "Охирги марта уницида бирга ўтиргандик", деб юришга тоқатим йўқ.

— Майли, ўзинг биласан. Мабодо келсанг, эшигимиз очиқ, овқат тайёрлаб қўяман.

Этиклар гурсиллаганча узоқлашишиди, нагалнинг тақиллаши ҳам аста-секин тинди...

— Эртага аzonда сени опкетгани келаман, хўпми, Чона. Хачирларни эгар лаб, тахт қилиб қўйганман.

— Кошиб кеттанимни билса, отам адои-тамом бўлади-ку. Қариган чогида... Агар бу шармандаликни кўтаролмай бир нарса бўлиб қолса, қўлим ёқангда кетади. Мендан бошқа кими бор унинг? Мен кетсам ҳоли нима кечади? Иссиқ-совуғидан ким хабар олади? Мунча бетоқат бўлмасанг? Топиб олган гапинг: опқочиб кетаман, опқочиб кетаман. Шунча кутдинг, яна озгина сабр қил. Отам осмонга устун бўлармиди.

— Бултур ҳам худди шунаقا деган эдинг. Кейин ўзинг ҳамма нарса жонимга тегди, дунёнинг нариги чеккасига десанг ҳам кетардим, лекин таваккал қилишга сенинг юрагинг дов бермайди, деб яна менга ёпишгансан. Энди бунақаси кетмайди, хачирларни топиб, тайёрлаб қўйдим. Кетасанми, йўқми?

— Тўхта, ўйлаб кўрай.

— Чона, сени қанчалик яхши кўришимни билмайсан-да. Тоқатим тоқ бўлди! хўп десанг дединг, кўнмасанг... барибир олиб кетаман!

— Мунча бетоқат бўлмасанг. Ўзинг ўйлаб кўр, отамни қандай ташлаб кетаман, ахир. Яна бир оз сабр қиласлик, беш кунлиги борми, йўқми.. Унинг кўзи юмилгандан кейин хоҳлаган жойингга кетавераман, опқочишингни кераги ҳам йўқ.

— Бултур ҳам худди шунаقا деган эдинг.

— Деган бўлсам нима бўлти?

— Нима бўларди, мен чиқим қилиб, бировнинг хачирларини олдим. Уларга эгар уриб келганиман, билдингми! Фақат сенга қараб турибман. Отанг сенсиз ҳам амаллаб бир кунини кўрар. Унга қарайдиган бирорта оқсоқ кампир топилмайдими? Биронта меҳрибон бордир, ахир. Сен шунаقا чиройли, ёш қиз умрингни хазон қилиб...

— Йўқ, ташлаб кетолмайман.

— Кетасан.

— Йўқ, деяпман-ку. У бечорага жабр бўлади. У менга бегона эмас, ўз отам-ку ахир.

— Шунақами? Майли, ўзинг биласан. Хулиананинг олдига бора қоламан, менинг ишқимда қиз бечоранинг оҳ деса ўпкаси кўрингудек бўлиб юриби.

— Майли, борақол. Йўлингни тўсмайман.

— Шунаقا дегин-а? Нима қилас, эртага келайми?

— Йўқ. Бундан кейин меникига қадам босма.

Шитирлаган, қисирлаган сас-садо, кимнингдир овози, тушукниксиз шов-қин-сурон ва узоқдан элас-элас қўшиқ эшитилади.

Ёрим берган рўмолнинг гуллари
Ипак эмас, кўз ёшидан тикилган...

Қўшиқни эркакларнинг овози авжига олиб чиқар, уларга хотинлар жўр бўлаётгани сезилмас эди.

Турнақатор келаётган аравалар кўринди. Аравага қўшилган ҳўқизлар салмоқлаб одимлайди. Тошларга тегиб ўтаётган гилдирақлар маҳзун гижирлайди. Аравакашлар худди тик оёқда ухлаётгандек судралишади.

“... Ҳар куни тонг олдидан қишлоқга чекка-чеккадан кириб келадиган...

араваларнинг гулдуросидан уйларнинг деворлари титраб кетади. Араваларга селитра, жўхори сўталари, пичан ортилган бўлади. Ёғсираган гилдиракларнинг гирчиллашидан дераза ойналари зириллаб, гафлат босиб ётганларни уйготиб юборади. Одатда бу паллада уй бекалари аллақачон ўчоққа ўт ёкиб ултурган бўлади, янги ёпилган нон иси димоқни қитиқлайди. Баъзан тўсатдан ҳавони булат босиб, шаррос ёмғир куйиб юборади ҳам. Карабсанки, кўклам келиб қолибди. У ерларда кўп нарса “тўсатдан” юз беради, ўглим, бориб яшасанг кўнишиб кетасан”.

Бу жойларнинг мудроқ жимлигини қуруқ араваларнинг тарақ-туруги босиб юборади. Бир неча дақиқадан кейин қоп-қорайиб турган йўл араваларни домига тортади. Яна зулмат ва зулматдан юракни увиштирадиган соқинлик чўкади.

Мен қайтиб кетишга қарор қилдим. Қоп-қорайиб турган адирларни худди тиг ярасидек тилиб ўтган сўқмоқни тусмоллаб топиб олдим. Бу ерга юқорига қараб кетган мана шу ёлгизоёқ йўлдан келган эдим.

Тўсатдан кимдир кўйлини елкамга ташлади.

— Бу ерда нима қилиб юрибсиз?

— Мен... ҳалиги... — отамнинг исмими айтиб юборишимга сал қолди. — отамни кўриб кетмоқчи эдим, — дея бу ёгини эплаштиридим.

— Нега ичкари кирмай турибсиз, бўлмаса?

Ичкарига қадам қўйдим. Томнинг ярми босиб тушган: чордоқнинг тўсими синиб, черепицалар майдаланиб ётиби. Уйнинг шикаст-рехтсиз қисмida турган эркак билан аёлга кўзим тушди.

— Сизлар тирик одаммисизлар ёки арвоҳми? — деб сўрадим улардан.

Аёл кулими сиради. Эркакнинг қовоги уйилди.

— Кайфи бор шекилли, — деди эркак.

— Йўқ, қўрқиб кеттанга ўхшайди, — деб қўйди аёл.

Столда ёниб турган чироқ бамбуқнинг отате туридан ясалган каравот, тўқилган курси ҳамда унга ташлаб қўйилган аёл кишининг лиbosларини хира ёритар эди. Аёл онадан қандай тугилган бўлса шундайлигича қип-ялангоч, эркакнинг эгнида ҳеч вақо йўқ эди.

— Бирор ҳарб, ҳадеб эшикка бошини ураверди. Очиб қарасак, сиз экан-сиз. Нима бўлди?

— Нима бўлганини асти сўраманг. Яхшиси, мен бирпас ухлаб олай.

— Биз ҳам ухлаётган эдик.

— Бўпти, ётиб ухлай қолайлик.

Коронг кеча айқаш-үйқаш таассуротларимга сув пуркагандек бўлди.

Ора-сира қулогимга узук-юлуқ сўзлар чалинار, аммо булар мен шу пайтгача эшитиб юрган бирорта калимага ўхшамас эди. Сабаби, шу пайтгача эшитиб билганларим аллақандай сассиз, пинҳон сўзлар эди; улар жаранглаб эшитилмаса-да, худди тушдагидек бемалол англайверардим.

— Ким бу? — деб сўради аёл.

— Мен қайдан билай, — дея жавоб қайтарди эркак.

— Бу ерга қандай келиб қолди экан?

— Ким билади дейсан.

— Янглишмасам, у отаси тўғрисида нимадир дегандай бўлди.

— Рост, нимадир деди шекилли.

— Балки у адашиб қолгандир? Бу ерга келиб қолган ҳалигилар эсингдами? “Адашиб қолдик, “Дунёнинг нариги чеккасига” қандай борсак бўлади”, дейишган эди. Сен умринг бино бўлиб, бунақа жой борлигини эшитмаганингни айтгандинг.

— Бўлди, эсимга тушди. Қўй энди, бирпас ухлай, тонг отишига ҳали анча бор-ку.

— Бе, ҳозир тонг ёришади. Ухлаб қолмагин деб сени атай гапга соляпман. Ўзинг: саҳар-мардонда тургазгин, деган эдинг-ку. Айтганингни қиляпман. Тура қол!

— Нега энди қоронги саҳарда туришим керак?

— Мен қаёқдан билай. Кеча ўзинг: “Вақтлироқ тургазгин”, дегансан. Нима қилмоқчилигинги айтганинг йўқ.

— Унақа бўлса бошимни қотирма. Анавининг гапини эшитдинг-ку, “Бир-пас мизгиб олай”, деди-ю, таппа ташлади. Қўй, ором олсин.

Яна жимлик чўқди. Овозлар худди сувга отилган тошдек бирдан зим гойиб бўлди. Мени уйқу элита бошлади.

Яна овоз эшитилиб, ҳаловатимни бузди.

— Гимирляяпти. Хозир уйгониб кетади-ёв. Бизнинг қай аҳволда ётганимизни кўрса, ҳамма нарсани суриштира бошлайди.

— Нимани ҳам сўраб-суриштириши мумкин.

— Оғзига келтан гапни сўрайдид-да. Нимадир дейипши керак-ку ахир.

— Э, кўйсанг-чи. Кўрмаяпсанми, сулайиб ётибди.

— Бўлмаган гапни гапирма-е.

— Жим бўлласанми, йўқми? Қанақа хотинсан ўзи?

— Ана у ёнбошига ўгирилди. Худди лахча чўгнинг устида ётгандек буралиб-суралишини қара. Бир пайтлари мен ҳам шунақа аҳволга тушганман, ҳеч эсимдан чиқмайди.

— Нима бўлган эди?

— Шунақа қийналганман-да.

— Нима деб вайсаяпсан ўзингча.

— Эсимга тушмаса вайсамасдим-а. Ановининг у ёғидан бу ёғига ағдарилиб, тўлганишини кўриб, лоп этиб ёдимга келди. Биринчи марта сен билан бир тўшакка ётган кунимиз унга ўхшаб ўзимни кўярга жой тополмай қолганман: ҳамма нарса айқаш-уйқаш — ҳам оғриқ, ҳам ўзимдан нафрят.

— Нега ўзингдан нафрлатланасан?

— Кўнганим учун. Катта гуноҳ қилиб кўйганимизни дарров тушундим. Балки сенинг кўнглингда бунақа ният бўлмагандир ҳам.

— Ўйлаб топган гапингни қара-ю, Эва! Ўзинг ухламаганингга яраша, бирорни ҳам ухлагани кўймайсан-а.

— Ўзинг вақтлироқ уйгот дегансан-ку, шунинг учун уйготяпман-да. Худо ҳаққи, айтганингни қиляпман, холос. Тур, дангаса, ётаверасанми, айтган вақting бўлди.

— Ухлагани кўясанми, йўқми?

Эркак ухлади шекилли, жим бўлиб қолди, бироқ аёл анчагача мингирлаб ётди.

— Назаримда, тонг ёришиб қолганга ўхшайди. Ҳамма нарсани бемалол кўрса бўлади. Анави зиногарни кўриб турган эканман, демақ, тонг отибди, тонг отмаса кўринармиди. Ҳали замон қуёш чиқиб қолади. Кўнглим сезиб турибди, у бирорни қонига ташна қилган одамхўр, турқидан маълум. Биз уни уйга киргизиб ўтирибмиз. Бир кечага бўлса ҳам, барибир, бошпана бердик. Эртага келиб, яширгансизлар, дейишса-я Жавобгарликка тортишса, ана ундан кейин томошанинг каттаси чиқади... Ўзини у ёқдан бу ёққа ташлашини қаранглар. Жим ётиб ухломаяпти. Бир балоси бордирки, безовта. Виждони қийналаётганга ўхшайди. Ёвуз одамнинг кўнгли нотинчлиги ҳаммага аён.

Тонг отди... Кун ёйилиб, чор атрофда ўралашган кўланкаларни тўзитиб, ҳайдай бошлади... Уч кишининг ҳароратидан уй ичи исиб, димиқиб кетган эди. Кўзларимни босиб турган қовоқларим орасидан мен ёришиб келаётган кунни илгадим.

— У ёғидан-бу ёғига аганашини қара, — деган овоз яна қулогимга чалинди. — Худди дўзах ўтида куйдиришаётгандек безовта-я. Турқидан каллакесарлиги шундоққина билиниб турибди. Тура қол, донис! Ановингга қарасанг-чи, аламига чидолмай оғзидан сўлаги оқиб, ерда думалаб ётибди. Анчамунча одамнинг бошини еганга ўхшайди. Сен лақма, кимлигини суриштирмасданоқ уйнингга киргизиб ўтирибсан.

— Ким бўларди, омадсиз бир гадо-да! Кип-қизил вахманинг конисан-да. Жим ётиб ухласанг-чи, биз ҳам дам олайлик.

— Ухла эмиш. Уйқи келмаса нима қиласай.

— Бўлмаса ўрнингдан тургин-да. қури, овозингни эшитмай.

— Бўпти, бўпти. Бориб ўчоққа ўт ёқа қолай. Ановингга айтайми, менинг ўрнимга чиқиб ётсинми?

— Айта қол.

— Йўқ, айтмайман. Афтига қарасам, юрагим увишади.

— Бўлмаса бор, бизни тинч кўйиб, тирикчилигингни қил.

— Тўхтаб тур.

— Мунча имилладинг?

— Бўлди, кетяпман.

Аёлнинг каравотдан тургани эшитилди. Унинг яланг оёқлари ерни шипшип босганча, бошимдан сакраб ўтди. Мен кўзимни очдиму цу заҳоти юмбидим.

Мен уйгонганимда кун пешин бўлган эди. Ёнимда бир кружка қаҳва турарди. Мен уни ичмоқчи бўлдим-у, бироқ бор-йўғи икки қултум ҳўплай олдим, холос.

— Айбга қўшмайсиз-да, сизни меҳмон қилгудек ҳеч вақомиз йўқ. Уйнинг ҳамма ёгини қоқиширганимиз билан ҳам бир тишлам нарса топилмайди...

Бу аёл кишининг овози эди.

— Ҳечқиси йўқ, — дедим уни хижолатдан қутқариш учун. — Менинг гамимни еманг. Мен очин-тўқин юриб ўрганиб қолганман. Фақат менга йўл кўрсатиб юборсангиз бўлгани.

— Қаёққа бормоқчисиз?

— Қаёққа бўлса ҳам майли, кетсам бўлгани.

— Бу ердан ўтган йўллар хоҳлаган жойингизга олиб боради. Контилига ҳам, унинг тескарисига ҳам кетган йўл бор. Мана бу йўл тўппа-тўғри тоқса олиб чиқади. Буниси қаёққа қараб кетганини ўзим ҳам билмайман, — аёл бармоги билан томнинг ёригига ишора қилди.. — Бу ёққа қараб юрсангиз Медиа-Лунага борасиз. Бу ерда ҳамма йўллар билан кесишадиган энг узун йўл ҳам бор.

— Мен мана шу йўлдан юриб келган бўлсам керак.

— Бу йўл қаёққа олиб борар экан?

— Сайулга.

— Вой тавба! Мен бўлсам Сайул бутунлай бошқа томонда деб юрардим. Доим шунаقا деб ўйлаганман. Сайулда гиж-гиж одам яшами ростми?

— Ҳамма жойдагидек.

— Во ажабо! Биз бу ерда ёлғиз ўзимиз сўппайиб яшаймиз. Баъзан шунаقا юрагим сиқиладики, бу дунёда одамлар қанақа кун кечиришаётгани ҳақида бирон-бир хат-хабар келса-чи, деб интиқ бўламан.

— Эрингиз қаёққа кетди?

— У эрим эмас, акам. Фақат бу нарсани ҳаммадан сир тутади. У қаёққа ҳам борарди. Шу атрофда ёввойилашиб кетган бузоқни кўрган экан, шуни излаб топаман деб кетган. Тагин ким билади, дейсиз.

— Бу ерда қачондан бери яшайсизлар?

— Азалу азалдан. Шу ерда туғилиб ўсганмиз.

— Бўлмаса Долорес Пресиадони танисангиз керак-а?

— Балки Донис билар. Мен одамларни камдан-кам кўраман. Остона ҳатлаб кўчага чиқмайман. Умрим мана шу тўрт девор ичидаги ўтятпти... Умр бўйи бўлмаса ҳам у мени ўзига хотин қилиб олганидан буён аҳволим шу. Одамларнинг кўзига кўринишдан кўрқиб, қамалиб ўтираман. У гапимга ишонмайди, лекин сиз холис айтинг, жуда ҳам бадбурушман-а? — у қоронги бурчакдан ёруққа чиқди. — Афтимга бир қаранг.

Бу ҳамманикига ўхшаган сип-силлиқ юз эди.

— Мен юзингизда одамни ижиригантирадиган ҳеч нарса кўрмаяпман.

— Гуноҳ-чи? Наҳотки бетимга чапланган гуноҳи азимни ҳам кўрмайтган бўлсангиз. Бутун вужудимга бошдан-оёқ тавқи-лаънат муҳри босилган. Ташиб-ки қиёфам шу аҳволда. Ичим бундан бешбаттар ифлос, булганган.

— Бу ерда ҳеч ким бўлмаса, кимдан андиша қиласиз? Мен бутун Комалани кезиб, бирон кимсани учратмадим.

— Сизга шундай туюлгандир-да. У ерда ҳали ҳам одамлар яшашади. Филомено турадими? Туради. Доротеа-чи? Мелькиадес-чи, Пруденсио чолчи, Состенес-чи, эҳ-ҳа, озмунча одам борми? Мен айтган одамлар у ерда туришмайдими? Туришади. Ҳаммаси уйига қамалиб олишгани учун ҳеч кимни кўрмагансиз. Улар кундузлари нима қилишини сизга айтмайман, лекин нега кечаси эшикларини тамбалаб олиши менга беш қўлдек аён. Бу ерлар кечаси кўрқинчлики, нақ ўтакангиз ёрилади. Кун ботар-ботмас, кўча-кўй арвоҳларга тўлиб кетади. Гуррос-гуррос юришади. Арвоҳга дуч келишта кимнинг тоқати бор дейсиз. Дуойи фотиха қилиб турганимизда-ку, арвоҳлар бу

азобдан қутулишарди-я, лекин биз тоат-ибодатни йигиштириб қўйдик дуюйимизнинг савоби қай бирига етсин. “Падари бузрукворимиз”ни ўқисак, ҳар бирига бир жуфтдан сўз тўгри келадими, йўқми — бунақада бирорвонинг жонини азобдан қутқариб бўладими? Бизнинг тоат-ибодатимизни олго даргоҳида қабул қилиши ҳам гумон. Бу ерда яшаётган тирикларнинг орасида оллонинг қарамига лойиқ бирон кимса топилмайди. Ердан бош кўтартмай яшаймиз. Бошимизни кўтариб қарасак, шармисорлигимиздан оламни зулмат босади. Энди уялган билан иш битмайди. Менга буни епископ айтган. Болаларни чўқинтириш учун келганда ҳаммасини тушунтириб берган. Мен унинг олдида тиз чўкиб, қилган гуноҳларимга иқор бўлдим.

“Сен қилган гуноҳга афв йўқ”, деди у.

“Шармисорликдан адойи-тамом бўлдим”, дедим.

“Фақат уялган билан гуноҳ енгистлашмайди”.

“Бизни никоҳлаб қўя қолинг, епископ ҳазрати олийлари”.

“Боринг, кўзимга кўринманг!”

Ҳаётнинг ўзи бизни бир каталакка тиқиб, тақдиришимизни боғлагани ва биз гуноҳга қўл урганимизни билмай қолганимизни айтгим келди. Бу атрофда биздан бошқа тирик жон йўқ. Биздан зурёд пайдо бўлиши мумкин. “Яна бир айланиб келгунингизча бу ерларда динга даъват этиладиган қанча одам пайдо бўлади”.

“Ажralиб кетинглар, — дея оёқ тираб олди у. — Сизларга берадиган бошқа маслаҳатим йўқ”.

“Энди бир-биримиздан айрилиб қандай яшаймиз?”

“Бошқаларга ўхшаб яшайверасизлар”.

У шундай деди-ю, хачирини ниқтаб ўз йўлига кетаверди: ҳатто шафқат нималигини билмайдиган тошдек совуқ юзини буриб қаращдан ҳазар қилар, бу билан ўзи ҳам гуноҳ қилганини хаёлига келтирмасди. Шу бўйи бу ерларга қайтиб қадам босмади. Кечалари арвоҳлар изгиб юриши ҳам шундан. Ўлганида тепасида дуо ўқиб, оллодан мағфират сўролмаган шўрпешоналарнинг сон-саноги йўқ. Қандай қилиб худонинг мағфиратига сазовор бўлишни билмай бечораларнинг жони азобра. Биз тоат-ибодат қилганимизнинг барибир фойдаси йўқ — ўқиган дуюйимиз инобатга ўтиши амримаҳол. У қайтиб келяпти, эшитяпсанми?

— Ҳа.

— Ана, етиб ҳам келди.

Эшик очилди.

— Нима бўлди, тутдингми?

— Йўқ, қораси ҳам кўринмайди. Фақат изини топдим. Қаерда ётишини ҳам билиб олдим. Бугун кечаси ушламай қўймайман.

— Кечаси дейсанми? Мени ёлгиз ташлаб-а?

— Ёлгиз қолсанг қоларсан.

— Ёлгиз ўзим қандай қилиб ўтираман. Сен бўлмасанг ўзимни қаёққа қўйишини билмай қоламан. Шундоқ ҳам кун бўйи юрагим сиқилиб, қон бўлиб кетаман, фақат кечаси — сен қайтиб келганингдан кейингина сал енгил тортаман.

— Бузоқни тутиб келишм керакми, йўқми?

— Сизларнинг ака-сингил эканингларни ҳозиргина билдим, — дея гапга аралашдим.

— Ҳозиргина-я? — деди у ажабланисиб. — Мен буни олдинроқ билган бўлсам ҳам чурқ этмай юрибман. Сиз ҳам бекорга ўзингизни қийнаб, бу ишга аралашиб юрманг. Биз ҳақимизда ҳар хил бемаъни гапларни тарқатиб юришларини ёқтирамаймиз.

— Кўнглимда бошқача ниятим йўқ, ахволингизни тушуниб турганим учун...

— Нимани тушунақолдингиз?

Аёл эркакнинг ёнига туриб, бўйнига қўл ташлади.

— Сиз нимани ҳам билардингиз? — деди у ҳам эркакнинг гапини такорлаб.

— Ҳеч нарса билмайман, — дедим, — энди, умуман ҳеч нарсага ақлим етмай қолди. Келган шаҳримга қайтиб кетишни истайман, холос, — деб қўшиб қўйдим. — Иложи бўлса, қош қораймасдан йўлга тушсан.

— Мунча шошмасангиз, — деди эркак мени йўлдан қайтариб. — Бугун-

ча қолинг. Ҳадемай қоронги тушади, йўлларни ўт-ўлан босиб кетган, тогтошнинг орасида адашиб кетишингиз ҳеч гап эмас. Эрталаб сизни ўзим кузатиб қўяман.

— Раҳмат.

* * *

Томнинг ёригидан бир гала қораялօк учиб ўтгани қўринди — бу қушлар одатда шом тушгач, лекин ҳали самовий йўлларни зулмат чулғаб ултурмай учишади. Шундан кейин тун бостириб келаётганидан дарак бериб, юксак-юксакда шамол тўзгитиб юборган лахтак-лухтак булувлар сузиб ўтди. Бирин-кетин юлдузлар милтирай бошлади, кўп ўтмай ой балқиб чиқди.

Уйда мендан бўлак ҳеч ким йўқ эди. Эркак билан аёл ички ҳовлига олиб чиқадиган эшикка кириб кетишиганча, бутун тай қоронги туашканда қайтишиди. Бу орада қандай ҳодиса юз берганидан улар бехабар эди, албатта.

Улар йўғида кутилмаган бир воқеа юз берди.

Кўча эшик очилиб, бўсағада худди оч арвоҳдек озғин, мункилаб қолган кампир пайдо бўлди. Ичкарига киргач, у уй ичитга обдон разм солди. Менга қўзи тушса ҳам ухлаяпти деб гумон қилди, шекилми, ортиқча эътибор бермай, тўппа-тўгри бурчакда турган каравотга қараб юрди. Унинг остидан чарм қутини олиб, ичини ковлаштириди. Уч-тўртта чойшабни қўлтигига қисдида, худди мени уйғотиб юборишдан қўрққандек оёқ учида юриб чиқиб кетди.

Мен иложи борича унга қарамасликка уриниб, нафасимни ичимга ютиб ётардим. Кампир чиқиб кетгач, бошимни буриб шифтга тикилдим. Томнинг ёригидан ой билан ёнма-ён милтираб турган дастлабки юлдузлар қўринди.

— Манг манавини ичиб олинг, — қулогимнинг остида аёл кишининг овози эштилди.

Унга қайрилиб қарашга юрагим дов бермади.

— Ича қолсангиз-чи. Бирдан енгил тортасиз. Атайлаб сиз учун апельсиннинг гулини қайнатиб келдим. Жуда ҳам қўрқиб кетибсиз. Титрашингизни қаранг. Манавини ичсангиз енгил тортасиз.

Шундоққина рўпарамда турган таниш қўлларга қўзим тушди, кейин аёлнинг юзи қўринди. Эркак унинг орқа томонида тик турарди.

— Ҳа, мазангиз қочдим! — деб сўради у.

— Ўзим ҳам билмайман. Қўзимга ҳар хил нарсалар, аллақандай одамлар қўринаверади. Мен кўрган нарсалар сизларга қўринмаса керак. Ҳозирнинг ўзида бу ерга бир кампир кириб, чиқиб кетди. Сизлар кўрганинглар йўқми?

— Қўй, ётаверсин, — деди эркак. — Юр, кетдик. У ўзини авлиё қилиб кўрсатмоқчи, чоги.

— Сўрига ётқиза қолайлик. Титрашини қара, алангаи оташ бўлиб ёняпти.

— Тепасида кўп ҳам ўралашаверма. Бунақалар одамларнинг эътиборини жалб қилиш учун ўзини ҳар оҳангга солишади. Медиа-Лунада ҳам шунга ўхшаган биттаси бўларди, эртага нима бўлишини каромат қиласман, деб мақтангани мақтанган эди. Оқибат нима бўлди? Хўжайини ундан кўра устомонлигини билолмади, хизматкорининг хийла-найрангларини сезгач, имижимида тинчтиб юборди. Бу ҳам ўшанақалардантир-да. Ўзини кароматтўй қўрсатиб юрадиган бунақа “авлиё”ларни яхши биласман, қишлоқма-қишлоқ юриб, одамларни аврайди: экмайди, тикмайди-ю, доим қорни тўқ, усти бут. Факат бизникида бир бурда нон топиб еёлмай, очдан ўлиб қолмаса бўлгани. Уни қара титроги босилди, гапга қулоқ соляпти.

Назаримда, вақт орқага қайтиб кетаётгандек туюларди. Кўкда яна ой билан ёнма-ён милтираб турган дастлабки юлдузлар қўринди. Пат булувлар тўзгиб кетди. Қораялօклар галаси шувиллаб учиб ўтди. Бошим узраяна гуруб шуъласида чўмилаётган осмон тўнкариглиқ турганини сездим.

Ўйлар офтоб нурига чулганиб, кун ёришиб кетди. Тошлоқ йўлдан қадам товушларим эштилади. “Агар тирик бўлса, доња Эдувихесни қидириб то-пинг”, дея тайинлайди йўлда учраган ҳамроҳим.

Кейин тўсатдан қоп-қора зулмат чўқади. Мен қандайдир уйда ётардим. Ёнимда ухлаётган аёл кишининг хурраги эштилади. Эндинга қўзи илинган ё ўзини ёлғондан уйқуга солиб ётгани учун нафас олиши пайдар-пай. Сўри

бамбуқдан ясалған, остимиздаги түшакка бирор марта ҳам офтоб төгмаган бўлса керак, гупиллаб шиптирик хиди келади. Ёстиқ ўрнига дагал матодан тикилиб, ичига каноп толасими ёки жунми тиқилган қоп қўйилган — худди гўлага бош қўйиб ётганга ўхшайсан.

Аёлнинг яланғоч сони тиззамга тегиб кетди, юзимга унинг илиқ нафаси урилганини сездим. Сомонли гиштдан ҳам қаттиқроқ ёстиқча тиралиб қаддимни ростладим.

— Ухлаёттанингиз йўқмиди? — сўради аёл.

— Уйқум келмаяпти. Кунни билан роса ухлабман-ку. Акангиз қани?

— Ўзининг ташвишлари билан юрибди. Қаёқча бормоқчилигини ўзингиз эшитдингиз-ку. Бугун қайтиб келмаса керак.

— Барибир кетибди-да. Сиз ёлғиз ташлаб кетмагин, деб ялинган эдингиз-ку.

— У гапимга қулоқ солармиди. Энди қайтиб келмаса ҳам керак. Уларнинг ҳаммаси шу-ку: бири у ёққа боришил керак, дейди, бири бу ёққа... Шу бўйи қайтиб қорасини ҳам кўрсатишмайди: узоқ-узоқларга бош олиб кетишиади, щекилли. Анчадан бери бунинг ҳам хаёли бузилиб юрган эди. Сизни кўриб, жуфтакни ростлаб қоладиган пайти келганини тушунган. Назаримда иккаламизни ҳам тақиататиб, мени сизнинг илкингизга топширди-ю, кетди ворди. Қулай имкониятдан фойдаланиб қолди. Бузоқни бизни чалгитиши учун ўйлаб топган. Мана кўрасиз — энди у қайтиб келмайди.

Мен иўнглим айниб кетяпти, бирпас очик ҳавога чиқиб келай, демоқчи бўлиб туриб:

— Ташенишланманг, қайтиб келади, — деб юборганимни ўзим ҳам билмай қолдим.

Аста ўрнимдан турдим.

— Сизга озгина егулик пишириб қўйдим, — деди аёл. — Ошхонага кирсангиз, ўчоқда турибди. Бир тишламгина бўлса ҳам ҳарна дармон-да.

Чиндан ҳам ошхонада бир бўлак дудланган гўшт билан қўрга кўмиб қўйилган уч-тўртта тортилья бор эди.

— Бошқа тузукроқ нарса топишнинг иложи бўлмади, — ичкаридан аёлнинг овози эшитилди. — Бу нарсаларни ҳам опамга ялиниб-ёлвориб, онамдан қолган чойшабларга зўрга алмаштириб олдим; ҳали яп-янги эди-я. Опам ўша чойшабларни опкетгани келган. Боя Дониснинг олдида индамадим, сизнинг ўтакангизни ёриб юборган кампир менинг опам.

* * *

Юлдузлар чарақлаб турган осмон баҳмалдек қоп-қора. Ойнинг ёнгинасида милтираётган юлдуз бошқаларидан кўра кўпроқ ёғду таратаётганга ўхшайди.

— Менинг овозимни эшитяпсанми? — дея шивирлаб сўрадим.

Шу заҳоти унинг свози келди:

— Қаерларда юрибсан?

— Мен сенинг униб-ўсган ватанингдаман. Ёшлик чогингда бирга юрган таниш-билишларинг орасидаман. Ҳаммасини кўриб тургандирсан?

— Йўқ, ўглим, мен ҳеч нарса кўраётганим йўқ.

Онамнинг овози курраи замин бўйлаб таралиб, оламнинг худудсиз кенгликларига сингиб кетарди.

* * *

Мен яна аёл ётган хонага қайтиб кирдим.

— Мен ерда, кечаги жойимда ёта қолай, — дедим. — Сўрингиз биқинларимни тешиб юборди. Агар бирор нарса керак бўлса, айтарсиз.

— Донис энди қайтиб келмайди, — деди аёл. — Кўзларидан билиниб турувди. У мени ташлаб қочиш учун пайт пойлаб юрган эди. Энди менинг ташвишм сенинг гарданингга тушди. Ё бунақа ташвишга тоқатинг йўқми? Бу ёққа ке, ёнимга ўтиб ёт.

— Менга ер ҳам бўлаверади.

— Сўрига чиқиб ёт. Ерда суварақлар гимирлайвериб, уйку бермайди. Ўрнимдан туриб унинг ёнига чўзилдим.

* * *

Ярим кечаси иссиқдан нафасим қайтиб уйгониб кетдим. Қора терга тушиб кетибман. Аёлнинг вужуди балчиққа айланишга тайёр турган ипирис-қи нарсалар илашган бир замбил лойга ўхшарди. Ундан келаётган бадбўй ис ва тердан нафасим қайтгудек бўлиб, питирлардим. Лоақал нафас ростлаб олишга ҳаво етишмасди. Не машаққат билан ўриндан турдим. Аёл ухлар, худди жони ҳалқумига келиб қолгандек хирқираб нафас оларди.

Тунги салқинда ором оларман, деган илинжда ташқарига чиқдим. Бироқ барибир, ҳаммаёқдан иссиқ ҳовур уриб тургандек туюлаверди. Ҳаво қуриб кеттган; тунлари ҳам бу жазира ловуллаб ётиби — енгил нафас олиш тугул, одам бўгилиб қолай дейди.

Бир чимдим ҳаво ҳам йўқ. Мен ўзим чиқарган нафасни қайтадан сими-рар, у ҳавода ёйилиб кетмаслиги учун қўлларим билан оғиз-бурнимни пана қилиб олган эдим. Илиқ нафасим кафтларимни қитиқларди. Бироқ, барибир, нафас олиш борган сари қийинлашарди. Нихоят энг сўнгги ҳаво зарралари бармоқларим орасидан сизиб бўшлиқ қаърига сингиб кетди.

Тамом, вассалом.

Тепамда кўпчиган оппоқ буултлар пайдо бўлди-да, мени ўраб-чирмаб олди, уларнинг кўпикдек момиқ қучогида гарқ бўлиб кетдим. Охирги марта кўрган-билганим — шу.

* * *

Мени бўғиб ўлдиришди, деяпсан-а, Хуан Пресиадо? Ахир, биз сени Дониснинг уйидан анча наридаги майдондан топиб олдик-ку. Тепаңгда турган Донис у ўзини ўликка солиб, жиннилик қиласпи, деди. Икковлашиб сени айвонга олиб кирганимизда аллақачон кесак бўлиб қолган экансан; тананг буқчайиб, юзинг бир томонга тортиб кетган — ўтакаси ёрилиб ўлган одамнинг афти шунақа бўлади. Ўша куни кечаси нафас олиб бўлмасди, деяпсан. Агар нафас олиб бўлмаса, сени қандай қилиб кўтариб юрганмиз, кўмишга кучни қайдан олганмиз. Кўриб турибсан-ку, сени лаҳадга қўйдик.

— Рост айтасан, Доротео. Отингни Доротео дединг-а?

— Нима фарқи бор. Отим-ку Доротео. Лекин аслида ҳаммаси ҳам бир.

— Тўғри, Доротеа. Ростини айтсам, мени шивирлаган овозлар ўлдири. Тушуниб бўлмайдиган овозларнинг шивир-шивири.

“... У ерда сен дунёда мен учун ардоқли бўлган ва мен суйган ажойиб нарсаларни кўрасан. Менинг она юртим. О, у ерда мен қандай гаройиб тушлар кўрардим, юрагим ширин орзулардан орзиқиб кетарди. Бизнинг қишлоқ шундоққина яланглик тепасида кўр тўкиб турган қир-адир ёнбагрига жойлашган; ҳамма ёғи боф-роф, дов-дараҳтларнинг кумушшек товланган япроқлари оҳиста қарсак чалиб, худди энг тотли хотирапарнинг бағрига яширган тилсимдек ўзига чорлагани-чорлаган. У ерларни кўрганингдан кейин абадул-абад қолишим керак бўлган жой шу экан, дейишинг турган гап. У ернинг субҳи-солиги худди ўтган кундагига ўхшаш — бир-биридан фарқ қилмайди, ёришиб келаётган тонг ҳам, чошгоҳ ҳам, шом пайти ҳам сира ўзгармайди. Фақат ҳавоси бўлакча — яйраб нафас оласан, чунки у ернинг ҳавоси ажойиб, ҳавосига монанд нарсаларнинг тузи ҳам бўлакча. У ерда ҳаётнинг йўриги ҳам бошқача, у сенга афсоналар сўзлаётганга ўхшайди, сен сеҳрланиб қулоқ тутасан ва пировардидга ҳаётнинг ҳеч қаҷон тинмайдиган бокий даъватидан бошқа нарсани эшитмай қўясан...”

— Гапимга ишонавер, Доротеа, мени шивирлаган овозлар ўлдири. Олдинига қўрқиб кетдим, ўлимга таслим бўлаётганимни сездим-у, бироқ унга қарши туришга чогим келмади. Кейин пицирлаган овозлар эшитилди-ю, мени адойи тамом қилди.

Гапинг рост, майдонга қараб кетаётган эдим. Қаердадир бир жойда шовқин-сурон эшитилгандек бўлди, одамларнинг овозини тусмоллаб юравердим.

Бошим гувиллаб, оёқда туришга чогим келмас, йиқилиб тушмаслик учун деворларни пайпаслаб борардим, худди оёқда эмас, қўлимда юриб кетаётганга ўҳшадим. Деворлардан тушуниңиз сас-садолар эшитилар, улар куйибишиб ниманидир гапираётгандек туюларди. Девор ёриқларидан, ҳар бир тешикдан, ҳатто кўчиб кетган сувоқдан ҳам садо чиқарди. Бу одамларнинг овози бўлиб, мен зўр бериб, улар нима деяётганини илғаб олишга уринардим, бироқ ҳаддан ташқари секин, тушуниңиз тарзда айтилган бу сўзлар, бироннинг шунчаки оғзидан чиқиб кетган гапимикин ё қулогим шангиллаб кетаётганикин, деган хаётла ҳам бордим. Мен деворга суюнмай, кўччанинг ўртасига тушиб олсан ҳам овозлар таъқиб этиб келаверди. Улар дам ёнгинамда, дам олдинда, дам орқамдан эшитиларди. Энди иссиқдан нафасим қайтмас, аъзои баданим музлаб кетган эди. Менга ёнидан жой бериб, кўз олдимда терига қоришиб, батчиққа айланган аёлнинг уйидан чиқсан заҳотим совқота бошладим, қанча тез юрганин сайин совуқ аъзои баданимдан ўтиб, тукларим тиккайиб кетарди. Жунжикиб, изимга қайтмоқчи ҳам бўлдим, назаримда ҳозиргина қочиб чиқсан уйнинг остонасидан ҳатлашим билан баданимга иссиқ югурадигандек туюларди. Бироқ яна бир неча одим ташлаганимдан кейин совуқ ич-ичимдан чиқиб кетганини — томирларимда қоннинг оқиши сусаяётганини ҳис этдим. Мен қаттиқ қўрққанимдан шу ахволга тушганимни англаб етдим. Майдондаги одамларнинг бақириб-чақириги борган сайин авжга чиқар, кўнглимда уларнинг ёнига етиб олсан ўзимга келиб қоларман, деган илинж бор эди. Мени майдондан топганинглар бежиз эмас. Демак, Донис барибир қайтиб келибди-да. Ҳалиги хотин энди унинг дийдорини кўриши насиб қўлмайди, деб ич-етини еяётган эди...

— Биз сени эрталаб кўриб қолдик. Донис қаёқдан пайдо бўлганини ўзим ҳам билмайман. Сўраб, суриштирганим йўқ.

— Мен очиқ майдонга келдим-да, тим тагига ўтиб, устунга суюндим. Биронтирик жон кўринмас, лекин худди бозор қайнаётгандек шовқин-сурон қулоқни қоматга келтиради. Бироннинг овозини фарқлаб нима деяётганини тушуниш қийин, ҳамма нарса қоришиб, гувиллаб эшитиларди. Шамол қутургандан шундай бўлади; на дараҳтнинг ўзи, на шоҳ-шаббаси қўринади-ю, бироқ гувиллаши оламни бузади. Мен жойимда қимир этмай туравердим. Майдонни бошига кўтарган бақириқ-чақириқ, тўсатдан жамланиб, менга яқин келдида, худди асалари уясидек қулогим остида гувиллай бошлади. Мен аниктаник айтилган айрим сўзларни илғаб улгурдим: “Оллодан бизга мағфират сўраб, ибодат қил”. Бу сўзлар менга қаратса айтилган эди. Юрагим шув этиб, жоним ҳалқумимга келди. Шунинг учун ўлигим майдонда қолган.

— Бу ерга бекор келибсан. Жимтина уйда ўтиришинг керак эди.

— Айтдим-ку, Педро Парамони кўрмоқчи эдим деб. Нима бўлгандা ҳам отам-ку. Лекин бу ерга хомхаёл билан бошим айланиб келиб қолганимни тушуниб турибман.

— Ҳақиқатан ҳам бошинг айланиб келиб қолибсан. Лекин бу хомхаёл сенга қимматга тушибди. Мен ҳам ўз вақтида бунақа нарсанинг жабрини тортганман: ёруг дунёда керагидан ортиқча умргузаронлик қилганман. Ўғлим учун яшаб, қарзимни узганман. Болам бор деб ўзимни овутиб юрсам, бу ҳомхаёл бўлиб чиқди, қоққан қозиқдек ёлгиз эканман, болам ҳам йўқ экан. Ўлганингдан кейин ҳамма нарсани бир бошдан ўйлаб, тушуниб олишга вақтинг бемалол етиб ортаркан. Парвардигор ёруг оламда бола топиб ўтириш им учун бошпана ҳам бергани йўқ. Фақат умрдан қисмади; шунақа узок ящадимки, охир-оқибат, қаҷон ҳаққа етаркинман, деб ўйлай бошладим. Умримни шамол учириб ўйнаган ҳазондек қўним билмай сарсон-саргардон ўтказдим, азоб-уқубатдан бўлак нарсани кўрмаган кўзларим ҳадеб чор-атрофга аланг-жаланг боқар, назаримда, одамлар менинг боламни ўғирлаб, яшириб қўйгандек туюлаверарди. Агар фалолат босиб туш кўрмаганимда бу гаплар йўқ эди. Умримда икки марта туш кўрганман — бир гал дорилфанода, иккинчи сафар дорилбақода. Биринчи тушимда бола тугиб, уни эркала борган эмишман. Ёруг дунёда қанча яшаган бўлсам, шундай бўлганига астойдил ишонганман. Уни сира қўлимдан қўймасдим; боламнинг бадани иссиқ, момиқдек қўлчалари дўмбоққина, лаблари гунчадек, кўзлари мунчоқдек эди. Кейин ухлаб ётганда бармоқлари билан киприкларини қайираётгандек, юраги кафтимта дукирлаб ураётгандек туюлаверди. Бу нарсани тушда эмас, ўнгим-

да кўрган бўлсам нега ишонмай, ахир. Жигарпорамдан сира айрилмасдим, қаерга бормай шол рўмолимга ўраб, олиб юрардим. Кейин у бирданига йўқолиб қолди. Бу ерга келганимда эса хато юз берган экан, ўзинг мушфиқ, бироқ тубинг тош қилиб яратилган экансан, дейишди. Адашиб кетишганмиш. Бу мен кўрган иккинчи туш. Ўғлим у дунёдаги фаришталарнинг орасида эмас-микин, деб қараб чиқдим. Кўзларим ниғорон бўлиб изладим. Афусуски, болам уларнинг орасида ҳам кўринмади. Фаришталарнинг турқи-таровати бир хил, бир-биридан ажратиб бўлмас экан. Юрагим эзилиб, сўраб-суриштиришига тушдим. Тўсатдан ёнимга фаришталардан бири келди-да, чурқ этмай ичимга қўлини тиқиб юборса бўладими, ўзим ҳам ҳайрон бўлиб қолдим; унинг қўли баданимга эмас, юмшоқ мумга ботиб кеттандек бўлди. Қўлини сугуриб олдида, худди ёнгоқнинг пўчогига ўхшаган галати бир нарсани кўрсатди. “Мана ўзларининг аъмал ҳужжатларини кўриб қўйсинглар”, деди.

Улар жуда галати гапиришар экан-у, лекин бир амаллаб тушунса бўларди. Мен эндиғина гапга оғиз жуфтлаб, бу менинг ошқозоним-ку, умримда бирор марта тўйиб овқат емаганим учун у шунаقا қуриб, қовжираб қолган, демоқчи эдим, бошқа бирори шартта елкамдан тутамлаб дарвозадан итариб чиқарди. “Бор, қизим, ёруғ оламнинг неъматларидан тузукроқ тотгин, олло таоло буюргандек яшашга ҳаракат қилсанг, гуноҳларингдан тезроқ фориг бўласан”.

Бу менинг аршда кўрган тушим. Бу тушини кўрганимдан кейингина ҳеч қачон бола кўрмаганимни англадим. Лекин бу шафқатсиз ҳақиқатни жуда ҳам кеч, қариб-чуриб, бир оёғим тўрда-ю, иккинчиси гўрга етгандагина тушундим. Худо урса, қўшқуллаб уради деганлари рост экан, одамлар узоқяқинга бош олиб кетиб, бу жойлар ҳувиллаб қолди. Одамлар кўчиб кетишгач, менинг шўрим қуриди — мен улар берган хайр-садақа билан тирикчилик қиласдим-да. Ўтириб, ўлимимни кута бошладим. Сени топганимиздан кейин менинг сўнгакларим ҳам лаҳадга кириб, хотиржам бўлди. Бирорнинг оёғига ўралашиб, халақит бермаганимдан кейин суюкларим сочилиб ётганини ҳеч ким пайқамаса керак, деб ўйлаган эдим. Ўзинг кўрдинг-ку, мени кўмишга бир сиким ҳам тупроқ кетгани йўқ. Сен билан бирга кўмиб қўя қолишибди, ортиқча жой ҳам эгалламадим, бир бурчакка қисилиб, қучогингга жой бўлдим. Аслида-ку, сен мени эмас, мен сени қўлимда кўтариб юришим керак, а. Жим! Ер юзида ёмғир ёғяти шекилли. Шитирлашини эшитяпсанми?

— Менинг назаримда кимdir устимизга чиқиб тепкилаётганга ўхшайди.

— Парво қилма. Энди бирордан қўрқмасанг ҳам бўлади. Бу ерда ҳали кўп ётамиз, баҳри-дилинг очиладиган нарсаларни эслашга ҳаракат қил.

* * *

Тонгга яқин дастлабки йирик-йирик томчилар сепалай бошлади. Ёмғир томчилари қуриб, қовжираб ётган ерни тарсиллатиб саваларди. Қанотлари ерга тегай-тегай деб учиб ўтган мазахчи қуш худди бешикка белангандек уф тортди, ёришиб келаётган уфқ сари қанот қоқиб, берган сари узоқлашаркан, аввалигачуввос солди, кейин хандон ташлаб қулаётгандек шақшақлади ва пировардида яна чуқур уф тортди.

Палахса-палахса ҳайдалган ерга сингаётган обираҳмат сувини томоша қилгани чиққан Фульгор Седанонинг димогига гуп этиб намхуш ҳаво урилди. Қувонганидан Фульгорнинг кўзлари чараклаб кетди. У қадрдан тупроқ исини ҳузур қилиб, қайта-қайта симиаркан, мамнун илжайди.

“Кара-я! Насиб этса, бу йил ҳам баракали йил бўлади. — Бирпас жим қолгач, яна қўшимча қилди. — Қуй, қуявер, ёмғир! Иложи борича челаклаб қуй. Кейин ҳов анови ёқларга ҳам обираҳмат сеп, қара, сен бемалол яйраб ётишин учун биз қанча янги ер очиб қўйибмиз”.

У яйраб қулди.

Мазахчи қуш эса худудсиз далаларни айланиб чиққач, инига қайтди. Фульгорнинг тепасдан учиб ўта туриб қаттиқ чинқириб юборди.

Ёмғир челаклаб қуя бошлади, чет-четлари ёришиб келаётган осмонни қайтадан қора булут босди, аста-секин чекинаётган нимқоронгилик баттар қуюқлашди.

Ёмгирда туравериб, занг босган темирнинг гирчиллагани эшитилди — Медиа-Лунанинг улкан дарвозаси лангиллаб очилди. Ичкаридан ёмгирпўш ёпинган икки юз қўриқчи жуфт-жуфт бўлиб чиқиб келди-да, турли томонга от чоптириб кетди.

— Энмедиодаги подаларни Эстагуанинг нарёгидаги эски яйловга кўчи-ринглар. Эстагудаги молларни Вильмайо адирларига ҳайданглар, — деган чўпонларга қайта-қайта тайинлади Фульгор. — Тезроқ бўлинглар, болалар, сел келяпти. Офат кутиб турмайди.

У биттагина гапни такрорлайвериб чарчади; дарвозадан ҳаммадан кейин чиқаётган отлиқлар фақат: Бу ёқдан-у ёқса, у ёқдан адирга”, деган сўзларнигина тушуниши, холос. Отлиқлар топшириқни англағанини билдириб, кўлини сембреросининг айвонига тегизиб қўярди.

Ҳали охирги хизматчи чиқиб улгурмай, дарвозадан Мигель Парамо отини ўқдек учирив кириб келди. Жиловни тортмасданоқ эгардан сакраб тушаркан, сал бўлмаса Фульгорнинг оёгини босиб олай деди. Жилови бўш қўйилган жонивор отхона томонга бурилди.

- Каллаи саҳарлаб қаёқдан келяпсиз?
- Гунажинни соққани бордим.
- Қанақа гунажин?
- Топгин-да.

— Бунинг бош қотириб ўтирадиган жойи йўқ. Доротеадан бошқа кимнинг ҳам олдига боришингиз мумкин. Сиздек йигит ёпишиб турса, жони кириб кетса керак ўзиям.

— Вой эси паст-эй. Лекин каллаварамлигинг учун сен айбдор эмассан, албатта.

У шундай деди-ю, шартта бурилиб нонушта қилгани ошхонага кириб кетди; этигининг товонига ўрнатилган ниқтагични ечиб қўймади ҳам.

Ўчоқ бошида Дамиана Сиснерос қўйманарди.

— Тонг отмасидан қаёқдан келяпсан? — у ҳам айнан Фульгорнинг саволини берди.

— Ўзинг билган жойдан. Ўйнашларимнинг олдига бориб, лақиљлаб келдим.

— Жаҳзлинг чиқмасин, Мигель, мен шунчаки сўрадим қўйдим-да. Кечирасан. Қўймоқ қилиб берайми?

— Қўймоқ бўлса ҳам, чала пиширилган тухум бўлса ҳам барибир.

— Сендан тўғриликча гап сўраяпман-ку, Мигель.

— Бўпти, мен ҳам сенга зарда қилаётганим йўқ. Менга қара, “Ҳасратнинг кази” деб лақаб қўйишган Доротеани танийсанми?

— Танийман. Гаплашмоқчимисан? Анови эшикнинг орқасида — ҳовлида ўтирибди. Ҳар куни азонлаб келади, бирон егулик бериб қўямиз. Сал эси чатокроқ: латта-путтадан қўғирчоқ ясад, шол рўмолига ўраб олибди, қўлидан қўймай, худди боладек папалаб, алла айтиб юради. Бошига кулфат тушиб, шунақа бўлиб қолган шекилги, нима бўлганини ўзи ҳам гапирмайди, бирор ҳам билмайди. Тиланчилик қилиб кун кўради.

— Шошмай тур, ярамас чор! Дунёга келганингга пушаймон қилдирмасмани ҳали.

Мигел бу эси паст кампирнинг бирор ёрдами тегиб қолмасмикан, деган хаёлга борди. Ўйлай-ўйлай ундан қандай фойдаланиш йўлини топди.

— Бу ёққа кел-чи, — деди у эшикни очиб, Доротеани имлаб чақиаркан.

— Сенга айтадиган битта гапим бор.

Улар нима тўғрисида гаплашгани қоронги, бироқ ошхонага қайтиб кира турибди, Мигель мамнун бўлганидан кафтини кафтига ишқади.

— Қани, опке бу ёққа қўймогингни! — деди у Дамианага қараб. — Бугундан бошлаб мен нима есам, Доротеага ҳам шуни берасан. Ташвишланмай қўя қол, у бизнинг хону монимизни еб битирмайди.

Фульгор Седано эса омборларни айланиб, қанча жўхори қолганини чамалаб кўтарди. Янги хирмон кўтаришга ҳали талай вақт бор, тўғрироги, эндигина уруг тикилди. “Бултурдан қолган дон етармикин?” — ташвишланниб қўнглидан кечирди Фульгор. Кейин ҳаёли чалгиб, Мигель ҳақида ўйлай бошлаганини ўзи ҳам сезмай қолди. “Қип-қизил ташвиш бўлди-ку бу бола. Худди отасининг ўзи-я. Қадам олиши жуда ҳам бежо. Бунақада қулоги остида қолиши ҳеч гап эмас. Буниси ҳам етмагандек бирорнинг бошини еганга ўхшай-

ди, кечаги одамлар унинг айбини айтишга келишган экан, шипшитиб қўйиш эсимдан чиқибди. Бунақа бўлаверса...”

У оғир тин олди-да, молларни кўчиргани кетган одамлар шу тобда қаерларга етган бўлиши мумкинлигини тусмолламоқчи эди, Мигелнинг отига кўзи тушиб, фикри чалгиди. От тепасига тикан қадаб чиқилган деворга ҳадеб тумшугини ишқарди. “Эгарини ҳам олиб қўймабди, — ранжиб кўнглидан кечирди Фульгор. — Олиб қўймайди ҳам. Дон Педро қунига ярайдиган нарсанинг қадрига етади, завқи келганда уни мақтаб шеър тўқиб юборадиган одати ҳам бор. Лекин Мигельни талтайтириб чакки қиляпти. Ўғлининг кечаги қилигини айтсан: “Шу ишни мени қилган деб ҳисобла, Фульгор, дейди-я. Одам ўлдириш ҳазил эканми! Бунинг учун қатъият керак. Мигель ҳали бола-ку, қўлидан келармиди. Кўлидан келишдан ташқари қўкрагида юракнинг ўрнида мана бундай, — у катта харсангни қучоқламоқчидек қуличини ёйди, — чақмоқ тош бўлиши керак, билдингми? Мабодо у бирор айб қилса, менга тўнкаб қўявер”.

— Мигелингиз сизга ҳали кўп ташвиш орттиради, дон Педро. Жанжални пулга сотиб олади. Бўлар-бўлмаста уруш чиқаради.

— Ҳечқиси йўқ, сал яйраб юрса-юрибди-да. Ҳали гўр-ку. Нечага кирди ўзи? Ўн еттига шекилли, а, Фульгор?

— Шунақа шекилли... Назаримда кечагина тугилгандай, уни сизнинг олдингизга кўтариб келишган эди... Ҳаммаси ҳам майли-я, лекин у ерга урса, осмонга сапчийди, худди вақтдан ҳам ўзиб кетмоқчидек ҳовлиққани-ҳовлиқкан. Ишқилиб, охири баҳайр бўлсин. Вақти-соати келиб, бу гапларимни эслайсиз ҳали.

— Ҳечқиси йўқ, Фульгор. Ёш бола-ку ҳали у, гўдакдан ҳам хафа бўладими, киши.

— Айтдим-қўйдим-да, дон Педро. Кеча Мигель эримни ўлдириди, деб келган хотиннинг йиглашини кўрганингизда эди, шунақа эзилиб кетганки, энди ҳеч нарсадан тал тортмайди. Мен одамдаги дунёни ағдар-тўнтар қилиб юборадиган бунақа кучни бир қаращаёқ биламан, бу хотин ичига динамит тиқилган бомбага ўхшайди — яқин келсанг портлайди. Мен хун тўлаймиз деб, эллик гектолитр жўхори бермоқчи бўлдим. Кўнмади. Начора, бўлмаса, бошқа бир иложини топиб хун тўлаймиз, — дедим. У гапимга қулоқ соглани ҳам йўқ.

— Унинг эри ким эди?

— Танимайман. Бутунлай нотаниш одамлар.

— Ундай бўлса, уларни дунёда йўқ, умуман бўлмаган деб ҳисоблагинда, бу гапни каллангдан чиқариб ташла.

Фульгор омборларни кўздан кечириб юрибди. Жўхоридан илиққина ис таралади. Иш бошқарувчи бир сиким дон олди; узоқ сақланса ҳам уринмаган сархил жўхори. Дон-дуннинг қанчага етишини кўзи билан чамалаб чиққач, хотиржам бўлди. “Бемалол етади. Бундан бу ёғига ўт тез кўкаради, молларга ем бериш шарт эмас. Етиб ортади ҳам”.

Омбордан чиқа туриб, қоп-қора булат босган осмонга кўз ташлади. “Бир ёғса сурункали ёгади энди”. Бу фикр миясига қаттиқ ўрнашиб қолди.

* * *

— Ер юзида ҳаво айниди шекилли. Онам бу ерларда ёмгир ёғиб ўтса, ҳаммаёқ чиннидек ялтираб кетади, ҳавони ёзилаётган куртакларнинг тароватли иси тутиб кетади, дер эди.. Қора-кура булатлар худди довул пайтидаги тўлқинлардек ёпирилиб келади-да, бирданига заминни босиб тушгудек бўлади, шаррос ёмгир кўйиб ўтганидан кейин ҳамма нарса ўзгариб, ёшариб кетади.. Онагинам-а.. Унинг болалиги ҳам, ҳаётининг энг мунавар кунлари ҳам шу ерда ўтган. Лоақал ўлимидан олдин киндик қони томган қадрдан жойларга қайтиб келиш насиб этмади. Ҳеч бўлмаса сен бориб кўргин, деб мени юборди. Ажабо, бу ерга келиб, осмоннинг ранги қанақалигини ҳам билмабман-а, Доротеа. Э, аттанг-а... Унинг ранги онам кўрганда қандай бўлса, шундайдир-а?

— Билмадим, Хуан Пресиадо. Мен умр бўйи ердан кўз узмай яшаганман, осмоннинг ранги қанақалиги эсимдан ҳам чиқиб кетган. Бошимни кўтариб қараганимда бирон нарсани илгармидим. Кўзларимнинг нури қолмаган,

осмон эса жуда ҳам узок, ўз йўлимни топиб юрганимга шукр қилиб яшай-верганман. Бунисини оз деб Рентерия тақсир, сени арши аълога яқин йўла-тишмайди, сен у дунёнинг ҳузур-ҳаловатидан маҳрумсан, дедилар. Ундан бўлса осмонга тикилганимдан нима фойда, деб ўйладим.. Тўгри, қулогимтacha гуноҳга ботганман, лекин тақсиримнинг бундай дейиши жоизмиди. Шундек ҳам бутун умринг азоб-уқубатда ўтади, зора у дунёда роҳат-фарогат кўрсам, деган илинж билан яшайсан. Сен учун жаннатнинг эшиги ёпилгач, бу ёқда бошқаси — жаҳаннамнинг эшиги очилар экан, ундан кўра дунёга келмай кўя қолганинг яхши эмасми.. Мен учун арши аъло — суюкларим ҳузур қилиб ётган мана шу жой, Хуан Пресиадо.

— Руҳинг-чи? Руҳинг қаёққа кетди деб ўйлайсан?

— Ер юзида тентираб юргандир-да. Менинг руҳимга ўхшаб тавбасига таянмаганлар камми? Гуноҳларим мағфират этишини сўраб, биронтаси тоат-ибодат қиласмикан, деган илинжда тирикларнинг орасида юрибди. Қий-ноқда қолгани учун мендан хафа. Лекин мен парвойимга келтирмайман, энди бир камим унинг гамини ейишими қолувди. Виждонимни қийнайвериб, менга кўп азоб берди, энди бўлар, бу ёғига тинчгина дам олай. Не азобда топиб еган ҳар бир бурда нонимни заҳар-заққум қилган эди, кечалари уйқумни қочириб, кўзимга жаҳаннам ўтида қоврилаётган одамларни, яна алланима балоларни кўрсатиб, вахимага соглан эди. Ўлимимни кутиб жимгина ўтириб олган эдим, бундай қилма, бир кун бўлса ҳам кун кўр, тирикчилик гамини е, деб ялиниб-ёлворишига тушди. У бечора қандайдир мўъжиза юз бериб, гуноҳлардан фориг бўлишимдан умидвор эди. Бироқ мен жойимдан қимир этмадим “Борар жойимга етиб келдим, — дедим руҳимга. — Энди бир қадам ташлашга ҳолим қолмади”. Шундан кейин учеб кета қолсин, деб секингина оғзимни очдим. Шу заҳоти руҳим танамни тарқ этди. Бу нарсани юрагимга бориб тулашган томирдан қўлимга қон сачраганидан билдим.

* * *

Эшикни гумбирлатиб уришса ҳам у ҳадеганда оча қолмади. Биргина уни-кини эмас, балки ҳамма эшикларни бараварига тақиллатиб, одамларни уйготишарди. Дарвозага қараб юргурган Фульгор бирдан тўхтади — уни қадам олишиданоқ таниди — изига қайтиб яна эшик қоқмоқчи бўлди-ю, бироқ фикридан қайтиб, чопиб кетди.

Тушуниксиз, бўғиқ овозлар, жуда ҳам оғир юкни кўтариб келишаётган-дек эҳтиёткорлик билан ташланган салмоқли қадам товушлари ва яна англаб бўлмас ҳар хил сас-садо эштилади.

Бирданига отасининг ўлими ёдига тушди. Ўша куни ҳам худди шунақа тун оғиб қолган, фақат эшиклар ланг очиқ, худди ҳозиргидек маёс бир тарзда гира-шира тонг ёришиб келар эди. Бўсағада эса қандайдир бир аёл кесакига суюниб турарди.

Бу — камдан-кам ёдига тушадиган, тўгрироги, борлиги хаёлига ҳам келмайдиган онаси эди. “Отангни ўлдиришибди!” — деди у босиб келаётган ўкирикни ичига ютиб. Унинг узуқ-юлуқ нафаси ожизгина ҳиқиллаш орқали бир-бирига уланиб турганга ўшарди.

Бу мудҳиш воқеаларни эслашга унинг тоб-тоқати йўқ: уларга қўшилиб, худди тешик қопдан шувиллаб тўкилган дондек бошқа хотиралар ҳам ёпирилиб келар, улардан қочиб қутулиш маҳол эди. Отасининг ўлими жуда кўп қон тўкилишига сабаб бўлди: ҳар гал бирор ўлдирилганда отасининг таниб бўлмас аҳволга келтирилган қиёфаси — калтак зарбидан оқиб тушган бир кўзи ва иккинчисида муҳрланиб қолган газабнок алам — кўз олдида намоён бўлаверарди. Ундан кейин ҳам отасининг ўлимига боғлиқ хотиралар бутунлай унутилгунча, то уларни эсга соладиган биронта одам қолмагунча ўлдираверишди.

— Бу ёққа ётқизинглар! У ёққа эмас, бу ёққа. Бошини нарёққа қилинглар. Ҳов, намунча анграясан?

Каттиқ-каттиқ шивирлаб гапиришарди.

— Секинроқ-э, ўзлари ухляяптилар-ку. Уйготорасанлар.

У аллақачон баҳайбат гавдаси билан эшикни бутунлай энлаганча одамларнинг эски қопларга ўралган узун бир нарсани худди кафандашган мур-

дадек авайлаб каравотга ётқизишаётганини кузатиб туарди.

— Ким бу? — деб сўради у.

Фульгор Седано унинг ёнига келди.

— Мигель.

— Уни нима қилишибди? — бақиргудек бўлиб сўради у.

У “ўлдиришибди”, деган жавобни кутиб, газабдан жаг суюклари ўйнаб кетди. Бироқ Фульгорнинг гап оҳангни уни ҳайратта солди.

— Мигельга бирор тегмаган, дон Педро, — деди у паст оҳангда. — Ўзи отдан ийқилиб ўлибди.

Лампамой қўйилган қора чироқнинг ожизгина шуъласи қоронгилик багрини тилкалашга беҳуда уриниб милтилларди.

— ... Отнинг устидан учуб кетибди, — деда кимдир изоҳ беришга журъат қилди.

Сўридан тўшакни олиб ташлаб, Мигелни тахтанинг ўзига ётқизишибди, кўтариш қулай бўлиши учун жасад боғланган арқонни ечиб, қўлини кўкси узра қовуштиришибди-да, юзини бир парча қора латта билан ёпиб қўйишибди.

“Тиригиди бунчалик бўйчанга ўхшамасди”, деб кўйди Фульгор ўзича.

Педро Парамо бўшлиқдаги номаълум нуқтага тикилганча қимир этмай турар, юзидан бирор маъно уқиши маҳол эди. Қаердадир юксак-юксакда, бир-бирига боғланмаган, узуқ-юлуқ фикрлар унга мутлақо дахлсиз ҳолда бетартиб кезиб юарди.

— Мана, орани очди қилиш пайти ҳам келди, — деди у худди ўзига ўзи гапираётгандек. — Начора, қанча тез интиқом олинса, шунча енгил тортасан.

Унинг юрагини мусибат дарди ўртамасди.

У ҳовлига чиқиб, хизматкорларга миннатдорчилик билдиранкан, овози хотинларнинг йиги-сигисини босиб, ўқтам ва кескин жаранглаб чиқди. У овоздини пасайтиришга ҳам, одатдаги кескин имо-ишоралари билан юмшатишига ҳам уринмади. Кейин сукунат чўқди ва тонгти сокинликни бузиб, Мигелнинг саман аргумоги ер тепингани эшитилди.

— Эрталаб уни отиб ташлашсин, — деда фармон берди у Фульгорга. — Жониворни бекор қийнашнинг нима кераги бор?

— Ҳўп бўлади, дон Педро. Отга ҳам қийин бўлди. Жонивор гуноҳини сезиб, ўзини қаёққа қўйишини билмайди.

— Мен ҳам унинг аҳволини тушуниб турибман, Фулгор. Айтмоқчи, анови хотинларга айт, ҳадеб ув тортишаверишмасин. Ҳайронман, менинг ўғлим учун мунча оҳ-воех қилишибди. Агар ўзларининг боласи ўлтанида бунчалик тўлиб-тошиб йиглашмасди-ёв.

* * *

Падре Рентария ўша уйқусиз тунни кейинчалик узоқ йиллар мобайнида эслаб юрган бўлса ажаб эмас. У дагал тўшагида тўлганиб ётаркан, кўзи илинмай қийналди ва шартта ўрнидан туриб, ташқарига чиқиб кетди. Бу Мигель Парамо ўлган куннинг ёртаси эди.

У Комаланинг кимсасиз кўчаларида ёлгиз кезиб юарар, ахлат титаётган итлар унинг шарласини сезиб, тумтарақай қочищар эди. У дарё бўйига келиб, қўлтиққа йигилган сувнинг сокин сатҳида акс этган юлдузларнинг жимирижимирига хомуш тикилди. Дақиқалар бир-бирини қувиб ўтар, у кўз ярадек азоб берётган ўй-фикрларни дарёнинг қорамтири сувида гарқ, этиб юборолмай қийналарди.

Буларнинг ҳаммаси олдинига ҳеч вақоси йўқ Педро Парамонинг бирданига ҳокими мутлақ бўлиб кетгани туфайли юз берди. Ўша кундан эътиборан унинг имони сусайиб, виждонини гафлат босди. Энг ёмони, унинг ҳар қандай ишига мен фатво топиб бердим... “Кеча кечаси Педро Парамо билан бирга ётганим учун тавба қиласман, тақсир”. “Педро Парамодан бола ортирганим учун тавба қиласман, тақсир”. “Педро Парамога қизимни пешкаш қилганим учун тавба қиласман, тақсир”. Мен бўлсан қачондир унинг ўзи ҳузуримга келиб, тавба-тазарру қилишини кутардим. Лекин у бош эгиг келишини хаёлига ҳам келтираётгани йўқ. Мана энди у ўғлининг қиёфасида ўзининг манфур қилмишларини янада авж олдириб юборди. Бошқа бандалардан кўра унинг иқболини нега баланд қилиб яратилгани ёлгиз оллонинг

ўзигагина аён. Мен бўлсам уни ҳеч нарсадан қайтармай, ҳамиша ёвузликка даъват этдим.

Падре Медиа-Луна мулқорига янги тугилган чақалокни олиб келганини яхши эслайди.

— Дон Педро, — деган эди у. — Манави боланинг онаси кўзи ёриётганда оламдан ўтган, жон таслим қила туриб, у боланинг отаси сизлигингизни айтди. Пушти камарингизни қабул қилиб олинг.

Дон Педро марҳуманинг гаплари ҳақлигига заррача шубҳа қилмади. Факат:

— Уни ўзингиз боқиб қўя қолмайсизми, тақсир, — деди. — Диндор одам бўлиб кетса ажаб эмас.

— Бу бола қандай қондан бино бўлганини билганим учун гарданимга бундай масъулиятни олишни истамайман.

— Сиз ростдан ҳам менинг қонимни булғанган деб ҳисоблайсизми?

— Ҳа, дон Педро, шундай деб ҳисоблайман.

— Сиз хато қиласётганингизни исботлайман ҳали. Майли, болани ташлаб кетинг. Меникида унга қарайдиган одам топилади.

— Шуни билганим учун ҳам олиб келдим-да. Ҳеч бўлмаса бошида бошпанаси бўлади.

Гўдак худди илондек биланглаб, типирчилар эди.

— Дамиана! Ановинга қара! Бу менинг ўғлим.

Шундан кейин у шишанинг қопқоғини очди.

— Марҳума учун, сизнинг соғлигингиз учун ичаман.

— Бола учун-чи?

— Бола учун ҳам ичса бўлаверади.

Педро Парамо иккинчи қадаҳни ҳам тўлдирди ва улар чақалоқнинг баҳтсаодати учун ичишиди.

Бу воқеа мана бундай содир бўлган эди.

Медиа-Луна томонга қараб дастлабки аравалар йўлга чиқди. У қирғоқдаги улкан тошнинг панасиға ўтиб олган эди. “Кимдан яшириниб ўтирибсан?” — деб сўради у ўзидан.

— Яхши қолинг, тақсир! — деган овоз эшлилди.

У қаддини ростлади.

— Яхши етиб ол! Олло сафарингни бехатар қилсин!

Қишлоқдаги чироқлар бирин-кетин сўна бошлади. Дарё липиллаб турган алангашуъласидан жимирлар эди.

— Ҳа, тақсир, шу тобда эрталабки ибодатга занг урилдими? — қизиқсиниб сўради иккинчи аравакаш.

— Ибодат қолдими шу пайтда, — деди у ярим йўлдан қайтмасликка аҳд қилиб, аравакашлар келган томонга қараб юрди.

— Каллаисажарлаб кимникига кетяпсиз, тақсир?

— Ким узилаётган экан, тақсир?

— Контлида сизни майит кутиб ётган бўлса керак, а, тақсир?

У аравакашларга қараб: “Майит — менинг ўзимман! Мен майит!” деб қичқиргиси келди-ю, бироқ мийигида кулиб қўя қолди.

Қишлоқдан чиққач, у қадамини тезлатди.

Үйига етиб келганда кун ёйилиб кетган эди.

— Қаерда эдингиз амаки? — деб сўради жияни Анна. — Эрталаб хотинлар сўраб келишган эди, тавба-тазарру қилишмоқчи экан. Эртага биринчи жума-ку.

— Уларнинг истиғфорларини кечқурун қабул қиламан.

У ички ҳовлининг айвонида турган суюнчиқсиз курсига ҳоргин чўқди. Шу кўйи анчагача қимир этмай ўтириди.

— Бугун кун салқинроқ, а, Анна? Сенга шундай туюлмаяптими?

— Ҳар кунгидан ҳам иссиқ-ку, амаки?

— Менинг этим увишяпти-я.

Йўқ, тонг қоронгисида Контилидаги пирининг ҳузурига бориб, қилган гуноҳлари учун афв ажр сўраганини эсламаслик, иложи бўлса, умуман бу ҳақда ўйламаслик керак. Ҳазрат Падре Рентерианинг ўзини оқлаб айтган гапларига ҳам, ялиниб-ёлворишига ҳам қулоқ солмади ва охир-оқибат тавбасини қабул қилмади ҳам.

— Номини яшираёттан одаминг сенга ишониб топширилган оллонинг ибодатхонасини расво қилди, сен бунга изн бериб қўйдинг. Аҳволинг шу бўлса, сендан нима кутиш мумкин, отагинам? Исои руҳиллонинг куч-қудратини беҳуда сарфлаётганинги биларсан? Ҳар қандай гуноҳ қилинган яхшиликни йўққа чиқаради. Кишини гуноҳга ботирадиган ёвузликни йўқотиш учун эса оғишмайдиган қатъий иродада керак. Ҳузурингга қатнаётганилар ҳали диндан қайтмаган деб умид қиласман. Лекин сен уларнинг эътиқодларини мустаҳкамламаётганга ўхшайсан: улар худога фақат қўрқанидан кўр-кўронга сигинициятти. Сенинг зориқиб, зўрга тирикчилик қиласётганинги яхши билалман, қўлимидан келганча зимманига юқлатилган вазифани енгиллатишни рўзғорингни бутлашни истайман, бироқ бизнинг хонавайрон бўлган музофотимизда руҳонийлик қилиш нечогли мушқуллиги ўзингга аён. Шунинг учун ҳам сенга бир гапни тайинлаб айтмоқчиман; черковни арзимас хайр-эҳсон билан бизнинг имонимизни сотиб олишни кўзлаган одамларнинг ҳукмига бериб қўймаслигимиз керак. Агар сен қалбингда шундай одамларнинг илкига топширсанг, қандай қилиб ўз қавмингдан олийхимматроқ бўлишинг мумкин? Аслида қавминг ҳиммати сеникidan баландроқ. Мени маъзур тут, отагинам, сени афв этолмайман, сабаби, ўзим ҳам гуноҳлардан ҳоли әмасман. Мендан кўра тузукроқ руҳонийларга мурожаат қил, зора, тавбангни қабул қилишса.

— Епископга бориб учраш, демоқчисиз-да, ҳазратим.

— Шундай қил. Ўзинг гуноҳга ботиб туриб, қандай қилиб бирорларга фатво берасан?

— Мендан ибодатхонани олиб қўйишишса-чи?

— Агар шундай қилишса, тўғри бўларди-я. Лекин буни ҳал қилиш бизнинг ихтиёrimизда эмас.

— Ҳар ҳолда сиз ўртага тушсангиз... Вақтинча бўлса ҳам... Ахир, одамларнинг тавба-тазаррусини қабул қилишим... Жони узилаётганиларга илоҳий май ҳўплитишим, унга бўқтирилган нондан едиришим керак-ку. Биз томонларда озмунча одам ўляптими, ҳазратим...

— Марҳумларни оллонинг ҳукмига топшириб қўявер, отагинам.

— Бундан чиқди менинг гуноҳимни афв этмас экансиз-да.

Контли ибодатхонасининг руҳонийси унинг бу талабини бажо келтиролмаслигини айтди.

Кейин икковлон черков ҳовлисидаги даражатлар қуюқ соя ташлаган айвонларда сайр этиб юришди. Мезбон ўз меҳмонини ток навдалари ўраб олган шийпонга таклиф қилди. Уларнинг тепасида осилиб турган узумлар ранг ола бошлаган эди.

— Нордон, отагинам, — деди мезбон Падре Рентерианинг нимани сўрамоқчилигини сезиб. — Худога шукр, бу ерларда ҳамма нарса яхши битади-ю, фақат нордон бўлади. Оллонинг амри вожиби шундай бўлса керак.

— Тўппа-тўгри, ҳазратим. Мен бизнинг Комалада узум ўстиришга уриниб кўрдим. Ҳаракатим зое кетди. Сира амал олмади. Мирта, апельсинлар бехато кўкаради-ю, лекин мевасини оғизга олиб бўлмайди. Меваларнинг таъми қанақа бўлиши эсимдан ҳам чиқиб кетди. Диний мактабнинг богида қанақа ажойиб гуайябалар бўларди, а? Шафтолилар-чи? Мандаринларни айтмайсизми? Салгина эзсанг, пўсти ўзи арчилиб кетарди. Бу ёққа қайтганимда данагидан олиб келдим: унча кўп эмас, бир халтагина. Кейин уларни йигиб келганимга ачиндим, ўзининг жойида бўлганида бу данаклардан қанча дарахт кўкаради, бу ёққа опкелиб ҳаммасини нобуд қилдим.

— Лекин Комаланинг тупроғи жуда унумдор дейишади, отагинам. Факат бу ерларнинг ҳаммаси бир одамга қараши чатоқ. Ҳали ҳам у жойларнинг эгаси Педро Парамоми?

— Оллонинг иродаси шундай экан.

— Менингча, бу оллонинг иродаси эмас. Ё сен бошқача фикрдамисан, отагинам?

— Баъзан мен ҳам ҳар хил хаёлларга бораман. Лекин комалаликлар унга гап-сўзсиз итоат этишади.

— Сен ҳамми?

— Мен бор-йўғи худо зуваласини меникidan каттароқ узган одамга бўйсунувчи камбагал бир кимсаман.

Улар хайр-хўш қилишли. Падре Рентерия энгациб пирининг қўлини ўпди.

Ҳа, шундай бўлди. Бироқ энди ўз уйида одатдаги юмушларга машгул бўларкан, Контлидаги эрталабки учрашувни эслагиси келмасди.

У ўрнидан қўзгалиб, ташқарига йўл олди.

— Қаёққа кетяпсиз, амаки?

Анна. Жигаргўшаси. У амакисидан сира ажралмас, ҳамиша ёнида ҳозири нозир, гўё бу одам уни ҳаётдан муҳофаза этадигандек бoggаниб қолган эди.

— Бирпас айлануб келай, Анна. Зора енгил тортсам.

— Мазангиз қочяптими?

— Мазангиз қочяптими дейсанми? Йўқ, Анна, мен яхши иш қилмаёттагимни, мазаси йўқ одам эканимни сезяпман.

У Медиа-Лунага келиб, Педро Парамога ҳамдардлик билдириди. Яна унинг ҳар хил миш-мишларни рад этиб, ўғлини оқлаб айтган гапларини жим ўтириб, тинглашга мажбур бўлди. Падре Рентерия унинг оғзига уриб, гапини бўлмади. Майли, юрагини бўшатиб ола қолсин. Педро Парамо тушликка таклиф қилган эди, Падре Рентерия унамади.

— Афсуски, иложим йўқ, дон Педро, шошиб турибман. Черковда тавбатазарру қилтани келтганлар кутуб қолишиди. Вақти-соати бўлиб қолар.

У яна пиёда йўлга тушди. Комалага этиб келганида күёш уфққа ога бошлаган эди. Кипригигача чангга беланиб, ҳам жисман, ҳам руҳан ҳориган бўлишига қарамай тўппа-тўғри черковга кириб борди. Истиғфор қилинадиган хонага ўтиб, ўз жойини эгаллар экан, одатдаги вазифасини бажаришга киришди.

Биринчи бўлиб панжарага Доротеа кампир яқинлашди; у қачондан бери черковнинг эшиги очилишини пойлаб ўтиради.

Бугун художўй бу кампирдан гулиллаб май иси келар эди.

— Сен қачондан бери ичадиган бўлиб қолдинг?

Мигельнинг маъракасига бордим, тақсир. Сал кўпроқ олиб қўйибман. Бир марта қуйиб беришиди, икки марта, жинни бўлгунимча ичиришибди.

— Илгари жинни эмасмидинг, Доротеа?

— Бегуноҳ эдим, тақсир. Энди айбларимга иқрор бўлгани келдим. Қулоғимгача гуноҳга ботиб кетдим.

Унга неча марта: “Ҳадеб бу ерга келиб, бекорга вақтимни олма, Доротеа. Сен минг уринганинг билан барибир бирон гуноҳ қилишинг қийин. Гуноҳ қилишни бошқаларга чиқарган”, деган.

— Бугун ростини айтяпман, тақсир. Гуноҳим ҳам ростакам.

— Гапир бўлмаса.

— Ҳамма гапни очиқ айтаверишим мумкин, энди ҳеч кимга зарарим тегмайди. Мен марҳум Мигель Парамога қиз топиб берар эдим.

Эндинина ўз хаёлларига гарқ бўлган Падре Рентерия худди уйқудан бехос уйғотиб юборилгандек чўчиб кетди.

— Қачондан бери шундай қиласинг? — савол ўз-ўзидан истиғфор пайтидагидек тус олди.

— У балогатга этиб, кўзи қонга тўлган кундан бошлаб.

— Гапларингни яна бир қайтар-чи, Доротеа.

— Мен Мигельга қиз топиб бериб турганман. Қўщимачилик қилганман.

— Қизларни унинг олдига бошлаб келармидинг?

— Баъзан бошлаб келардим. Баъзан гаплашиб кўндириб қўярдим. Ё бўлмаса, у бемалол муродига этиши учун бирон қизнинг гафлат босиб, ёлғиз қолган пайтини топиб, хабар берардим.

— Неча марта шундай қилгансан?

У бу гапни сўрамоқчи эмасди-ю, бироқ савол ихтиёrsиз бир тарзда оғзидан чиқиб кетди.

— Кўп, тақсир, жуда кўп марта. Ҳисобдан ҳам адашиб кетганман.

— Сенга нима дейишга ҳам ҳайронман, Доротеа. Қандай жазога лойиқ-лигини ўзинг айта қол. Ўзингни кечира оласанми, йўқми — виждонингга ҳавола.

— Бу иш қўлимдан келмайди, тақсир. Фақат сиз, ёлгиз сизгина афв этишингиз мумкин. Шунга умид қилиб ҳузурингизга келдим.

— Неча марта олдимга келиб, жон таслим қилаёттанингда руҳингни арши аълога йўллашимни ўtingган эдинг. Жаннатул маъвода ўғлинг билан дийдор

кўришишни орзу қиласардинг. Тўгрими, Доротеа? Билиб қўй, бугундан эътиборан сен учун имони бутун одамларнинг масканига йўл йўқ. Яратган эгамнинг ўзи гуноҳларинги афв этсин...

— Миннатдорман, тақсир.

— Оллонинг номини ўртага қўйиб афв этаман. Бор, кетавер.

— Менга черков таъсис этган бирон жазо буюрмайсизми?

— Бу нарса жонингга ора кирмайди, Доротеа.

— Миннатдорман, тақсир.

— Борақол, худо ёрлақасин сени.

У буқланган бармоги билан дарчани тақиллатиб, навбатдаги аёлни хузурига чорлади. Қулогига шивирлаган овоз чалинди: “Гирт гуноҳкорман”. Унинг боши борган сари қуий солиниб, кўксига тушар, уни озод кўтаришга мажоли етмасди. Бирданига кўз олди қоронгилашиб, худди тубсиз сувга гарқ бўлган-дек туюлди: шамлар жойидан қўзгалиб чириллаб айланана бошлади, қуёшнинг нури минг бўлакка парчаланиб, сочилиб кетганга ўхшарди. У тилининг учида қоннинг таъмини сезди. Қулогининг остида: “Гирт гуноҳкорман”, деган бақириқ эшлилар ҳамда қайсиdir оятнинг яқунловчи сўзлари гулдурос солиб жаранглар эди: “Абадул абад, омин”, “Абадул абад, омин”, “Абадул абад...”

— Бас қил! — дея олди у зўрга. — Тавба қилмаганингга кўп бўлдими?
— Икки кун бўлди, тақсир.

Нажот йўқ эди. Бу умидсизлик ва дард-алам ҷоҳидан қутилиб кетишга нажот йўқ. “Нима қилиб ўтирибсан бу ерда? — деб ўйлади у. — Сен дам олишинг керак. Бориб ёт. Чарчагансан”.

У ўрнидан турди-да, истиғфорхонадан чиқиб, черков анжомлари сақла-надиган ҳужра томон юрди.

— Ўзини гуноҳдан фориг деб ҳисоблаганлар эртага тўппа-тўғри муқад-дас май ҳўплаш маросимиға келавериши мумкин, — деди у тўдалашиб тур-ганларга қайрилиб қарамасданоқ.

Унинг орқасидан ҳайратга тушган одамларнинг шивир-шивири эшлилди.

Давоми бор

Хуан Рульфо

Педро Паромо

Кисса

* * *

Мен бундан талай йиллар илгари онамнинг жони узилган каравотда ётибман. Тагимдаги тўшак ҳам, бизга ёпинчиқ бўлган жун кўрна ҳам ўша-ўша. Мен ҳамиша энг фарогатли жойни топиб, онамнинг нақ пинжига кириб ётардим.

Онамнинг бир текис нафас олиши, юрагининг гурсиллаб уриши ҳамда орасира хўрсиниб қўйишлари ҳали ҳам эшитилиб тургандек ва мени ҳузур-ҳаловатга фарқ этиб аллалаётгандек туюлади...

Назаримда ҳали ҳам онамнинг ўлимини ўйлаб, қаттиқ изтироб чекаётган-декман.

Лекин бу гапларнинг ҳаммаси ёлғон.

Мен юзтубан тушиб ётганимча бу дунёда яккаю-ёлғизлигимни унудиши учун ўша ёруғ кунларимни эслаямман. Бирпастгина дам олиш учун чўзилганим ҳам йўқ. Онамнинг каравотида эмас, ўлик солинадиган узун қора сандикда ётибман. Сабаби мен ўлганман.

Қаерда ётганимни билиб турибман, энди ўтган кунларимни эсга олишдан ўзга чорам йўқ...

Богимиздаги лимонлар фарқ пишган кунлар ёдимга тушади. Февраль шамоли ҳали иссиқдан қовжираб улгурмаган қирқулоқ баргларини тортқилаб ўнаганлари кўз олдимга келади. Ҳовлимизни лимоннинг димоқни қитиқловчи ҳуцбўй иси тутиб кетарди.

Йилнинг бу фаслида эрталаблари тоғ томондан муздек шамол эсарди. Бироқ булутлар водий узра куйилиш учун кунларнинг исишини кутиб юксакда, чўққилар устида муаллақ турар эди; осмон кўзни қамаштирадиган даражада тиник, шамол ҳаммаёқни алғов-далғов қиласарди: йўлларнинг чангини тўзитар, апельсинларнинг йилтираган баргларини юлқилар, гирдоб кўтариб, ув торгарди.

Фақат чумчукларнинг чирқиллаши сира тинмас, улар шамол узиб кетган япроқларни чўқилаб, хуш-хандон кулишаётганга ўхшарди. Чивин қувиб, тумшугини буталарнинг тиканига артаркан, яна шодончуввос солишарди. Ҳозир йилнинг айни шунақа палласи эди.

Февраль ойининг тонгларида ҳаво мусаффо, кунлар зангори нурга йўтгрilan, ҳаммаёқни чумчукларнинг чугур-чуғури тутиб кетади.

Мана шундай эсдан чиқмайдиган кунларнинг бирида онам оламдан ўтди.

Таомилга биноан мен сочимни юлиб, аюҳаннос солишим, аламзадаликдан қўлларимни эзишим керак эди. Сен шундай қилишимни истардинг. Бироқ ёришиб келаётган тонг қалбимни қувончларга фарқ этган бўлса, нима қиласай? Очиқ эшиқдан чирмовиқнинг шохларини айқаш-үйқаш қилганча шамол ёпирилиб кирди. Сону билакларимни, човимни майнин тук босиб, эндигина бўрта бошла-

(Давоми. Боши ўтган сонда.)

ЖАҲОН АДАБИЁТИ

24

ган кўқракларимга қўлим тегиб кетса, этим жимиirlайдиган пайтим. Чумчуклар ҳеч нарсанинг фамини емай, ўйнаб юришар, қирларнинг ёнбагридаги экинзорлар шамолда оҳиста чайқалар эди. Онамнинг кўзлари абадул-абад юмилганини, у энди ҳеч қачон шамолнинг ясмин шохларида аримчоқ солиб учисини, куннинг ёругини кўролмаслигини ўйлаб эзилиб кетдим. Йиглашим керак. Лекин нима кераги бор?

Эсингдами, Хустина, сен онам билан рози-ризолик тилашгани келган хотинлар навбат кутиб, тик оёқда туриб қолмаслиги учун айвонга девор ёқалатиб курси қўйиб чиқкан эдинг. Бироқ куни бўйи бу курсиларда ўтирадиган одам топилмади. Онам лип-лип ёнган шамлар қуршовида ёлғиз ўзи ётарди: ранги докадек оппоқ, кўкариб, тош қотган лаблар орасидан кўзга чалинган тишлар ҳам оқариб кўринади. Киприклар абадул-абад жуфтлашган, юрак ҳам абадул-абад уришдан тўхтаган. Кутсиз ўлим ҳокими мутлоқ. Иккаламиз тобутнинг бош томонида туриб, ҳеч адo бўлмайдиган дуолар ўқирдик, бироқ бу оятларни на онам, на ўзимиз тинглардик; қоронги кечада ваҳимали ув тортган шамол бизнинг овозимизни босиб кетарди.

Сен онамнинг қора кўйлагини дазмоллаб, ёқаси билан енгларини оҳорладинг. Унинг бир пайтлари менга овқат едирган, аллалаб ухлатган, меҳри товланиб эркалаттан қўллари кўкси узра жонсиз қовушиб туриши жуда ғалати туюлар эди.

Онам билан рози-ризолик тилашгани ҳеч ким келмади. Аслида келмай кўя қолишгани ҳам яхши. Ўлим бирор билан баҳам кўриладиган неъмат эмас. Мусибат дориган уйга бирор қадам босиши маҳол.

Эшик тақиlldади.

— Қара-чи, — дедим сенинг эшик томон юрганингни кўриб. — Ким келганини билиб турибман. Бир амаллаб жўнатиб юбор. Нима? Жаноза ўқишиганига ҳақ сўраб келишибдими? Марҳуманинг бир тийини ҳам йўқ экан, дегин. Жаноза маросимини бекаму кўст адo этиб, марҳуман: гуноҳлардан фориғ этишмагунча бу ердан жилишмас эмишми? Ўлганларнинг устидан ҳукм чиқарадиган қандай одамлар экан булар, Хустина? Нима, жинни бўпсан, дейсанми? Бу айни муддао-ку.

Девор ёқалатиб қўйилган курсиларда ўтирадиган бирон кимса топилмади. Кеин ҳеч нарсага пинак бузмайдиган ёлланма кишилар келишибди-да, тобутни қабристонга олиб жўнашди, улар қаро терга тушиб қадам ташлашаркан, ўзлари кўтариб кетаётган одамнинг кимлиги билан мутлақо қизиқишмасди. Улар касбкори тақозо этган ўйсида тобутни қабрга оҳиста туширишибди-да, устига нам қум ташлашди. Муздек шамол уларнинг бўртган юзини сийпалар, бу одамлар бўлиб ўтаётган ишларга бефарқ, лоқайд боқишишарди. Шундан кейингина улар: “Хизмат ҳакимиз...” — дейишиди. Сен худди бозорда харид қилинган нарсага ҳақ тўлагандек айтган пулларини бердинг. Дағн маросимига аталган пулни сен кўз ёшидан жиққа хўл бўлиб, қайта-қайта сикиб ташлангаш дастрўмолга тугиб олган эдинг. Мана шу рўмолнага тугилган пулларни гўрковларга тутқаздинг...

Гўрковлар кетгач, сен қабрининг бош томонига тиз чўқдинг-да, марҳуманинг юзини босиб турган намхуш тупроқни ўйдинг. Агар бирпас ўз майлингига қўйиб берганимда қўлларинг билан гўрни ковлаб очишдан ҳам тоймасдинг. “Юр, кетайлик, Хустина. Бу ерда онамизнинг фақат куруқ танаси ётибди, жони алла-қачон узоққа учиб кетган”, дедим.

* * *

— Сен гапиряпсанми, Доротеа?

— Менми? Йўқ, Кўзим илинибди. Сенга ҳали ҳам ҳар хил овозлар тинчлик бермаяпти, шекилли, а?

— Бирор гапиргандек бўлди. Қандайдир бир хотин ўзи тўғрисида сўзлаб берди. Бу сен бўлсангт керак, деб ўйловдим.

— Хотин кишиими? Демак, бу ўзи билан ўзи гаплашадиган хотин. У бизнинг ёнимиздаги сағанага қўйилган. Оти доња Сусанита. Зах уриб безовта қиляпти шекилли, уйқуси нотинч бўляпти.

— Ким ўзи у?

— Педро Парамонинг кичик хотини. Бироқ эси пастроқ деса, бирор соппасоф эди, дейди. Лекин, ростини айтиш керак, у ўлмасидан олдин ҳам ўзи билан ўзи гаплашарди.

— Ўлганига анча бўлгандир?

— Ҳа, кўп бўлди. Нималар деди?

— Онаси тўғрисида алланималарни айтди.

— Унинг онаси бўлмаган...

— У ҳам шунақа деди.

— ... Ким билади, дейсан, балки бу ёқса онасини бирга олиб келмагандир. Бўлди, эсимга тушди, у шу ерда туғилган, лекин сал кунда қаёқладир кўчиди кетишиди. Ҳа, шунақа. Онаси сил бўлиб ўлган. Ўзи ҳам антиқа хотин эди, қачон қарасанг касал, умрида бирорнинг эшигидан бош суқмаган.

— Бу хотин ҳам онам ўлганда рози-ризолик сўрагани ҳеч ким келмаган, деяпти.

— Қайси даврини эслаяпти ўзи? Уларникига касал илашишидан кўркиб, ҳеч ким қадам босмасди. Шуни айтаётгандир-да, у бечора.

— Шунақа шекилли.

— Яна унинг овози эшитилса, менга ҳам айт. Эшитиб кўрайлик-чи, тагин нималарни гапирав экан.

— Ана, яна нимадир деди шекилли. Шивирлаганини эшитгандек бўлдим.

— Йўқ, бу унинг овози эмас, ҳов нарёқдан эшитиляпти. Эркак кишининг овози. Бир вақтлари кўмилгандар зах таъсир қилиши билан у ёқдан-бу ёқса фимирлаб, уйғониб кетиши ёмон.

“Оллонинг даргоҳи кенг, марҳамати ҳадсиз. Ўша куни кечаси мени худойим ўз паноҳида асрари. Акс ҳолда, ким билади, нималар бўларди. Кўзимни очганимда қош қорайиб қолган экан...”

— Эшиятсанми? Овоз жуда ҳам тиниқ эшитиляпти.

— Ҳа.

“...Қонимга фарқ бўлиб ётган эканман. Тошга тирагиб, қадимни ростладим, қўлларим қонга ботиб турарди. Бармоқларим пилч-пилч қиласди. Бу ҳаммаси менинг қоним. Рона бир хум қон оққанга ўхшайди. Шу ахволда ҳам тирик қолибман-а. Балки дон Педро мени ўлдирмоқчи эмас, шунчаки кўрқитиб кўймоқчи бўлгандир. Аслида нияти икки ой бурун авлиё Христофорнинг туғилган куни Вильмайлодаги тўйга борган-бормаганимни билиш экан. “Ҳеч қанақа тўйдан хабарим йўқ. Авлиё Христофорингизни ҳам билмайман”. Қонимга беланиб ётибман-ку, ҳадеб биргина гапни такрорлайман: “Қанақа тўй, дон Педро? Борганим йўқ! Ҳеч қаёқса борганим йўқ! Бор-йўғи бирров кириб ўтдим, холос. Тасодифан бориб қолдим...” Унинг мақсади мени ўлдиришмиди! Йўғ-э. Нега ўлдирисин. Фақат ўшандан кейин ўнгланмадим, яширишнинг нима кераги бор, кўриб турганингиздек қўлларим шол бўлиб қолди. Фақат уриб ўлдиргани йўқ. Мени ҳар хил инс-жинсларга йўлиқиб, шу ахволга тушган ҳам дейишади. Ростини айтсан, ўша қоронги кечадан бўён ҳеч нарсадан тап тортмайдиган довюрак бўлиб кетдим. Оллонинг карами кенг. Бунга шак келтириб бўлмайди”.

— Ким бу гапираётган?

— Ким билади дейсан. Гапирадигандан кўпи борми? Отасини ўлдиришгандан кейин Педро Парамо кўп одамнинг ёстигини қурилди. Ўша куни кимки тўйга борган бўлса, биттасини ҳам соғ қўймади, дейишади. Лукас Парамо бу тўйга вакил ота сифатида таклиф қилинган эди. Аслида куёв болани отишмоқчи экан, фалокат босиб ўқ Лукаста келиб тегибди. Ким отганини ҳеч ким билолмади. Педро Парамо уларнинг ҳаммасидан бирварақайига ўч олди. Вильмайо тоғи ёнбағирларида илгари қанақа қишлоқлар бўларди, энди уларнинг ном-нишони ҳам қолмади... Эшиятсанми, яна кимдир гапиряпти. Бояги сен айттан хотин шекилди. Ёшсан-ку, яхшилаб қулоқ сол, кейин менга айтиб берасан.

— Ҳеч нарсани англаб бўлмаяпти. Менингча у гапираётгани йўқ, фақат инграяпти.

— Нега инграяпти экан-а?

— Ким билади.
— Бир сабаби бордир-да. Бекордан-бекорга ким ҳам оҳ урарди. Сен яхшилаб қулоқ сол.

— Эҳтимол, гапларини бирор эшитиб қолмаслиги учун атай инграётгандир. Балки Педро Парамога аламзадаликдан шундай қилаётгандир.

— Нималар деяпсан. Дон Педро уни астойдил яхши кўрарди. Очигини айтганда, у биронта хотинга бунчалик кўнгил кўймаган. Бу хотин уникига келгунча кўп ташвиш тортган, ҳатто ақду хушидан ҳам айрилган. Унга шунчалик кўнгил кўйган эканки, ўла-ўлгунча дарвоза тагидаги чивиқдан тўқилган курсисида хотинини қабристонга олиб кетишган йўлга термилиб ўтирди. Ҳамма нарсадан кўнгли совиди. Ер-суви қаровсиз қолди. Уйидаги бор буд-шудини опчиқиб ёқди. Бирор яшаш жонига теккан, деса, бошқа бирор ҳаётда кўп азият чекди, дейди. Шундайми, ўқми, ишқилиб, хизматкорларнинг ҳаммасини ҳайдаб юборди-да, қабристонга элтувчи йўлдан кўз узмай ўтираверди.

Шу кундан эътиборан Медиа-Лунанинг срларидан барака кўтарилиб, ҳаммәёқ ташландик ҳолга келди. Дала-туз ўт-ўлан босиб, чангальзор бўлиб кетди. Қараб туриб, юрагинг туз сепгандек ачишади. Одамлар ҳам бирин-кетин кўчиб кета бошлаши, ҳар ким боши оқдан томонга йўл олди; балиқ сувнинг чукуруни, одам ўзининг ҳузурини кўзлайди, деган гап бор-ку. Ҳаш-паш дегунча ҳаммәёқ ҳувиллаб қолди. Бориб-бориб Комалада фақат: “Хўп, хайр!”, “Яхши қолинг!” деган гапгина эшитиладиган бўлди. Олдинига одамларнинг кетишаётганидан кувондик. Бутунлай бош олиб кетишашётгани ўқ-ку, ҳали қайтиб келишади-ку, деб ўйладик. Баъзи бирорлар лаш-лушини, баъзилар бола-чақасини ташлаб кетарди. Кейинроқ бола-чақасини олиб кетганни бирорларни юборишаради-ю, бироқ лаш-лушини суриштириш ҳеч кимнинг хаёлига ҳам келмасди. Бора-бора униб-ўслан жойларини ҳам, бу ерда қолиб кетган қадрдонларини ҳам, не ҳасратда тоғлан қақир-қуқурларини ҳам эсдан чиқариб юборишиди. Менинг борар жойим йўқлиги учун шу ерда қолиб кетдим. Мендан бошқалар Педро Парамонинг ўлимини кутарди. У ўз бойлигини одамларга бўлиб беришни васият қилганмиш, деган овозалар юрарди. Бу гапга ишонгандар бирон нарсалик бўлиб қолиш илинжида ҳеч қаёққа жилолмасди. Одамлар куннинг ҳисобидан адашиб кетишиди, ҳатто ою йиллар бир-бирини қувиб ўтар, фақат Педро Парамо бояги-боягидек бирон мўйи ҳам тўкилмай, соғ-омон ўтирас, ўлимни хаёлига ҳам келтирмас эди.

Унинг ўлимидан сал олдин крестерослар¹ favfo кўтаргач, хукумат қўшини келиб, қолган-кутган одамларни қатли ом қилди. Ўша пайтда мен очликдан силлам куриб йиқилдим.

Буларнинг ҳаммасига дон Педронинг мияси айниб, вижданни азоб берадигани сабаб эди. Суюмли хотини, ҳалиги мен сенга айтган Сусанита ўлганидан кейин бирданнига эси кирди-чиқди бўлиб қолди. Мана энди унинг хотинини яхши кўрган-кўрмаганига ўзинг инсофан баҳо бер.

* * *

Улар келишгани ҳақида хўжайнинг Фульгор Седано хабар берди.

- Ким келганини биласизми, дон Педро?
- Ким келибди?
- Бартоломе Сан—Хуан.
- Унга нима керак экан?
- Мен ҳам шунисини билолмай доғдаман.
- Сўраб билмадингми?
- Сўраганим йўқ. Мени ҳайрон қолдирган жойи шундаки, у қаердан қўналға топсан экан, деб бош қотирмай худди олдиндан келишиб қўйгандек тўппа-

¹ Ижтимоий ўзгаришлар бўлишини талаб қилиб кўтаришган Крестерослар қўзғолони (1927 й.) шафқатсизларгача бостирилиб, аҳоли ўртасида кўз қўриб, қулоқ эшитмаган қирғинбарот ўтказилган.

тўгри илгари сиз яшаган уй олдида аравадан юкларини тушираверди; нима қилаётганини яхши биладиган одамдек хотиржам.

— Сен нима қилиб турувдинг, Фульгор. Кўзинг қаёқда эди? Унинг нега келганини, мақсади нималитини нега суриштириб билмадинг?

— Айтяпман-ку, унинг юкларини бемалол тушираётганини кўриб, довдираб қолдим. Суриштириб билишим керак бўлса, эртагаёқ ҳаммасини аниқлайман.

— Эртага ўзим ҳам суриштираман. Икки киши келишибдими?

— Ҳа, эр-хотин. Сиз қаердан билдингиз?

— Хотини эмас, балки қизидир?

— Муомаласига қараганда хотинига ўхшайди.

— Бор, каллангни пишириб кел, Фульгор.

— Хўп бўлади.

“Сенинг қайтиб келишингни ўттиз йил кутдим, Сусанна. Муродим ҳосил бўладиган сонияни зориқиб кутдим. Менга бундан бошқа ҳеч нарса керак эмас эди. Мен одам боласи орзу қилиши ва етишишини истапи мумкин бўлган нарсадан ортиқ бирон нимани тиламаган эдим. Ўргамизда сенинг ҳоҳиш-ироданг-у, менинг муродимдан бўлак ҳеч нарса бўлмайдиган кунларга етишини орзу қилдим, Сусанна. Сенинг васлингга етишдан бошқа орзуйим йўқ.

Нече марта отантдан бу ерга қайтиб келиб яшанглар, деб ўтиндим. Унинг кўмагига муҳтоҷлигимни айтиб, ишонтиromoқчи бўлдим. Унга иш бошқарувчилик лавозимини таклиф ҳам қилдим. Ҳатто алдаб-сулдаб қайтариб келмоқчи ҳам бўлдим. Сен билан яна бирга бўлиш учун қўлимдан келган ҳамма нарсани қилишга тайёр эдим. Бироқ уринишларим зое кетаверди. Юборган одамим ҳар сафар: “Жавобини кутманг, Дон Бартоломе бу гал ҳам хатингизни олди-ю, ўқимасданок йиртиб ташлади”, дер эди.

Орадан бирмунча вақт ўтгач, ўша хабарчимдан турмушга чиққанингни, бироқ кўп ўтмай бева қолиб, яна отангниги қайтиб келганингни эшилдим.

У яна шаҳарма-шаҳар, қишлоқма-қишлоқ кезиб, сизларни дараклашга тушди, бироқ ҳар гал менинг юрагимни ўртовчи биттагина гап топиб келарди: “Уларни илгари турган жойидан тополмадим, дон Педро. Маскотидан кўчиб кетишган, дейиши. Бирор ўёқка кетган деса, бирор бу ёққа дейди”.

“Қидириб топ, — деб тайнинлардим унга. — Уларни ернинг тагидан бўлса ҳам топиб келасан. Харажатнинг ташвишини қилма”.

Ниҳоят бир куни у сенинг дарагингни топиб келди:

“Бутун тоғ-тошни изғиб чиқдим, бошимни сукмаган ковак қолмади, десам ҳам бўлади. Охири топдим. Ҳеч кишининг эс-ҳаёлига келмаган жойга бориб олишган экан. Эски Андрамеда кони бор эди-ку, ўша ердан топсам-а. Икки тоғнинг ўртасидаги дарада кичкинагина ёғоч кулба бор. Бартоломе Сан-Хуанингиз шу ерда истиқомат қиласётган экан.

Худди ўша кунларда ҳар хил ваҳимали овозалар тарқалди. Қаердадир шу атрофда аллақандай кўзғолончиларнинг куролланган тўдалари изғиб юргани ҳақидаги гаилар одамларнинг оғзидан тушмасди. Бунаقا гаплар бизнинг ҳам кулогимизга чалиниб қоларди. Отангни ташвишга солиб, бу ерга кўчиб келишга мажбур қилган нарса мана шу исёнчилар тўдаси ҳақидаги овозалар. Менга йўллаган хатида у ўзидан эмас, сендан хавотирдалигини, бу потинч кунларда ўрмоннинг овлоқ бир бурчагидан кўра одамлар орасида яшashi яхшилитини ўйлаб, Комалага кўчиб келмоқчилигини ёзган эди.

Мен қувонганимдан ўзимни аршга чиқиб кетгандек сездим. Шу заҳоти отга миниб, истиқболингта учиб боришга тайёр эдим. Сен хурсанд бўлишинг, ўзингни баҳтиёр ҳис этишинг учун нимаики истасанг бажо келтиришга рози эдим. Шоддикдан кўзларимга дувиллаб ёш қўйишли. Ниҳоят, сен қайтиб келаётганингни эшитиб, қувончимдан йифлаб ҳам олдим, Сусанна”.

* * *

— Баъзи қишлоқларнинг кўринишиданоқ кулфат ёғилиб туради. Улардан уфуриб турган рутубат исидан, ҳар қадамда кўзга ташланадиган чорасизликни,

йўқчиликни ва вайронагарчилликни кўриб, юрагинг увишади. Биз сен билан шундай қишлоқлардан бирига кириб келяпмиз, Сусанна.

Илгари яшаган жойимизда сен ҳеч бўлмаса оҳиста сузид юрган булутларни, қанот қоқкан қушларни, кўм-кўк пўпанакларни, хуллас, ён-верингда жўш ураётган ҳаётни томоша қилишинг мумкин эди. Ўшалар эсингдадир? Бу ерда эса бадбўй ҳид анқиб турган совуқ рутубатдан бўлак ҳеч нарса йўқ. Бу қишлоқ шундай бедаво кулфатга маҳкум этилган. Бу ердаги ҳамма нарсадан мусибат ёғилиб туради.

У бизни шу қишлоқда кўчириб келди-да, илгари ўзи яшаган уйга жойлаштириди. Рўзгор учун зарур ҳамма нарсани муҳайё қилиб қўйди. Бироқ ундан тариқча миннатдор бўлганимиз йўқ. Бу харобазорда кун кечириш — турган-битгани азоб-укубат. Кўнглим сезиб турибди, бирон кор-ҳол юз берса, жон сақлашимиз амримаҳол.

Буларнинг эвазига Педро Парамо мендан нима талаб қилганини биласанми? У бирорга бекорга яхшилик қиласидиган анойи эмас. Қўлимдан келганча ишлаб, узилишиб кетармиз, деб ўйлаган эдим, эртами-кечми ҳисоб-китоб қилишимиз турган гап. Унга Андромеда кони ҳақида гапириб бердим, қаловини топиб, ундан фойдаланиш мумкинлигини, сарф-харажатлар бемалол қопланishiни айтдим. У менга нима деганини биласанми? “Менга кон-понингизни қизиги йўқ, Бартолом Сан-Хуан. Умрингизда қилган энг ажойиб ишингиз — қизингиз. Менга ишлаб бермай қўя қолинг, қизингизни берсангиз бўлгани”.

Гап сенга бориб тақалди, Сусанна; унинг муддаоси сени қўлга киритиш. Эсимизни таниганимиздан бери бир-биримизни биламиз, бирга ўйнаб катта бўлганимиз, ҳатто дарёда бирга чўмилардик, дейди. Бу нарсадан менинг хабарим йўқ экан. Билганимда ўша пайтда сени камар билан ўласи қилиб савалардим.

- Шундай бўлиши турган гап эди.
- Нима? Нима дединг?
- Шундай бўлиши турган гап эди, деяпман.
- Шунақами? Демак, сен у билан бир тўшакка ётишга ҳам розисан?
- Розиман, Бартоломэ.
- Унинг уйланганидан, бир талай ўйнаши ҳам борлигидан хабаринг йўқми?
- Хабарим бор, Бартоломэ.
- Мени Бартоломэ дема. Мен сенга отаман.

Унинг қулоқлари остида: “Бартоломэ Сан-Хуанми? Бу ҳалиги “Андромеда” конида ҳалок бўлган киши-да, а? Сусанна Сан-Хуанми? Ўлиб кетган кончинг қизи-да”, деган овозлар эшитилгандек туюлди. У тоқقا қайтиб бориши зарурлигини ва ўша ерда куни битажагини англади.

— Сен бева қолган бўлсанг ҳам ҳалигача бу жудоликка кўниколмаганингни, ўзингни худди боши боғлиқ аёлдек тутишингни унга айтдим, — дея яна гап бошлади Бартоломэ Сан-Хуан бир оз жимлиқдан кейин. — Мен уни фикридан қайтаришга уриндим. Бироқ у гапларимни эштишиб, разабдан тутақиб кетар, сенинг номингни тилга олишиб билан кўзларини юмиб оларди. Шундагина унинг ҳеч нарсадан тап тортмайдиган одам эканини тушундим. Педро Парамо ёвузликнинг тимсоли экан.

- Мен-чи? Мен ниманинг тимсолиман?
- Сен менинг қизимсан, холос. Тушундингми, менинг қизим. Бартоломэ Сан-Хуаннинг қизисан.

Сусанна Сан-Хуаннинг мияси фоят сусткашлиқ билан ишлай бошлади, бора-бора ҳатто ҳеч нарсани идрок этмай қўйди, бироқ тўсатдан тугилган пайдар-пай фикрлар бир-бирига қоришиб, айқаш-уйқаш бўлиб кетди.

- Йўқ, ёлғон, ёлғон! — дея олди холос.
- Биз ов пайтида изига тушиб, нишонга олинган жониворларга ўхшаймиз. Бу оламнинг таомили шу, — деди Бартоломэ Сан-Хуан. — Ҳаёт бизни чилпарчин этиб ташламоқчи бўлиб, оёқларимиз остидаги тупроқни қонимиз билан сугоради, фоний ҳаётимизда кутилмаган ҳодисалар юз беради. Нега бизлар тўғри йўлдан тойиб кетдик? Нега имонимиз заифлик қилиб, қалбимизни шайтони лайннинг илкига топшириб кўйдик? Онанг раҳматли нима бўлса ҳам яраттан

эгамнинг марҳаматидан умид қилишимиз керак, дер эди. Афсуски, сен олонинг карамига ишонмайсан. Нега мени ота демайсан? Эсингни еб қўймаганмисан, мабодо?

- Аллақачон еб қўйғанман. Шуни ҳам билмасмидинг?
- Ҳа, ростдан ҳам телба бўлиб қолибсан.
- Фирт телбанинг ўзиман, Бартоломэ. Шуни ҳам билмасмидинг?

* * *

— Бу жувон шу пайтгача ер юзида яшаган сулувларнинг сулуви эканини биласанми, Фульгор? Мен ундан бутундай айрилиб қолдим деб ўйлаган эдим. Уни яна қўлдан чиқариб юборилни истамайман. Нима демоқчилигимни тушундингми, Фульгор? Унинг отасига айт, конга қайтиб борсин. У ерда... ким-сасиз чанглазорлар орасида уни бир ёқли қилиш осон. Нима дединг?

- Эҳтимол...
- Биласан-ку, мен мужмал гапни ёмон қўраман. Бу жувон етим қолиши керак. Биз эса ҳеч кими йўқ етимлар ҳақида қайфуришимиз лозим, тўғрими?
- Бу ишни ҳаш-паш дегунча қойил қиласми.
- Үндай бўлса дарров ишга кириш, Фульгор, дарров ишга кириш.
- Қизи билиб қолса-чи?
- Қандай қилиб билади? Бу гапни унга етказишга ким ботинади? Қани айт-чи, ким?
- Ҳеч ким ботинолмаса керак, деб ўйлайман.
- Бунақа шубҳаларинг ичинданда қолсин, қайтиб хаёлингта келтирма, тилингта эрк берма. Билиб кўй — ҳеч ким! Қараб тур, ҳамма нарса худди хамирдан қил суғургандек силлиққина битади. Уни “андромеда”дан излаб топишнинг ўзи бўлгани йўқ. Не ҳасратда излаб топдик. Сен Бартоломэни тоқقا қайтиб боришига кўнди; ахир, конни ўз ҳолига ташлаб қўйиш инсофдан эмас. У ўша ерда ишлайди, вақти-вақти билан келиб-кетиб туради. Қатнаб ишласа ҳам майли, ишқилиб, қизини бирга олиб кетмаса бўлгани. Унинг ҳолидан ўзимиз хабар олиб туришимизни айтиб, кўнглини тинчит. Ҳамма гапни яхшилаб тушунтири, Фульгор.
- Бир пайтлардагидай мана шу чапдастлигиниз менга жуда ёқади-да, хўжайин. Ёшлиқдаги файрат-шижоатингиз қайтиб келганга ўхшайди.

* * *

Комала водийсининг далаларига шивалаб ёмғир ёғяпти. Майдалаб, эзиг ёғяпти. Водийда бундай ёгин камдан-кам бўлади, ёғса бира тўла шаррос қуяди.

Бугун якшанба. Аланго тоғларидан тушган ҳиндулар хушбўй цефалофо, даста-даста размарин ҳамда исириқ олиб келишди. Бироқ улар ёмғирда намиқиб қолишидан қўрқиб, окоте — қарагай тарашаларини, ҳатто антиль эманининг пўстлоғини ҳам ташлаб келишган. Бугун бисотидаги хушбўй ҳид таратиб турган нарсаларини шундоққина ерга ёйиб, харидор кутишади.

Ёмғир ҳамон бир меъёрда майдалаб, кўлмаклар устини жимиirlатади.

Жўхоришлояларни сув босган. Бугун бозор-ўчар қилинадиган кунлиги одамларнинг эсига ҳам келмайди. Улар уч-тўрт киши бўлиб, дала кезишади, бўкиб кетган шудгорда лой кечиб, катта-катта кесакларни майдалашади; сувнинг йўли очиб юборилмаса, ҳали тузукроқ илдиз отиб улгурмаган ниҳолларни юваб кетиши мумкин. Улар дам-бадам энгашиб, эндини сабза урган ниҳолларнинг тагига тупроқ тортишади.

Ҳиндулар бугун бозорнинг мазаси бўлмаслигига кўзи етса-да, барибир, сабртоқат билан харидор кутишади. Ивиган похол ёпинчиқлари уларни совуқдан пана қилишга қодир эмас; балки улар совуқдан эмас, бозори касодлигидан асабийлашиб, қалтирашаётан бўлиши ҳам мумкин. Ҳиндулар чувалган ипдек ёмғир томчиларига, кулранг булат босган осмонга хомуш боқишиади.

Худди бу жойларда аллақачон одам изи ўчиб кетгандек биронта ҳам харидор кўринмайди. Қандайдир бир аёл кейинги сафар питамагея толасидан йитирил-

ган ип, озгина шакарқамиш, агар топилса атоле¹ни сузишга элак олиб келиши ни тайинлади. Вақт тушга яқынлашгани сайин иамиқдан похол ёпинчиқлар оғир тортади. Цефолофораларнинг куббадек бошларига иниб қолган ёмғир томчилари йилтирайди. Ҳиндулар бир-бирларига гап ташлаб кулишади, ҳар хил олди-қочди ҳангомаларни айтиб, ўзларини овутишади ҳамда эрмак қилиш учун пулька²ларини олиб келмаганларига ачинишади. “Пулькан олиб келганимизда ҳам бир нави эди. Бу ерда топилмайди, ҳаммаёқни сув босиб, магейлар ўзларидан ортмай қолишибди. Афсус...

Медиа-Лунадан бошланган ўқдек түғри йўлдан Хустина Диас келяпти. У катта кўчага сифмай, йўлкаларга ҳам тошиб оқаётган сувни кечмаслик учун эҳтиёткорлик билан қадам ташлайди. Бошига шамсия тутиан. У майдон ўртасида қад ростлаган бутхона олдидан ўтатуриб, чўқиниб олгач, бозор оралаб кетади. У энг чеккадаги ҳиндудан ўн сентаволик розмарин навдаси слди-да, орқасидан кузатиб турган нигоҳларни ҳис этганча дарров изига қайтди.

“Қимматчилик бўлиб кетди-я, — деда хаёлидан кечирди у Медиа-Лунага қайтаркан. — Бир боғлам розмарин ўн сентаво турса. Пулига арзимайди, ҳиди ҳам аранг бир уйга етади”.

Қош қорайгач, ҳиндулар олиб келган нарсаларини йиғиширишади ва ўтланаларни ортмоқлаганча ёмғирга қарамай йўлга тушишади. Бироқ майдондан ўта туриб ҳаммалари черковга киришади ва Биби Марям пойига исириқ боғламларини қўйиб, астойдил чўқинишиди. “Ҳечқиси йўқ, бир ҳафтадан кейин яна якшанба келади”, деда ўзларига тасалли беришади улар. Масканларига қараб йўл олишаркан, қизиқ-қизиқ гаплардан гаплашиб, хуш-хандон кулишади.

* * *

Хустина Диас Сусанна Сан-Хуан ётган уйга кириб, розмарин боғламини столга қўйди. Пардалар ёниклиги учун у қоронгида уй ичидағи нарсаларни зўрга илғаганча пайнаслаб юар эди. Назарида Сусанна ҳали ҳам ухлаёттандек эди. Кейиниг пайтларда у Сусаннанинг бош кўтармай ухлашини истар, агар бекасини ўринда кўрса, кувониб кетар эди.

Тўсатдан уйнинг аллақайси қоронги бурчагидан бироннинг хўрсингани ва:
— Хустина! — деда чақиргани эшитилди.

У орқасига ўтирилди-ю, бироқ ҳеч кимни кўрмади. Бу пайт кимdir елкасидан тутди, қулогининг остида бироннинг нафасини ҳис этди. “Бу ердан кет, Хустина, — деди кимdir шивирлаб. — Лаш-лушкинни йиғишириб тезроқ кет. Энди бизга керагинг йўқ”.

— Мен Сусаннага керакман, — деди Хустина тисариларкан. — У касал, менсиз қийналиб қолади.

— Ташвиш қилма, Хустина. Энди мен шу ердаман, унга ўзим қараб тураман.

— Дон Бартоломэ, бу сизми? — Хустина кўрққанидан чинқириб юборди. Даладан қайта туриб бу бақириқни эшигтган одамлар: “Бирор бақиргандек бўлдими? Лекин одам бунақа чинқирмаса керак?” — дейишиди.

Ёмғир овозларни ютиб юборар эди. Ҳар қандай сас-садо тиниб, оламга сукунат чўқкан пайтда ҳам унинг бир меъёрдаги шивири тинмайди, ёмғир томчилари ер юзига худди боқий ҳаёт ришталари бўлиб ёғилади.

— Нима бўлди, Хустина? Нега бақирдинг? — деб сўради Сусанна.

— Бақирганим йўқ. Балки туш кўргандирсан?

— Туш кўрмай қўйдим деганман-ку. Сен менинг гапимни эшитармидинг. Бугун киприк қоққаним йўқ. Кечқурун мушукни кўчага чиқариб юбормабсан, тонг отгунча уйқу бермади.

— Нималар деяпсан? Мушук менинг хонамда ётибди-ку. Оёғимнинг учидагу кулала бўлиб ухлаёттан экан, кўчага ҳайдаб чиқаришга кўзим қиймади. Тонг отгунча кўрпанинг ичидаги қимир этмай ухлади.

¹ Атоле — жўхоридан тайёрланадиган ичимтик.

² Пулька — давра куриб ўйналадиган ўйин асбоби.

— Мен ҳам жонимдан безор қилди деяётганим йўқ. Фақат кечаси билан роса ҳунар кўрсатди. Оёғимга чиқиб олади-да, бирдан юзимга сапчиди, худди оч қолгандек зорланиб миёвлайди.

— Кечкурун тўйгунча овқат еган, тонг отгунча менинг ёнимда ётган бўлса, қандай қилиб сенинг юзингга сапчиди? Сусанна, яна кўзинигта ҳар хил нарсалар кўриняпти, шекилли.

— Нега ишонмайсан-а, айтяпман-ку, юзимга сакрайвериб, бир зум ҳам ухлатани йўқ. Минг ювош бўлса ҳам бундан кейин мен ухлаётганимда мушугингни яқинимга йўлатма.

— Сенга шундай туюлган деяпман-ку, Сусанна. Майли, Педро Парамо келса айтаман, билганини қилсин, жуда ҳам қийнаб юбординг мени. Бошқа биронтасини топинг, мен кета қолай, дейман. Дунёда яхши одам камми, амалаб бир кунимни кўрарман. Сенинг фикри-ёдинг бировга азоб бериш. Ҳаммани ўзингга ўхшаб васвас бўлиб қолган деб ўйлайсанми, нима бало? Мушугимни олиб эртагаёқ кетаман, кейин сени ҳеч ким безовта қилмайди.

— Мунча одам иси ёқмайдиган олабўжи, заҳар бўлмасанг, Хустина. Кетиб бўпсан, бошқа биров сени менчалик яхши кўрарканми.

— Кетиб қаёққа ҳам борардим, Сусанна. Сендан айрилиб чидолмайман. Баъзан жаҳлим чиқиб ҳар балони гапириб юборсам ранжима. Сени ташлаб ҳеч қаёққа кетмайман.

У Сусаннага туғилган кунидан бери қарайди; қўлидан қўймай боққан, юришни ўргатиб, биринчи қадамини ташлашга кўмаклашган ҳам ўзи. Унинг назарида Сусаннанинг бутун ҳаёти болалик чоғида қийнала-қийнала ташлаган дастлабки қадамидек серташвиш эди. Унинг ангишвонадек оғзи бора-бора очилаётган ғунчага ўхшаб кетди — “менинг болдек ширин забоним!” Кўзлари шаҳло, боқишилари мулойимлашди. “О менинг боқишилари ялпиз таъмли ложувард конфетдек ёқимли, нурланиб турган, яшиаб турган кўм-кўк кўзларим. Богда битган ялпизим, чўлда унган ялпизим!” Хустина унинг дўмбоқ сёқчаларини тишлаб-тишлаб ўпарди. Эмизиш учун эмас, шунчаки эрмак учун унга ҳеч қачон иймаган кўксини тутарди. “Ма, ўйна, — дерди у. — Ўйинчоғингни ўйна”. Имкон топса у кичкинагина бу вужудни кечгача қўлидан қўймай қийнаб ўйнатарди.

Ёмғир бананнинг япалоқ баргларига тарсиллаб урилар, кўлмакларда вақирлаб чучвара қайнагани барадла эшитилар эди.

Чойшаблар намиқиб муздек бўлиб қолди. Икки кундан бери тинимсиз заҳмат чекаётга тарновлардан кўпирлиб кетган сув шовуллаб оқар, кўқдан ҳамон тинмай ёмғир куяр, ҳаммаёқни гарқ қилгудек тўлиб-тошган сув ерга сингиб улгурмас эди.

* * *

Вақт ярим кечадан ощи, ёмғирнинг шовуллаши кўчадаги ҳамма овозларни босиб кетарди.

Сусанна Сан-Хуан аста қаддини ростлаб, оёгини пастга туширди ва ўрнидан туриб, каравотдан узоқлашди.

Сал олдин худди кечагидек оёқлари оғирлашиб, қақшаб оғрий бошлади. Назарида биров баданини пайпаслаб, юзини топишга уринаётгандек туюлди.

— Бу сенмисан, Бартоломэ? — деб сўради у.

Эшик фийқ этиб, биров киргандайми, чиққандайми бўлди. Кейин яна ёмғирнинг дам зўрайиб, дам пасаювчи шовуллаши, банан япроқларидан сувнинг чакиллаб томиши, уларга ҳамоҳанг чулдираш ва биқирлаш, пировардида буларнинг ҳаммасини босиб сувнинг қайнаётгандек вақирлаши эшитилади.

У яна уйқуга чўмди ва кўёшнинг нукрадек ёмғир томчиларига чайинган илк нурлари бинонинг қизиғиши гиштларини ёритган палладагина кўзини очди.

— Хустина! — деб чақирди у.

Елкасига ёпинчиқ ташлаб олган Хустина худди унинг чақиришини кутиб эшикнинг панасида тургандек шу заҳоти оstonада пайдо бўлди.

— Нима дейсан, Сусанна.

— Мушугинг яна бу ёққа кириб олибди.

— Вой бечора-ей!

Хустина унинг кўксига бош қўйиб, қаттиқ қучоқлаб олди.

— Нега йиғлаяпсан? — ажабланиб сўради у бир амаллаб Хустинанинг бошини кўтариб, кўзига боқаркан. — Мушугинг кўрқитгани учунми? Кўрқма, Педро Парамога айтмайман. Менга яхши қарайпти дейман. Кўй, хафа бўлма, йиғлама.

— Отанг ўлибди, Сусанна. Ўтган куни кечаси ўлган экан, бутун у ёққа бориб келган одамлар айтишиди. уни ўша ернинг ўзига кўмишибди. Ҳабар топганимизда ҳам барибир дағнинг этиб боролмас эканмиз. Бу ёққа олиб келиш қиин — йўл йироқ. Бу дунёда ёлғиз қолдинг, Сусанна.

— Демак бу сен экансан-да, а? — деди Сусанна кулимсираб. — Видолашгани келган экансан-да, — дея яна кулимсираб қўйди у.

* * *

Талай йиллар муқаддам, у ҳали ёшгина қизалоқ пайтида отаси:

— Пастига тушиб, нимани кўрсанг менга айтасан, — деган эди.

У белидан сирилганча осилиб турар, баданига ботиб, қўлларини шилиб юборгудек бўлиб оғритган арқонга жон-жаҳди билан ёпишарди; ҳозир уни фақат мана шу арқонгина юқорида қолган ёруғ оламга боғлаб турар, уни қўлдан чиқарип юбориш ўлим билан баробар эди.

— Ҳеч нарса кўринмаяпти, дада.

— Яхшилаб қара, Сусанна. Албатта бир нарса топасан.

У қизига чироқнинг ёругини туширди.

— Ҳеч нарса кўрмаяпман, дада.

— Сени яна ҳам пастроқ тушираман. Оёғинг ерга тегса, айтасан.

У тахталар орасидаги торгина ёриқка зўрга сифди, зах уриб пилчиллаган, чириб қулаб тушай-тушай деб турган яккачўпдан юрагини ҳовучлаб ўти.

— Яна ҳам пастроқ туш, Сусанна, мен айтган нарсани, албатта, топасан.

У худди даҳшатли сиртмоқ домига илингандек йўқлик қаърида муаллақ осилиб турар, бирон таянч топиш илинжида оёқларини типирчилатганча тобора пастлаб борарди.

— Оёғимни қўядиган жой йўқ-ку.

— Пастроқ туш, Сусанна! Энди бирон нарса кўриняптими?

У ниҳоят товони ерга текканини сезди-да, кўрқанидан оғзини очишга ҳам мажоли етмай, меровсираб туриб қолди. Чироқнинг нури чир айланиб унинг ён-верини ёритарди. Тепадан отасининг овози келди.

— Бор нарсани менга узат, Сусанна.

У чўчиб кетди ва отасининг амрига итоат этиб, оёғи остида ётган калла суюгини икки қўллаб ушлади. Шу пайт чироқнинг нури тўғри тушди-ю, қиз жон ҳолатда қўлидаги нарсани ташлаб юборди.

— Бу ўлган одамнинг боши экан! — деб қичқирди у.

— Унинг ёнида бир нарсалар бўлиши керак. Ўша нарсаларни бу ёққа узат.

У чўзилиб ётган одамнинг суюгига тегиб кетиши билан, сўнгаклар сочилиб кетди, худди шакардан ясалгандек пастки жағ ажralиб тушди. Сусанна бармоқлардан бошқа ҳамма суюкларни бирма-бир тепага узатди. Худди коптоқдек думалоқ бош чаноғини эса бошдаёқ тепага чиқарип юборган эди.

— Яна у ёқ-бу ёғингга қара, Сусанна. Пул бўлиши керак. Думалоқ, тилла тангалар кўринмаяптими? Яхшилаб қара, Сусанна.

Кейин нима бўлганини у эслолмайди. Фақат бир неча кундан қейингина ўзига келгач, дастлаб ҳис этган нарсаси отасининг муздек совуқ нигоҳи бўлди.

Ҳозир шу нарса ёдига тушиб кулаётган эди.

— Бу сенлигингни билган эдим, Бартоломэ.

Унинг кўксига бошини қўйиб йиғлаётган Хустина култи овозини эшишиб, сесканиб кетди; бир неча дақиқадан кейин Сусаннанинг кулгиси асабий қаҳқаҳага айланди.

Ташқаридә эса ҳамон ёмғир қуярди. Бозор бўум-бўш, ҳиндулар кечәёқ ўз масканларига жўнаворишган. Бугун эса душанба. Тўхтовсиз қуяётган ёмғир Комала водийсини гарқ этишга қасд қилганга ўхшарди.

* * *

Шу кунлар мобайнода ёмғирни бошлаб келган қаттиқ шамол эсиб турди. Ёмғир аллақачон тинган бўлса-да, шамол пасайдиганга ўхшамасди. Намиқсан баргларини аллақачон қуритиб ултурган жўхори ниҳодлари шамолнинг зарбидан қийшайиб, пушталарга ётиб қолди. Кундузлари вақти-вақти билан шамол тингангана ўхшарди-ю, бироқ сал ўтмай томдаги черепицалар яна шарақлай бошлар, қора қуюн дераза ойналарини зириллатарди. Туни билан инграган, увиллаган овозлар тинмасди. Шамол қувиб юрган булутларнинг кўпчиган қорни нақ ерга теккудек бўлиб судраларди.

* * *

Сусанна қўлинини боши остига қўйганча зич ёпилган деразанинг тақиљлашини эшишиб ётаркан, тунги овозларга қулоқ тутиб, хаёл суради. Кутурган шамол ҳаловатини бузган тун гоҳ қаттиқ сиқилганидан ўзини қаёққа уришини билмаётганга ўхшайди, гоҳ тинка-мадори қуригандек жим қотиб қолади.

Тўсатдан шарақлаб эшик очилади. Ёнирилиб кирган шамол чироқни учирив қўяди. Зулмат Сусанинанинг фикрларини айқаш-уйқаш қилиб юборади. Қулогига билинар-билинмас шитирлаган овоз чалинади. Юраги ҳаприқиб, беҳаловат ура бошлайди. Кўзларини босиб турган қовоқлари орасидан йилтираган нур қўринади.

Сусанна қўзини очмай ётаверади. Баригир юзини тўсиб турган соч толалари орасидан ҳеч нарса қўринмайди. Устки лабини реза-реза тер босади.

— Бу сенми, ота? — деб сўрайди у.

— Ҳа, қизим, бу мен, отангман. Исоий Масиҳо қиёфасидағи отангман.

У аста кўзларини очади ва соч толалари орасидан шифтга тушиб турган сояними ёхуд тепасига энгаштан бироннинг юзиними кўргандек бўлади. Киприклари қорачиғини тўсиб тургани учунми қорайиб турган гавдани худди туман орасида қолгандек гира-шира илғайди. Бироқ бу зулмат қаъридан нур таралётганга ўхшайди; гоҳ пасайиб, гоҳ аланталанувчи ажабтовор шуъла. Ёғду унинг қўксидан, нақ юракнинг ўзидан таралади. Ёруғликнинг ўзи ҳам юракнинг хатти-ҳаракатига, сўнаётган шамнинг лишиллашига ўхшайди. “Сенинг юрагинг дарду ҳасратдан адо бўляпти, — дея хаёлидан кечиради у. — Сен Флоренсио дунёдан ўтганини айтгани келганингни билиб турибман. Бу гапдан аллақачон хабар топгандман. Бирорларни ўйлайвериб ўзингни қийнама; менинг ҳам ғамимни ема. Менинг бардошим тошдан қаттиқ. Сен ҳам юрагингта қулфур, токи бирорлар учун азият чекавериб адо бўлмасин”.

У ўрнидан туриб, падре Рентерианинг олдига зўрға етиб борди.

— Қе, мендай ҳаловатини йўқотган кимса сенга таскин-тасалли берай, — деди у шамнинг ёруғини қўллари билан тўсар экан.

Падре Рентериа унинг шамни кафтлари орасига олиб, пана қилишига, оловга юзини тутишига халал бермай қараб турди. Бирдан қуюнди иси келди, у кескин бир ҳаракат билан Сусанини итариб юборди. Шам ўчиб қолди.

Қоронғиликдан қўрқиб кетган Сусанна ўзини каравотга ташлаб, қўрпага бурканиб олди.

— Мен сенга руҳи бардамлик ато этгани келдим, қизим, — деди падре Рентериа.

— Шунақами? Ундаи бўлса, йўлингдан қолма, — деди у. — Бу ерга қайтиб келганингни кўрмай. Менга сенинг керагинг йўқ.

Унинг қулогига узоқлашиб бораётган қадам товуши чалинди; бундай қадам овозидан у ҳамиша вахимага тушиб, япроқдек қалтирап эди.

— Ўлган одам нега ҳадеб бу ерга келаверасан?

Падре Рентерия эшикни зичлаб ёпаркан, муздек ҳавони симириб, чуқур тин олди.

Водийни алғов-далғов қилган шамол ҳали-вери тинадиганга ўхшамасди.

* * *

Медиа-Лунага"Дудук" лақабли қарол от чоптириб келди ва дарров Педро Паромога учраштиринглар, деб туриб олди.

— Хўжайинни нима қиласан?

— И-ишм бор.

— Хўжайин чиқиб кетган.

— Б-бўлмаса келиши билан айтиб қўй, м-мени дон Фульгор юборди.

— Бўпти, уни қидириб топишга уриниб кўраман. Бир-икки соат кутиб туришинга тўғри келади-да.

— Ж-жуда ҳам и-иши зарур экан, дегин.

— Хўп, айтаман.

Дудук умрида кўрмаган Педро Паромонинг келишини отдан тушмасданоқ кутди.

— Ҳа, нима дейсан?

— М-менга х-хўжайнининг ўзлари керак.

— Мен хўжайнинман. Нима керак сенга?

— Ҳ-ҳеч нарса. Ф-фақат д-дон Фульгор С-седанони ўлдириб кетишганини айттани келдим. Йиккаламиз н-новларни қ-қараб чиққани б-борган эдик, сув ж-жудаям камайиб кетувди. Б-бирга йўлга чиқдик. Т-тўсатдан қ-қаердандир отликлар пайдо б-бўлиб қолди, кўпчилик. Яқин келишганда б-биттаси: "М-манавини т-танийман. М-медиа-Лунада иш б-бошқарувчи", деб қолди.

М-менга тегишимади, лоақал қ-қараб ҳам қўйишмади. Д-дон Фульгорни отдан тушириди. "Б-биз инқилобчилармиз", дейиши, б-бизнинг ерларимизни тортиб олгани к-келишаётганмиш. "Чопиб бориб, х-хўжайнининг айт, уникуга м-мехмонга кетяпмиз", дейиши. Кўрқанидан д-дон Фульгорнинг иштони ҳўл бўлиб кетди. К-кейин югуришга т-тушди, семизлигидан унча тез бўлмасаям, ҳ-ҳар ҳолда лўқиллаб чопди. Ю-югуриб кетаётган ж-жойида орқасидан отишди. Битта оёғи тепага к-кўтарилиб, биттаси ерга тиралиб ў-ўлди-қўйди.

Мен т-тош қотиб туравердим. Шу бўйи қош қорайишини к-кутиб энди нима бўлганини айтгани к-келяпман.

— Нима қилиб анқайиб турибсан? Тез бўл! Ҳозироқ бориб, хўжайнин сизларни кутяпти, қўлидан келган ёрдамини аямас экан, деб айт. Бориб меҳмонимиз бўлинглар, хўжайнин сизлар билан, албатта, тил топишади, де. Фақат сал айланиш бўлса ҳам олдин Консаграсъон қовоқхонасига кириб ўт. Тилькуате¹ни танийсанми? Ҳозир ўша ердадир. Хўжайнининг сиз билан гаплашадиган зарур гапи бор экан, дегин. Ановиларга айт, имкон топиб келишсин, кутиб ўтираман. Бу қанақа инқилоб экан ўзи?

— К-ким билади дейсиз. "Инқилоб, инқилоб", деб бақириб юришиби. Қанақа инқилоблигини билмасам.

— Тилькуатега айт, ҳаялламай дарров бу ёқقا келсин, зарур ишим бор.

— Хўп бўлади, х-хўжайнин, айтаман.

* * *

Педро Паромо яна ўз хонасига кириб кетди, у бирданига ўзини қартайиб, кучдан қолгандек ҳис этди. Йўқ, иш бошқарувчисининг ўлимини ўйлаб эзилмасди, нафсилаамбрини айтганда чолнинг бир оёғи аллақачон гўрга осилиб қолган, Фульгорнинг обдон илиги сўриб бўлинган эди. Лекин инсофан айтганда у қўрқанидан эмас, вижданан ишлади. "Шошмай туришсин, Тилькуате бу ҳов-

¹ Тилькуате — қора илон.

лиқмаларнинг ўпкасини босиб қўяди, — дея ўз хаёлларидан холоса чиқарди Педро Парамо. — Бир таъзирини бериб қўйсин”.

Унинг фикри-ёди фақатгина Сусанна билан банд эди. Сусанна ҳалигача ўз хонасидан чиқмай ухлар, бордию ухламаса ҳам эси оғган одамдек караҳт бўлиб ётарди. Кечакончада тонг отгунча у деворга суюниб, Сусаннанинг тунги чироқ хира ёритиб турган ўринда ўзини у ёқдан-бу ёққа ташлаб тўлғанишига қараб турди; жувоннинг юзини жиққа тер босган, кўллари тинимсиз тимирскиланиб, ёстиқни мижиглар эди, фақатгина эрталабга яқин ҳолдан тойиб жимиб қолди.

Бу ерга олиб келганидан буён жувон ҳар куни шу зайл қийналиб бетоқатланар, жони битмас-туганмас азоб-уқубатларга гирифтор эди. Бу қийноқлар қачон ниҳоясига етаркин, дея ўзини-ўзи сўроққа тутарди.

У охир-оқибат шундай кун келишига ишонарди. Ўла-ўлгунча бу аҳволда яшамас. Дунёда турғун нарса йўқ-ку. Хотиралар ҳар қанча жон ўртагувчи бўлмасин, аста-секин унугилади.

Кошкি эди, унинг қалбини алғов-далғов қилаётган безовталик сабабини англаб етса. Нега у туни билан киприк қоқмай тўлғаниб чиқади? Унга қандай бадбин ўйлар азоб беряпти экан, уни оламдан узиб қўйган қандай бедаво дард экан бу?

Бу жувон ҳар жиҳатдан кўнглига яқин, суюмли эди. Агар бутунлай бегоналадишиб кетган тақдирда ҳам, барибир, дунёда энг қадрдан кишиси бўлиб қолавериши аниқ. Бу аёл чиндан ҳам унга зарур эди — гапнинг индаллоси ҳам шу — у ҳаётга видо айтиши, йўқлик манзилига йўл олганида ўтмиш хотираларини осонгина унугиши учун ҳам керак.

Афсуски, Сусанна руҳан маскан тутган тилсимга кириш Педро Парамога ҳеч қачон насиб этмайди.

* * *

“Денгиз қирғоғидаги қумнинг иссиги баданга хўп ёқади. Мен кўзларимни юмганды оёқ-қўлимни кериб ётардим, денгиздан эслан шамол аъзойи-баданимни сийпалаб ўтарди. То уфқача туташган денгиз гувиллаб шовқин солар, оқбош тўлқинлар юргурганча келиб товонимни яламоқчи бўларди...”

— Яна бояги аёл гапирияпти. Яхшилаб қулоқ сол, Хуан Прессиадо, эшитгандарингни менга гапириб бериш эсингдан чиқмасин.

“Бу воқеа эрталабга яқин юз берди. Денгиз суви дам-бадам соҳилга интилар, тўлқинланиб гувиллар, оппоқ кўпик сачратиб шаштидан тушар ва янгиланиб тинган сув итоаткорона изига қайтарди.

“Мен ялангоч чўмиламан”, дедим. Ўша биринчи кеча у ҳам менга тақлид қилди: ечиниб сувга тушди, соҳилга қайтиб чиққанида баданидаги томчилар нуқрадек йилтириар эди. Чагалайлар ҳали маст уйқуда. Тепамиздан тумщуги беўшшов катта қушлар учиб ўтди. Уларнинг овози ҳам хирқирашга ўхшаш ёқимсиз эди. Куёш мўралаган заҳоти улар учиб кетишиди.

Дастлабки оқшом у чўмилгани бирга борди-ю, бироқ соҳилга етганда гарчанд мен ёнида турсам-да, ўзини ёлғиз, гариб ҳис этди.

“Назаримда сен ўша тўдадан ажраб чиқсан қушлардан бирига ўхшайсан, — деди у. — Мен кечаси сен билан бўрда тентириаб юришни эмас, ўринга кириб, бир ёстиққа бош қўйиб ётишни истайман”.

У кетиб қолди.

Мен эртасига кечкурун яна келдим. Ёлғиз келдим. Иложи бўлса, умр бўйи ҳар куни кечаси бу ерга келиб, чўмилашга тайёр эдим. Ана, сув тўпигимга чиқди, болдириларимдан ўтиб сонимга етди, белимга чирмашганча кўксимга ёпишди, бўйнимдан ўтиб, елкаларимдан авайлаб қучди. Мен унинг оғушида бутунлай гарқ бўлиб кетдим. Ўзимни бутунлай хукмига бўйсундириб олган ёқимили ҳислар илкига топширдим.

“Денгизда чўмилаетган пайтимда ўзимни баҳтли ҳис этаман”, деган эдим унга.

Афсуски, у менинг муддаойимни англаб стмади.

Эртасига мен яна чўмилгани денгиз бўйига келдим-да, ўзимни тўлқинлар кучогига отдим, сув мени барча гард-бурборлардан фориф этиб поклади”.

Отлиқлар кечга яқин кириб келишди. Улар елкасига калта милитиқ, белига ўқ-дори солинган халта осган йигирма чоқли одам эди.

Педро Парамо уларни овқатга таклиф қилди. Мехмонлар бош кийимлари ни ечмасданоқ дастурхонга ўтиришди-да, егулик қелтиришларини жимгина кута бошлашди; таомни ҳам гап-сўзсиз тановул қилишди, фақат бежирим идишларда тортилган шоколадни хўриллатиб ичишди, ловия билан тортильяни чапиллатиб ейишга тушишди.

Педро Парамо уларни синчилкаб кўздан кечирди: бутунлай нотаниш одамлар. Унинг орқа томонидаги қоронги бурчакда Тилькуате яшириниб турарди.

— Хўш, азиз дўстлар, — дея меҳмонларга мурожаат қилди у идиш-товоқ йиғишириб олингач. — Яна қандай хизмат буюрасизлар?

— Демак, бу ерларнинг эгаси сиз экансиз-да, — деди қўзғолончилардан бири қўли билан ён-верига ишора қилиб.

— Гилингни тийиб ўтириб! — дея унинг оғзига урди бошқаси. — Савол-жавобни мен қиласман.

— Бўпти. Мақсадинглар нима ўзи?

— Кўриб турибсиз, биз қўлимиизга қурол олдик.

— Нима бўпти?

— Нима бўларди, исён кўтардик. Сизга бу ишимиз арзимас бир нарса бўлиб туюляптими?

— Исён кўтаришга сизларни нима мажбур қилди?

— Бизнинг бошқалардан нимамиз кам? Бошқалар исён кўтаришган экан, биз ҳам қўзғалдик. Биз ҳақимизда ҳеч нарса эшитмаганга ўхшайсиз-ку, а? Шошмай туринг, яқинда бизга қозоз юборишиди, ана ўшанда ҳамма нарсани миридан-сиригача тушунтириб берамиз. Ҳозирча бу ерларни кўриб қўяйлик деб келдик...

— Мен нима гап бўлаётганини ҳеч қанақа қоғосизоқ тушунтириб қўя қоламан, — дея гапга аралашди меҳмонларнинг яна бири. — Биз ҳукуматта қарши бош кўтардик, сизга ўхшаганларни йўқотиш учун қўлимиизга қурол олдик. Шунча вақтдан бери устимизга чиқиб мингандаринг етар! Ҳукумат қилган ҳамма ярамасликлари учун жавоб беради, сизга ўхшаган бирорларнинг қонини ичиб, қорнини қаппайтириб юрган, одамларни талаб зўравонлик қилаётган қонхўрлар билан ҳам орани очди қиласиган пайт келди. Ҳукумат тўғрисида гап чувалаштирай кўя қолай, у билан фақат ўқ орқали гаплашамиз, тамом-вассалом.

— Инқиlobинглар учун пул-мул керакдир? — дея ўсмоқчилади Педро Парамо. — Қанча керак бўлса айтинглар. Балки жонингларга асқотиб қоларман.

— Яхши гап одамнинг қулоғига мойдек ёқади, а? Нима дединг, Персеверансио? Сен бекорга кекирдагингни чўзяпсан. Бизга энгил-бошимиздан хабар олиб турадиган, ўқ-дори олиб берадиган бирон давлатманд ҳам керак-ку. Бу кишидан ҳимматлироқ одамни топишимиз қийин. Касильдо, бизга қанча пул керак?

— Хўжайн қанча беришини лозим топса, шунисига қаноат қиласкерамиз.

— Лозим топса?! Э, бу қиши чилласида қор сўраб чиқсанг қизғонадиган одам-ку. Ҳамонки, шу ишга киришидикми, бу текинхўрларнинг кўпчиган қорнидаги охири жўхори донигача қоқишириб олиш керак.

— Ўзингни бос, Персеверансио, ўзингни бос. Сабр қилган муродига етади, деганлар. Бу ишни яхшиликча ҳал қилганимиз тузук. Гапир, Касильдо.

— Мен ўзимча хомчўт қилиб кўрсам, бизга ҳозирга йигирма минг атрофида пул керак экан. Тўғрими? Агар бу ақча хўжайнинг камдек туюлса, у ёғини ўзи билади. Кўриб турибсизлар, бу киши чин юрақдан марҳамат қилмоқчи бўляпти, борди-ю саховати тутиб, эллик минг берса ҳам йўқ демаймиз, албатта. Демак, эллик минг керак экан-да, а? Қалай, розимисиз?

— Керак бўлса, сизларга юз минг беришга ҳам розиман, — деди Педро Парамо. — Неча кишисизлар ўзи?

— Уч юз.

— Жуда соз. Мен сизларга ёрдамга уч юз одам ҳам бераман. Бунча кишилик аскар билан истаган ишни қилиш мумкин. Бир ҳафтадан кейин пул ҳам, одамлар ҳам етиб боради. Пул мендан ҳадя, лекин одамларимдан вақтингча фойдаланиб турасизлар. Хизматларини ўтаб бўлиши билан дарров изига қайтариб юборасизлар. Келишдикми?

— Келишдик, — деди ҳаммадан кейин эшиқдан чиқаётган меҳмон. — Лекин эсингизда бўлсин, мабодо бизни лақиллатсангиз, Персеверансио сиз билан бошқача гаплашиб кўяди. Персеверансио деганлари мен бўламан.

Педро Парамо унинг кўлини қаттиқ қисиб хайрлашди.

* * *

— Уларнинг бошлиғи ким деб ўйлайсан? — деб сўради у меҳмонларни кузатгач, Тилькуатедан.

— Менимча ҳеч кимга қарамай ўртада бошини солинтириб ўтирган қоринбой бўлса керак. Ишончим комил — ўша... Биласиз-ку, дон Педро, мен бир қараашдаёқ кимнинг қанақа одамлигини билиб оламан.

— Йўқ, Дамасио, уларга сен бошлиқсан. Ё кўзголончиларга қўшилгинг келмаяптими?

— Нима энди, ҳозироқ қўшилиб кетишга розиман. Мана шу тўс-тўполонда ўйнаб қолмасам, қачон яйрайман.

— Бўлмаса қулоқ сол, гап-сўзларни ўзинг эшилдинг, йўл-йўриқ кўрсатиб ўтирищимнинг ҳожати йўқ. Ишончли йигитлардан уч юзтасини йигиб, уларга бориб қўшил. Ваъда қилинган одамларни олиб келдим, дейсан. Кейин шароитга қараб иш қилаверамиз.

— Пулни-чи? Пулни ҳам мен олиб бораманми?

— Зарур бўлиб қолганда ишлатиб туришинг учун ҳар бир одамга ўн песодан бераман. Пулнинг қолгани ҳозирча Педро Парамода турар экан, қачон керак бўлиб қолса, шу заҳоти берар экан, дейсан. Уруш пайтида шунча пулни ёнда олиб юриб бўладими? Айтмоқчи, Пуэрта-де Пьедра қишлоғи қалай, сенга ёқадими? Бугундан бошлаб бу қишлоқ сеники. Мана бу хатни олиб Комаладаги Херардо Трухильо деган нотариусга учрапсанг, қишлоқни дарров сенинг номинига хатлаб беради. Қалай, энди хурсандмисан, Дамасио?

— Хурсанд бўлиш ҳам гапми, хўжайин. Мен бу ишни ҳеч қанақангиди қишлоқ-пишлоқсиз ҳам, шунчаки кўнгил хуши учунюқ қойиллатиб ташлардим. Ҳимматингиз учун қуллук. Мен каллакесарлар билан изғиб юрган пайтимда кампиримга ҳам эрмак топилиб қолди энди.

— Менга қара, сен улар билан бекордан-бекорга сандирақлаб юраверма, бирорта сигир-пигир кўриниб қолса, секингина қишлоғингтага қараб ҳайда. Қишлоқ жойда мол бўлмаса, қўлингни қаёққа кўйишини билмай зерикиб қоласан.

— Зебу бўлса ҳам майлимни?

— Ўзингни таъбинингта қараб танлайвер. Сен ўтиrlаб оборишни бил, қолганини хотининг эплаштиради. Сенга яна бир топшириқ шуки, менинг ерларимдан жуда ҳам олислаб кетма. Фалокат босиб бошқа бирорлар қелиб қолса, бу жойлар эгалик эканини билишсин. Менга тез-тез учрашиб туришни эсингдан чиқарма. Бирон-бир янгилик чиқиб қолар, ҳеч бўлмаса шунчаки айланниб келиб кет.

— Хўп бўлади, хўжайин.

* * *

— Бояги хотин нималар деялти, Хуан Пресиадо?

— У оёқларини эркакнинг оёқлари орасига суқиб олганини гапирялти. Унинг ях қотган муздек оёқларига худди ланғиллаб ўт ёниб турган тандирга тиқилган-дек бирдан иссиқ ўтибди. Эркак унинг оёқларини тишлаб ўйнашни яхши кўрар, улардан ҳозиргина тандирдан узилган пўрсилдоқ ноннинг иси келади, дер экан. Аёл унинг вужудига сингиб кеттундек бўлиб кучоқлаганча кўзларини юмаркан, ўзини бу оламдан фоний бўлгандек ҳис этаркан. Бироқ қиздирилган темирдек

қаттиқ нарсанинг ҳисларини жунбушга келтириб, хузурбахш лаззатдан бушашган танасиға кетма-кет урилиб, борган сари чукур ботишидан оҳ деб юборар экан. Бироқ эрқакнинг ўлими унинг қалбига бундан ҳам чуқурроқ жароҳат етказибди.

- Ким экан бу одам?
- Билмадим. Үндан илгарироқ ўлиб кетган одам бўлса керак.
- Ким экан-а, бу?
- Бунисини айтмаяпти. Бир куни кечаси уни жуда узоқ кутибди, бироқ ҳадеганда ундан дарак бўлавермабди. Фақат вақт ярим кечадан ошгандан кейингина унинг келганини сезибди. Аёл бу нарсани муздек ўринда ёлғизликдан совқотиб ётган оёқлари бирданига иссиқ кўрпага ўраб кўйилгандек илиганидан билибди. Бироқ эрталаб уйғонганида кечаси уни кута-кута ўқиб ётган газстани оёғига ёпиб кўйилганини кўрибди. Аёл оёқларини ким газета билан ёпиб кўйган булиши мумкинлигини ўйлаб ўйига етолмай турганида унинг ҳалок бўлгани ҳақидаги хабарни етказишибди.
- Аёл солинган тобут синиб кетди-ёв. Эшитдингми, тахталари қисирлади.
- Ҳа, менга ҳам шундай туюлди.

* * *

У яна боши-кети йўқ тушлар кўра бошлайди. Чидаб бўлмайдиган хотиралар бунча азоб бермаса? Наҳотки ўтмишдан бошқа ўзини овунтирадиган таскин-тасалли тополмаса? Бундан кўра тезроқ ўлиб қўя қолгани яхши эди.

— Сеньора, Флоренсио ҳалок бўлибди.

Бу одам мунча найнов, мунча аммамнинг бузоги бўлмаса. Овози худди тош қотган ердек ҳиссиз, қўпол. Юзига чиммат тутилгандек фира-шира кўринади. Эҳтимол бу губор кейин пайдо бўлгандир. Юзини худди ёмғир пардаси тўсиб кўйгандек хира тортди. У нима деяити? Флоренсио дейдими? Қанақа Флоренсио? Менинг эримми? Бўлмаса мен нега дод солиб йигламаяпман? Нега ўшанда кўз ёши тўколмадим? Йигласам сал бўлса-да, сингил тортардим-ку. Йўқ, худо йўқ экан! Ё, парвардигор, уни ўзинг хибзу ҳимоятинга олиб асрагин, деб қанчалар ёлворган эдим-а. Менинг бундан бошқа ўтингим йўқ эди-ку. Сен фақат бизнинг жонимизни олишнигина ўйлар экансан. Менга унинг руҳи эмас, муҳаббатга тўлиб-тошган, эҳтиросли, яланғоч вужуди керак эди — елкаларимдан қучиб, кўкракларимни сийпалаб ётишидан лаззатланардим. Мен худди оҳанрабо ўзи тортган игнадек бўшлиқ қаърида муаллақ осилиб туришни, унинг хоҳиш ва иродасига қараб чайқалувчи итоаткор қайиқ бўлишинистардим. Эҳтиросли бўсалар олувчи лаблар бўлмаса, менга бу дудоқларнинг нима кераги бор? Ҳасратдан сўла бошлаган лабларни нима қиласман энди?

Сусанна алаҳсираб ўзини у ёқдан-бу ёқقا ташлар, Педро Парамо эшик раҳига суюнганча унинг жонини қийнаётган бу азоб поёнига стишини кутарди. У аллақачон вақтнинг ҳисобини йўқотиб кўйган, ёғи тугаган чироқ хиралашиб, пилиги чирсиллар эди.

Агар бу жувонни бирон жисмоний дард қийнаганда аллақачон шифосини топарди. Бироқ алаҳсираш ва босинқирашга... сира адо бўлмай унинг тинкамадорини қуритаётган қўрқинчли тушларга бирон чора топишдан ожиз эди. Педро Парамо Сусаннанинг ҳар бир хатти-ҳаракатини диққат билан кузатарди. Хонани зўр-базўр ёритиб турган хира шуъла билан бирга у ҳам тинчид қолса нима қиласми?

У эшикни авайлаб ёпганча ташқарига чиқди, тунги салқин кўз олдидан Сусанна Сан-Хуаннинг қиёфасини нари суриб кетди.

Сусанна эрталабга яқин уйғонди.

У устидаги кўрпани ҳам, қизиб кетган чойшабларни ҳам ерга олиб урди-да, яланғоч ҳолича ўзини у ёқдан-бу ёқقا ташлай бошлади; тонгти мусаффо ҳаво унинг вужудига салқин уфуриб, ором бағишиларди. У чукур тин олиб, яна уйкуга кетди.

Бир неча соатдан кейин падре Рентерия уни худди шундай яланғоч ҳолича ухлаётган аҳволда кўрди.

* * *

— Дон Педро Телькуатенинг отряди тор-мор қилинганини эшитдингизми?

— Йўқ, Херардо, кеча кечқурун қандайдир тўқнашув юз берганини эшитдим, холос. Ўқ овозлари бу ергача эшитилиб турди, лекин нима бўлганидан хабарим йўқ. Бу гапни сенга ким айтди?

— Комалага ярадорларни олиб келишди. Хотиним уларнинг ярасини боғлашга латта-путта берди. Улар Дамасионинг отрядида жанг қилишган экан, кўпчилиги ўлиб кетибди. Айтишларича, аллақаёқдан келган одамлар билан олишишибди, улар ўзларини “вильистлар” деб аташарканми-ей.

— Ишлар пачава, Херардо. Замонанинг зайлли шу бўлса, бу ёғига тирикчилик оғирлашаверади. Ўзинг нима қилмоқчисан энди?

— Кўчуб кетмоқчиман, дон Педро. Сайулга. Яна ўша ерда макон тутмоқчиман.

— Сиз адвокат, нотариусларга маза. Бир гап бўлса, бизга ўхшаб қачон келиб бўйнимизни қайриб ташлашаркин, деб кутиб ўтирумай, шартта лаш-лүшингларни йигишириб, жўнаб қоласизлар.

— Жуда ҳам унчалик эмас, дон Педро, унчалик эмас. Ишимиз анчагина нозик, сал эҳтиётсизлик қилисанг, доғда қолишинг ҳеч гап эмас. Сизга ўхшаган мижоздан айрилиш алам қиласди, бунинг устига обрў-эътибор келтирадиган имкониятлардан ҳам бирваракайига маҳрум бўласан. Фақаттинга қорин қайгусида бошқа жойга кўчуб ўтиш, одам ўзи ўтирган шохни кесищдек гап. Манави хужжатларни нима қил дейсиз? Қаерга кўяй?

— Ҳеч қаерда қолдирмай олиб кетавер. Ё Сайулда менинг вакилим бўлиб ишламоқчи эмасмисан?

— Раҳмат сизга, дон Педро. Ишончининг учун чин юракдан миннатдорчилик билдираман. Лекин очигини айтишга мажбурман: энди сизнинг ишларингиз билан шугулланолмайман. Баъзан жорий этилган тартиб-қоидаларга риоя қилинмайди дегандек... Айрим ишлар тўғрисидаги ҳужжатлар сиздан бошқа одамнинг кўзига чалинмагани тузук. Бундай қофозлар бироннинг қўлига тушса, бирон шумлик қилиши ҳеч гап эмас. Уларни ўзингиз эҳтиёт қилганинг яхши.

— Рост айтасан, Херардо. Мана бу ерга кўя қол. Уларни ёқворақоламан; боридан йўғи яхши. Бу жойларни менинг мулким эмас дейишга кимнинг ҳадди сигарди.

— Албатта, ҳеч кимнинг ҳадди сифмайди, дон Педро. Бўпти, яхши қолинг.

— Сафаринг бехатар бўлсин, Херардо.

— Лаббай?

— Худо сени ўз паноҳида асрасин, деяпман.

Нотариус бир-бир босиб эшик томон йўл олди. Унинг ёши ўтиб қолган бўлса-да, ҳали оёқларини судраб босадиган даражада қари эмасди. Очигини айтганда, истар-истамас қадам ташлаб изига қайтаётганинг бошқа сабаби бор — у хизмат ҳақи олишдан умидвор эди. Ахир, у дон Педронинг отаси Лукас Педрога, узоқ йиллар то шу бугунги кунгача эса Педро Парамога, бундан ташқари ўғли Мигельга сидқидилдан хизмат қилди. Очигини айтганда хизматлари эвазига баҳиллик қилмай, саховат билан ҳақ тўлашади, деб ўйлаган эди.

— Дон Педро билан хайрлашиб келгани кетяпман, — деган эди у хотинига уйдан чиқаётби. — Қилган хизматларим учун яхшигина ҳақ тўлайди, деб ўйлайман. Бу пул Сайулга бориб жойлашишимизга, қолган умримизни муҳтоҷлик нималигини билмай тинчгина ўтказишга бемалол етиб ортади.

Аёллардаги бундай сезигрлик қайдан пайдо бўлганига ақл бовар қилмайди. Уларнинг кўнглига доим шубҳа, гумон ғулғула солиб туради. Аёлларга фойибдан сирли хабар етиб турса ҳам ажаб эмас. Нотариуснинг хотини эрининг умид қилган иш ҳақини ундириб олишига сира ишонгиси келмасди.

— Хомтама бўлма. Сайулга бориб, тирикчиликни йўлга кўйиб олгунимизча яна ўлиб-тирилиб ишлашимизга тўғри келади. Ундан бир тийин ҳам ололмайсан.

— Бу гапни қаердан топдинг?

— Топдим-да.

У эшик томон юриб бораркан, орқадан: “Тўхта, Херардо! Ишим кўплигидан бошим фовлаб, сени эсдан чиқариб қўйибман. Сен менга ҳеч қанақангни пул билан узиб бўлмайдиган яхшиликлар қилдинг. Мана бу арзимас ҳадяни кўп ўрнида қабул эт”, деган хитоб эшитилишини кутарди.

Бироқ уни ҳеч ким тўхтатмади. У бўсағадан шошилмай ҳатлаб ўтди, отни имиллаб ечиб, ўзини эгарга олди-да, мабодо бирор ҷақирса, эшитмай қолмай деган илинжда аста йўлга тушди. У Комалага элтувчи йўлга чиққач, ҳеч қаёққа бурилмай юриб кетди. Медиа-Лунанинг қораси бутунлай кўздан йўқолгач, афус билан хаёлидан кечирди: “Ундан қарз сўрашим мумкин эди-ю, лекин бу қадр-қимматимни тупроққа тенг қилиш билан баробар бўларди”.

* * *

— Унчалик тўғри иш қилмаганга ўхшайман, деган хаёlda қайтиб келдим, дон Педро. Бундан кейин ҳам жон-жон деб сизнинг ишларингизни юритаман.

Нотариус бу гапларни орадан ярим соат ўтгач, Педро Парамонинг хонасида ўтириб айтди.

— Жуда яхши, Херардо. Қофозлар ўзинг қўйган жойда турибди.

— Биласизми мен... Янги жойга кўчиш муносабати билан... Майда-чўйда харажатлар учун... Иш ҳақим ҳисобидан озгина пул олиб турсам дегандим... Кутимаган шарт-шароитларни ҳисобга олиб... лозим топсангиз албатта.

— Беш юзми?

— Сал кўпроқ, лоақал... тағин билмадим...

— Минг сўм етадими?

— Менга беш минг керак эди.

— Нима? Беш минг песоми? Бунча пулни қаердан оламан? Биласан-ку, мен бор пулимни ҳўжаликка сарфлаб юборганиман. Менинг бойлигим — ер-сув, молҳол. Бу нарсани ўзинг ҳам яхши биласан-ку. Бунча пулни нима қиласан?

Нотариус индамади; у бошини ҳам қилганча хаёл сурарди. Ёзув столида эса дон Педро санаёттан тангалар жирингларди. Шу тобда дон Лукас тегишли ҳақини бермагани, дон Педро эса янгидан ҳисоб-китоб дафугари очгани эсига тушди. Мигель учун у озмунча елиб-югурдими? Бу болани камидан ўн беш марта қамоқдан олиб қолди. Қотилликни босди-босди қилиш учун қанча пул сарфлади. Ўлиб кетган одамнинг оти нима эди? Бўлди, эсига тушди: Рентерия. Уни қўлига тўппонча тутқизиб қўйилган ҳолда топишиди. Мигель олдинига кулиб, кек-кайиб юрди-ю, кейин тиззалири қалтираб қолди. У бир амаллаб бу ишни ҳам тинчиди. Агар бу иш суд эмас, лоақал терговга ошганда дон Педро озмунча чиқимдор бўлмасди? Бировларнинг қизини зўрлашлар-чи? Жабрдийдаларни муросага келтириб, оғзига уриш учун у ўз ҳамёнидан сарфлаб юборганилари-чи? “Вой, эси паст-эй, хурсанд бўлиш ўрнига бу нимаси, оппоқкина бола туғиб олсанг ёмонми”, дея тасалли берарди у навбатдаги жабрдийдага.

— Ма, ол, Херардо. Эҳтиёт қилиб сакла, пул ўз-ўзидан кўпаймайди.

— Тўғри. Лекин ўлганлар ҳам ўзидан кўпаймайди, — деди у ҳамон ўз ўйлари таъсирида ва бўшашганча қўшиб қўйди. — Афсуски, шундай...

* * *

Тонг стишига ҳали анча бор эди. Тун қоронғилигидан хира тортган юлдузлар ожизгина милтиллашарди. Ой кўринди. Салгина кўтарили-да, ҳеч ким унга маҳлиё бўлиб боқмаётганидан ранжигандек яна ғойиб бўлди. Ранги-кути ўчган кўйи кўкда бир соатча муаллақ турди; на тузук-қуруқ нур сочмай, на кўнгилларга қувонч баҳш этмай тоғ орқасига яширинди.

Қаердадир олисда тунги сукунатни парчалаб Медиа-Лунага қайтаётган бу-қаларнинг бўкиргани эшитилди.

— Уйқу ҳам элитмайди-я, бу маҳлуқларни, — деда пўнфилларди Дамиана Сиснерос. На кундузи чакаги тинади, на кечаси. Мол эмас, иблисдан тарқаган балои-қазо. Иблис ҳам худди буларга ўхшаб кўз юммайди; кимнинг жонини жаҳннам қаърига олиб кетсан экан, деб изғигани-изғиган.

У нариги ёнбошига ағдарилиб, девор томонга ўгирилиб ётди.

Шу пайт тақи́ллаган овоз эши́тилди.

У кўзларини катта-катта очганча нафасини ичига ютди. Овоз такрорланди. Кимдир буқланган бармоғи билан деворга уч марта ургандек туюлди. Йўқ, у ётган жойни эмас, анча нарироқни бўлса-да, барибир, шу деворни тақи́ллатарди.

“Ўзинг паноҳингда асррагайсан, парвардигор! Уч марта тақи́ллаган овоз! Бу ўз ихлосмандларидан бирига паймонаси тўлганидан хабар бергани келган авлиё Паскуаль Байлон¹ эмасмикин?”

Бу ўй Дамиана Сиснеросни унчалик ваҳимага солгани йўқ, у ўзини авлиё Паскуаль ихлосманди деб билмас, суюклари сирқираб оғрий бошлаганидан бери черковга ҳам қатнамай қўйганди. Лекин барибир, юрагини ваҳм босар, айни вақтда унинг қизиқувчанлиги ортиб бораради.

У уқувсизлик билан ясалган каравотдан секингина туриб, деразани очди.

Дала-тузга қуюқ тун чўккан бўлса-да, Дамиана ўзига керакли нарсани дарров излаб топди: Педро Парамонинг азамат гавдаси қоронфида ҳам яққол кўзга ташланиб турарди. У энгашган кўйи митти маргаританинг пастак деразасини тақи́ллатарди.

— Вой, дон Педроси тушмагур-эй, — дея чуқур тин олди Дамиана. — Сочига оқ оралаганда ҳам гуноҳга ботиб, қилиб юрган ишини қаранглар. Фақат бир нарсага тушунолмайман; нега у бунақа ишларни яширинча, қисиниб-қимтиниб қиласди. Менга шундай-шундай деб бир оғиз шипшишиб қўйса бўлади-ку. Шу заҳоти Маргаритага бутун хўжайнининг олдига кир, сенда иши бор экан, деб кўярдим. У ҳатто ўзини уринтириб, ўрнидан туриб ҳам юрмасди.

Яна буқаларнинг қулоқни қоматга келтирадиган овози эши́тилди. Дамиана Сиснерос шоша-пиша деразани ёпиб қўйди. У ўринга кириб, кўрпасига ўрларкан, шу тобда митти Маргарита қай аҳволга тушаётганини кўз олдига келтириди.

Орадан бир неча дақиқа ўттач, у иссиқдан нафаси қайтиб, кўрпани очди-да, энгил-бошини ечиб ташлади...

— Дамиана! — дея кимдир уни чақирди.

У кезларда Дамиана расида бўлган қиз эди.

— Эшикни оч, Дамиана!

Унинг юраги матрабга тушган беданадек типирчилаб, худди қовурғалари орасидан чиқиб, учиб кетгудек потирлай бошлади.

— Нима дейсиз, хўжайин?

— Эшигингни оч, Дамиана!

— Мен ухлаётувдим, хўжайин.

У шартта орқасига бурилиб, қайтиб кетди. Тош ётқизилган узун айвонда унинг турсиллаган қадам товуши гумбирлаб эши́тилди; қадам ташлаши жуда ҳам зардали эди.

Дамиана унинг қаҳрига учрашдан кўрқиб, эртасига эшикка илгак солмади, ҳатто ортиқча қийналиб, аччиғи чиқмаслиги учун ечиниб ётди.

Бироқ Педро Парамо қайтиб бирон марта унинг эшигини қоқмади.

Гарчанд ўшанда хўжайнининг майлига бўйсунмаган бўлса-да, энди Медиа-Лунадаги ҳамма жорияларнинг изми унинг илкида. Бироқ ёши бир жойга борганди ҳам ўша кунги хўжайнининг амирона овозини аллақандай интиқлик билан эслайди: “Эшигингни оч, Дамиана!”

У шу тобда митти Маргаританинг нечоғли баҳтиёр эканини тасаввур қилинча ухлаб қолди.

Кўп ўтмай у яна уйғониб кетди, бу гал девор тақи́ллашидан эмас, гумбурланган овоздан ҳаловати бузилди. Кўргон дарвозасини милтиқ кўндоқлари билан синдириб юборгудек қарсиллатиб уришарди.

У яна деразани очиб, қоронилик қаърига тикилди-ю, бироқ кўзлари ҳеч нарсани илғамади. Назарида кўргон атрофи худди ёмғирдан кейин ҳаммаёқни

¹ Паскуаль Байлон (1540–1592) — 1960 йили авлиё аталган францискан роҳиби, черков унинг шахсини илоҳийлаштириб, XIX аср охирида католик мазҳабидагилар жамоасининг “самовий” ҳомийси деб эълон қилган.

чувалчанг босиб кетгандек ғужрон үйнаб ётарди. Бундан ташқари бир талай одам тўда бўлиб тургандек туюлди. Бақалар қуриллар, чирилдоқлар тинимсиз чириллар эди. Эпкинсиз, осуда кеча — одатда ёмғир олдидан шундай осудалик чўқади.

Дарвоза олдингисидан ҳам қаттиқроқ тақиллай бошлади.

Бир неча одамнинг юзини ёритган чироқ нури шу заҳоти ўчди.

“Менга нима зарил”, деди Дамиана Сиснерос ва деразани ёниб қўйди.

* * *

— Сени тор-мор қилишибди деб эшийтдим, Дамасио. Нима фалокат босди?

— Бекорларни айтишибди, хўжайнин. Кўриб турибсиз-ку, ўзим ҳам, одамларим ҳам соғ-саломат. Ҳозир мен билан етти юз одам келди, у ёқда яна икки-уч юз одамим бор. Бундай овоза тарқалишининг сабаби бор. Эски одамларим бекорчиликдан нима қиласини билмай юришгандан тўсатдан бизга ҳар хил яланг-оёқ жулдуровоқилар хужум қилиб қолишибди; унча кўпчилик эмас экан. Дарров жангга киришиб кетдик, бироқ нарирокда бутун бошли армия пойлаб турганини билмай қолибмиз. Вильистлар дегани қулогингизга чалингандир, а?

— Каердан келишган экан булар?

— Шимол томондан. Улар қадам босган жой худди довул бўлиб ўтгандек шип-шийдам бўлиб қолар экан. Ҳатти-ҳаракатига қараб, шундай хulosса чиқариш мумкин, уларнинг нияти биронта ҳам шаҳарни қўймай вайрон қилиш. Одамлари мўр-малаҳдай. Тан бериш керак, жуда зўр экан улар.

— Дарров ўшаларга қўшилиб олишинг керак эди. Мен сенга кимнинг кўли баланд келса, ўшаларга қўшилиб ол, деб тайинлаганман-ку.

— Мен аллақачон уларга ўтиб олганман.

— Бўлмаса нимага келдинг?

— Пул керак, хўжайнин. Ҳадеб гўшт еявериш жонга тегди; қараса одамнинг кўнгли кетади. Озиқ-овқатни бирор қарзга бермайди. Шунинг учун бу ёққа келдик. Емак-ичмакка лойик пул бермасангиз, кунимиз тиланчиликка қолади. Агар сал узокроқда — бегона жойларда бўлганимизда-ку, шартта хужум қилиб, омборларни шипириб кетардик-а. Бу ерда ундай қилишнинг иложи йўқ, бири хеш, бири тобор, ўзингникини талаш — уят. Ахвол шунаقا. Пул керак. Лоақал зоғорага лойик талқон, қалампир сотиб олишга етгудек бўлса ҳам майли. Гўшт деса, одамнинг кўнгли айнаяпти.

— Мен билан жуда бошқача гаплашадиган бўлиб қолибсан-ку, а, Дамасио?

— Сизни ранжитадиган гап айтганим йўқ-ку, хўжайнин. Мен ўзимни ўйлаётганим йўқ, болаларнинг ғамини сяпман.

— Одамларингни ўйлаганинг яхши, албатта. Фақат пулни мендан ундириши эмас, бошқа бирон жойдан топишни ҳам бил. Қачонгача мендан мўмайгина ақча олаверасизлар; борини бериб тутатдим. Сенга маслаҳатгўй ҳам эмасман, қандай йўл-йўриқ кўрсатишм мумкин? Тўданг Контлини босиб олса бўлмайдими? Бу нарса хаёлингга келгани йўқми? Лоақал инқилобчиларга нега қўшилганингни биласанми? Агар садақа сўраб кун кечирсанг, косанг оқармайди. Ундан кўра хотинингни пинжига кириб, тухум босиб ётганинг яхши. Шаҳардан кўпи борми. Хоҳдаганингни босиб ол, ҳаммаси сенинг измингда-ку. Бўлмаса, нега бекордан-бекорга бошингни гаровга кўйиб юрибсан? Бошқалар ҳам бирон нарсасидан айрилсин. Контлида бой деганинг итнинг уруғидан ҳам кўп. Топган тутганини марҳамат қилиб сен билан баҳам кўришсан. Ё ўла-ўлтунча уларнинг ҳамёнларини қўриқлаб, энагадек икки букилиб хизматларини қилишга ёлланганимисан? Иш деган бунақа бўлмабди-да, Дамасио. Сен улар билан үйинчок ўйнаб, майнавозчилик қилиб юрганингни билдириб қўй. Такаллуғуни йиғиштириб, оч биқинига боплаб туширсанг, пул деганинг ёмғирдек ёғилишини кўрасан.

— Майли, бир уннаб кўрамиз, хўжайнин. Кўзимни очганингиз учун раҳмат. Сиздан ҳамиша бирон ақли гап чиқмай қолмайди.

— Ишинг ўнгидан келсин.

Педро Парамо отлиқларнинг орқасидан қараб қолди. Қоронғида ранг-тусини билиб бўлмайдиган бир тўда суворий ер-кўкни зириллатиб, от чоптириб ўтди. Димоққа ачимсиқ тер ва чанг-тўзон келиб урилди. Яна бир ерга жам бўлиб, кейин тирқираб сочилиб кетган шуъалалар кўринди — суворийлар тобора узоқлашиб боришарди. Педро шу туришида худди кўриб, айни кучга тўлган, бироқ ичидан чирий бошлаган улкан эманга ўхшаб кетарди.

Унинг фикри-ёди Сусанна Сан-Хуан ҳамда ҳозиргина оғушидан чиқсан қизча билан банд эди. У ҳали эти қотмаган бу қизалоқнинг тузукроқ таъмини тотиб, ултурганича ҳам йўқ. Кўрқанидан Маргаританинг юраги отилиб чиқиб кетгудек потирлаб уради. “Сенинг вужудинг бир тишламгина экан-ку”, деди у қизалоқни бағрига тортаркан. Бу ожиз вужуднинг шу тобда ҳеч қачон васлига етиб бўлмайдиган Сусанна Сан-Хуанга айланишини жуда-жуда истарди. Бироқ Сусанна бу нопок оламнинг одамига сира ўхшамас эди.

* * *

Субҳи содик уйғотиб юборган кун эринчоқлик билан керишиб, кўзларини зўр-базўр очади. Момо ер уйқусираб эснайди, эрталабки совуқдан жунжикиб, оппоқ ҳовур чиқаради ва бир амаллаб елкасидан босиб турган тунги фафлатдан халос бўлади.

- Тун ҳамма ёмонликларнинг кони, тўғрими, Хустина?
- Тўғри, Сусанна.
- Ростдан ҳам шунақами?
- Шундай бўлса керак, Сусанна.
- Бўлмаса, яшаш ҳам гуноҳdir? Нима дединг, Хустина? Қулоқ сол, эшитапсанми? Ер тишларини фижирлатяпти.
- Йўқ, мен ҳеч нарса эшитаётганим йўқ, Сусанна. Мен сенга ўхшаган қобиляйтга эга эмасман.
- Агар мен эшитган нарсаларни эшиттанингда эсинг оғиб, ҳайратдан қотиб қолардинг.

Хустина уй ичини супуриб-сидириш билан машғул эди; ҳўл латта билан полни артди, синган гулдонда қолган сувни тўкиб, сочилиб ётган гулларни ишиштириди-да, ойна синиқдарини челякка ташлади.

- Сен умрингда ҳеч қуш ўлдирганмисан, Хустина?
- Жуда кўп ўлдирганман, Сусанна.
- Уларга раҳминг келмаганими?
- Раҳмим келган, Сусанна.
- Ундей бўлса, ўлиб қўя қолмайсанми? Нимани кутиб юрибсан?
- Паймонам тўлишини, Сусанна.
- Ташвишланма, ажаланг — қош билан кипригинг орасида.

Сусанна уриб шиширилган ёстиқларга кўмилиб ётарди. У ҳар бир нарсага аланг-жаланг боқар, кўзларининг қорачиғи бир жойда тинч турmas, худди бирон нарсадан муҳофаза қилаёттандек кўлларини қорни устига кўйиб олган эди. Назарида шундоққина боши тепасида алланима кўзга кўринимас енгил қанотларини тинимсиз силкитиб, типирчилётгандек туюларди. Қаердадир кудуқнинг чигири фирчилади, кейин яна аллақандай шовқин-сурон эшитилди — бу овозлар янги кун бошланганидан далолат берарди.

- Сен дўзах борлигига ишонасанми, Хустина?
- Ҳа, мен жанинат борлигига ҳам ишонаман, Сусанна.
- Мен фақат дўзах борлигига ишонаман, — деди у ва кўзларини юмиб олди. Хустина хонадан чиқаётганида Сусаннани яна уйқу эллитган, олис уфқда эса кўкка учкун сачратиб, қуёш чиқиб келарди. Хустина эшик орқасида турган Педро Парамога дуч келди.
- Беканг қалай?
- Ёмон, — дея ғўлдиради Хустина.
- Бирон жойим оғрияпти, дейдими?
- Йўқ, шиква-шикоят қилмайди, сеньор. Майитлар ҳеч қачон оҳ-воҳ қилмайди, дейишади-ку. У энди бу дунёда ҳеч кимнинг кўнглини овламайди ҳам.

— Падре Рентерия келмадими?

— Кечак кечкурун келиб, имон келтириб, тавба қилдирди. Бугун ҳам азонлаб етиб келаман деган эди, афсуски, буюрган экан. Тонг ёришган пайтда мұқаддас ионалар олиб келмоқчи эди. Мана, кун ҳам ёйилиб кетди, ҳалигача дараги йўқ. Демак, буюрган экан.

— Нима буюрган экан?

— Оллонинг марҳамати-да.

— Бўлмағур нарсаларни гапириб, алжира ма, Хустина.

— Хўп бўлади.

Педро Парамо эшикни очди-ю, остоңада тўхтаб қолди. Эшикдан ёпирилиб кирган нур Сусаннанинг юзини ёриштириб юборди. У ички бир дард азоб берётгандек кўзларини чирт юмиб олган, лаблари худди ҳозир гапириб юборадигандек очиқ қолган, бармоқлари эса устидаги чойшабни фижимлаб, тўсатдан титроқ юргурган яланғоч баданини очиб юбораёттанини сезмасди.

У ичкарига кириб, каравотга яқин келди-да, Сусаннанинг устини ёпиб қўйди. Борган сари хуруж қилаётган титроқ унинг аъзойи-баданини силкитар, дамбадам қисқараётган пайлар худди ўрмалаётган илоннинг хатти-ҳаракатларига ўхшаб кетарди. “Сусанна”, Педро Парамо энгашиб, унинг қулоғига шивирлади: “Сусанна”, дебя яна такрорлади у.

Эшик очилиб, падре Рентерия кўринди. У гап-сўзиз каравотга яқин келди.

— Мен сени муқаддас сирлардан огоҳ этгани келдим, қизим, — деди у деярли пичирлаб.

У Педро Парамо аёлнинг бошини кўтариб, ёстиққа суяб ўтқазиб қўйгунча қараб турди. Ҳали ҳам уйкуси ўчмаган Сусанна тилини чиқариб, тузсиз кулчани чайнамасданоқ ямлаб ютди. “Мен сен билан баҳтиёр эдим, Флоренсио”, дебя пичирлади у яна ўзини аллақачон тобутга айланган ўринга ташларкан.

* * *

— Медиа-унадаги ҳар куни кечаси чироқ ёниб турадиган ҳов анови деразани кўрятгизми, доња Фауста?

— Йўқ, Анхелес, ҳеч қанақангি деразани кўраётганим йўқ.

— Энди кўриб бўлмайди, албатта, чироқ ўчиб қолди. У ерда бирор кор-ҳол юз бермадимикин-а? Уч йилдан бери қош қорайиши билан Медиа-Лунадаги мана шу деразада чироқ ёнади. Ўз кўзи билан кўрганлар бу Педро Парамонинг хотини ётган уйнинг деразаси дейишади. Эси жойида эмас экан, қоронғидан жуда ҳам қўрқаркан, бечора. Қаранг, ўша деразани ёритиб турган чироқ ўчиб қолди. Бу яхшилик аломати эмас.

Ўлиб-нетиб қолмадимикин, бечора? Ахволи оғир эди. Кейинги пайтларда ҳеч кимни танимай кўйибди, нуқул ўзи билан ўзи гаплашар экан. Педро Парамонинг пешонасида шўри бор экан. Бунақа хотин билан кун кечириш азоб-ку. Бечора дон Педро!

— Йўқ, Фауста, у бечора эмас. Қилмиш-қидирмиш дейдилар, у бундан бешбаттар азобга гирифтор бўлиши керак ҳали.

— Қаранг-а, бояги деразада қайтиб чироқ ёнмади.

— Э, майли, ёнмаса ёнмас, ётиб ухладиган вақт бўлди. Қариган чоғимизда бизга кечаси тентираб юришни ким кўйибди.

Ҳозиргина черковдан чиққан кампирлар савдо расталарини оралаб кетишиди. Вақт ярим кечага яқинлашиб қолган эди. Қоронғилик қаъридан эркак одам чиқиб келди-да, майдонни кесиб ўта бошлади. У Медиа-Лунани мўлжал олиб борарди.

— Доња Фауста, ҳой доња Фауста! Анови киши доктор Валенсия эмасми? Танимадингизми?

— Ўшанга ўхшайди. Балки бошқа бирорвир, кўзим яхши илғамайди.

— Тузукроқ эслаб кўринг, у доим оқ шим кийиб юради-ку, қўлида қора саквояж. Кўнглим сезиб турибди, Медиа-Лунада бирор кўнгилсизлик юз берган. Уни қаранг, худди бирор қамчи билан савалаётгандек оёғини қўлига олиб, шошиб кетяпти.

— Ростдан ҳам бирор баҳтсизлик юз бердимикин-а? Черковга кириб, тақсирга айтсақмикин, Медиа-Лунага бориб, расм-русларни бажо келтирисин, тағин анови бечора гуноҳларидан фориф бўлмай туриб жон таслим қилиб қўймасин.

— Худо кўрсатмасин! Нафасингизни ел олсин-э, Анхелес. У бечоранинг бу дунёда тортган азоблари камми? Имон келтиримай бандаликни бажо келтиришни тилашга қандай тилингиз борди? Бунақада шўринг кургурнинг жони у дунёда ҳам азобда қолади-ку. Илмли кишиларнинг гапига қараганда ақли ноқис одамни гуноҳдан фориф қилишининг ҳожати йўқ экан, унақалар билиб-бilmай бирон айб қилишса ҳам маъзур тутилар экан. Ростдан ҳам шундайми, йўқми, ёлғиз эгамнинг ўзигагина аён... Қаранг, деразада яна чироқ кўринди. Ишқилиб, унинг мушкулини худойимнинг ўзи осон қилсан. Бўлмаса, бизнинг шунча хатти-ҳаракатимиз зое кетади. Милод байрамига черковни келиннинг уйидек ясатамиз деб озмунча тер тўқдикми. Шу кунларда бирон яқини ўлиб-нетиб қолса, дон Педро байрамни бурнимиздан булоқ қиласди. Ҳамма нарса унинг измида...

— Нега бунақа вайсақилик қиласиз, а, доњья Фауста? Мендан ибрат олиб, ёлғиз эгамнинг кароматидан умидвор бўлинг. Илоҳий Ҳурқизга сифиниб: “Ё Биби Марям, хурсанд бўл”ни ўқинг. Эрталабгача ҳар қандай бало-қазонинг юзини тескари қиласди. У ёгини пешонадан кўраверамиз. Лекин бунақа ҳаёт у бечоранинг жонига ҳам тегиб кетгандир.

— Раҳмат, Анхелес, сиз доим менга тасалли бериб, кўнглимни кўтариб юрасиз. Энди хотиржам ётиб ухлайман. Агар тушингда бирон нарса тиласонг, нијатинг бекаму кўст ижобат бўлади, дейишади-ку. Зора, менинг ҳам кўнглимдаги ниятларни олло даргоҳида қабул қиласа. Яхши ётиб туринг. Эрталаб яна дийдор кўришиш насиб этсин.

Кампирлар хайларлашишиб, ўз уйларига равона бўлишди, улар ёнма-ён тушган ҳовлида яшашарди. Чор атрофга яна тунги гунгу кар сукунат чўқди.

* * *

- Оғзим тупроққа тўлди.
- Шундай тақсир.
- Бундай дема. Мен айтган гапни такрорла.
- Сиз нималар деяпсиз. Яна имон келтириб мени тавба қилдирмоқчимиз? Иккинчи қайта-я? Нима кераги бор?
- Бу тавба-тазарру эмас, Сусанна. Мен сен билан гаплашиб, ўлимга ҳозиру нозир туришга тайёрлагани келдим.
- Мен ўляпманми?
- Ҳа, қизим.
- Бўлмаса, нега менга азоб беряпсиз? Мени тинч қўйинг, хотиржам ором олай. Мени ухлатмаслик учун сизни атай юборишганга ўхшайди. То уйкум ўчиб кетмагунча мен билан гаплашиб ўтирасизми? Кейин ҳолим нима кечади? Кейин ухломайман-ку. Нега менга бекордан-бекорга азоб берасиз?
- Мен ҳозир кетаман, Сусанна, кейин ҳеч ҳам оромингни бузмайман. Айтган гапларимни такрорласонг, худди алла эшигтгандек ўзингни ўзингни папалаб, ухлаб қоласан. Кейин сени ҳеч ким уйготолмайди. Шу бўйи қайтиб уйғонмайсан.
- Жуда яхши, тақсир. Гапиринг, айтгандарингизни такрорлайман.

Падре Рентериа ўриннинг бир четига ўтириб, Сусанна Сан-Хуаннинг кифтига қўлини қўйди-да, сўзларини аниқ-таниқ эшитиши учун кулогига яқин келиб шивирлади: “Оғзим тупроққа тўлди”. У бир дақиқа тин олиб, бемор гапларини такрорлаётганига ишонч ҳосил қилмоқчи бўлди. Чиндан ҳам аёлнинг лаблари қимирлар, бироқ сассиз-садосиз пиҷирлар эди.

“Мен оғзимда сенинг оғзингнинг таъмини сезяпман. Лабларинг лабларимга чиппа ёпишиб, оғзимни ёпиб туриби, сен худди мен тишлиб олмоқчига ўхшайсан...”

Жувон жим қолиб, падре Рентериага тикилди, унинг юзи худди узоқдаги хира тортган ойна орқасидан кўрингандек оқариб кетган эди. Кулогига яна илиққина нафас аралаш айтилган сўзлар чалинди:

ЖАҲОН АДАБИЁТИ

— Мен ўзимнинг кўпириб кетган тупутгимни ютаман, ҳар хил курт-кумурс-қалар бижғиб ётган тупроқни кашпалашиб ейман, бу куртлар бўғзимда гужон ўйнаб, томоғимга ёпишади... Юзим борган сари хунуклашиб, бадбуруш қиёфага кира-ди, оғзимни ўзимнинг тишлиларим кўмтиб, еб қўяди. Бурним пачоқланиб, ўрни теп-текис бўлиб қолади. Кўзимнинг соққалари оқиб тушади. Соchlаримга худ-ди гугурт чатиб юборилгандек тўкилиб тушади...

Сусаннанинг бирон мўйи ҳам қилт этмай хотиржам ётиши уни ҳайратга сол-ди. Нималарни ўйлаётган экан шу тобда? Унинг гапларини рад этишга уринаёт-ганмикин ёки кўркитмоқчи бўлиб айтган ваҳимали нарсалар, юрагини така-пука-қиляптимикин? У аёлнинг кўзларига тикилди, жувон ҳам унга тик қараб турар-ди. Унинг назарида аёлнинг лабларида ним кулги пайдо бўлгандек туюлди.

— Лекин бундан ҳам ёмонроқ азоблар бор. Худойи-таолонинг улуғлигига имон келтириб, поёнсиз кўк гумбазида ҳузурбахш нурга айланиб, малоқалар-нинг қўшигини тинглаб, қисқа бир сонияда яратганинг нигоҳидаги оромбахш лаззатдан баҳра олиш ҳамда жаҳаннам азобларига тайёр туриш керак. Лекин шу билан ҳамма нарса барҳам топмайди. Инсон бу дунёдаги азоблардан қутул-майди; илигимизга ўт туташади, томиримизда оққан қон алнга олади, биз эгамнинг қаҳрига учраб, ҳеч адоди йўқ ҷидаб бўлмас азобларга маҳкум бўламиз.

“Унинг оғуши менинг оромгоҳим ва ишонган паноҳим эди. Бу оғуш танамга ҳарорат, қалбимга муҳаббат баҳш этарди”.

Падре Рентериа хонадагиларга бир қур назар солди. Қўлларини қўкси узра қовуштирган Педро Парамо эшик кесакисига суюниб турар, унинг ёнида док-тор Валенсиа, орқароқда эса аллақандай кишилар бор эди. Уйнинг нариги, коронги бурчагида гуж бўлиб олган аёллар эса жаноза оятини ўқишга имо қили-нишини кутиб, шай бўлиб туришарди.

Унинг бирдан ўрнидан тургиси, беморга муқаддас сув ичириб: “Тутатдим”, дегиси келди. Бироқ ҳали расм-руслани тутаттаний йўқ. Бу гуноҳкор банданинг ўз қилимашларига икрор бўлиб, астойдил тавба-тазарру қилганига ишонч ҳосил қилмай туриб, оллодан мағфират тилаши мумкин эмас.

Унинг кўнглига шубҳа оралади. Балки бу аёлнинг тавба-тазарру қилгулик гуноҳи ҳам йўқдир. Ростдан ҳам фориф бўлишга лойиқ гуноҳ қилиб улгурмаган-дир. У яна беморнинг устига энгашиб, елкасидан авайлабгина тутди.

— Сен ҳадемай яратган эгамнинг ҳузурига борасан, — деди у овозини па-сайтириб. — Олло гуноҳкор бандаларига марҳамат қилмайди.

У беморнинг кулогига яқинлашган эди, аёл кескин бош чайқади.

— Мени холи қўйинг, тақсир. Мен учун бунчалик азиат чекманг. Ахволим жуда ҳам яхши, маза қилиб ухламоқчиман.

Коронги бурчакда турган аёллардан бири пиқиллаб йиғлаб юборди. Бу нар-са Сусаннани хушёр тортириди.

— Хустина! — деди у бошини кўтариб. — Агар йиғламоқчи бўлсанг, илти-мос, бошқа бирон жойга бориб йиғлай қол.

Тўсатдан Сусаннанинг боши қорнига тиравиб қолгандек, ҳар қанча уринма-син, уни кўтаришга чоғи келмаётгандек туюлди. У бир амалаб қорнини четга суриб қўймоқчи бўлган эди, ўз танаси бутунлай босиб тущди-да, кўзини, оғзи-бурнини тўсиб, нафас олишига имкон бермай қўйди. У қоп-коронги бўшлиққа юзтубан қулаг тушаётгандек жонҳолатда типирчилай бошлади.

* * *

— Мен доњя Сусаннанинг қандай ўлганини ўз кўзим билан кўрганман.

— Нима деяпсан, Доротеа?

— Нимани эшитган бўлсанг шуни-да.

* * *

Эрталаб комалаликларни кўнғироқларнинг жаранг-журунги уйғотиб юборди. Саккизинчи декабрь куни эрталабданоқ ҳавонинг авзойи бузук эди. Даствлаб катта қўнғироқ зарб урди, кейин унга бошқалари жўр бўлди. Одатда байрам

тантаналари маросими пайтида қўнғироқлар шу зайл жаранглар эди. Биринкетин эшиклар очилиб, ҳайратга тушган одамларнинг юзи қўринди. Тўғри, қизикувчанлар камроқ, сабаби, янги кун бошланганидан дарак бериб зур урилган заҳоти турадиганлар учча кўп эмас. Бироқ бутун қўнғироқларни овози тинай демасди. “Исонинг макони” черковидаги қўнғироқлар тилга кирди, унга “Ҳаётбахш Бут” черковидаги қўнғироқлар жўр бўлди, ҳатто узоқ-яқин қабристонлардаги қўнғироқлар ҳам жаранглай бошлагандек туоларди. Ҷошгоҳ пайтида ҳам қўнғироқлар сира тинай демасди. Шомда ҳам уларнинг жарангли тўхтамади, аксинча, худди келишиб олгандек ҳаммаси баробарига занг уриб, олдингисидан кўра баландроқ овозда жаранглаб, қулоқни қоматга келтиргудек бўлар ва пировардида юракларни зириллатадиган даҳшатли гулдуросга айланарди. Одамлар бир-бирлари билан бақириб-чақириб гаплаша бошлашди. “Нима бўлти?” — дея ажабланиб сўрашарди улар.

Учинчи кун кечга томон одамларнинг қулоғи том битди. Тўхтевсиз жаранглаетган қўнғироқларнинг шовқин-суронидан одамлар бир-бирларининг гап-сўзларини англолмай қолди: қўнғироқлар тўхтайдиганга ўхшамасди. Ора-сира уларнинг гулдураган садосини босиб кетгудек бўлиб эшитилган гап-сўзлар худди ичи бўш хумнинг гувуллашига ўхшаб жарангларди.

- Доњая Сусанна қазо қилибди.
- Ким дейсиз?
- Бекамиз.
- Кимнинг бекаси? Сеникими?
- Йў-ўқ! Педро Парамонинг завжай ҳалоли.

Қўнғироқларнинг овозини эшитиб, Комалага яқин-йироқдаги қишлоқлардан, ҳатто қўшни шаҳарлардан ҳам одам ёпирилди. Контлиликлар худди ибодатга отлангандек тўда-тўда бўлиб келишди. Энг чекка жойлардан келаётганларнинг кети кўринмасди. Кутимаганда дарбозлар билан чархпалак ўйнатувчилар тушган циркчиларнинг кўчма уйи пайдо бўлиб қолди. Ўйин-томошага ишқибоз чалгучилар олдин таваккалига у-бу чалиб кўришди, кейин қизиқиб кетишганини ўзлари ҳам сезмай қолишди, кечга томон кўчаларда ишқий қўшиқлар селдай оқа бошлади. Қўнғироқларнинг дағн маросимига бағишлаб чалинаётган садосига қўшилиб, Комалада шод-хуррамлик авжга чиқди. Одамлар сайилга йиғилганга ўхшар: ҳаммаёқда қўшиқ, ўйин-кулги; майдон худди байрам кунларидағидек тирбанд.

Қўнғироқларнинг садоси тинди, бироқ сархуш бўлган одамларнинг шовқин-сурони босиладиганга ўхшамасди. Уларга қўнғироқлар бандаликни бажо келтирган аёлга тутилган мотам туфайли чалинганини айтиб, тушунтириш маҳол. Бу чақирлмаган қўноқларни ҳайдаб чиқаришнинг иложи йўқ эди. Ҳайдаб чиқаришга йўл бўлсин! Қайтанга вақтихушлик қилувчилар соат сайин кўпайиб бораарди.

Бу дунёда борлиги одамларнинг эсидан чиқиб кетган Медиа-Луна қишлоғи эса фаригина мунғайиб турарди. Югурдак ва хизматкорлар оёқ яланг бўлиб олишган, пичирлаб гаплашишарди. Сусанна Сан-Хуан дағн этилди, бироқ бу маросимга Комаладан ҳеч ким келмади ҳисоб. У ерда худди бозор бўлаётгандек тўс-тўполон авжиди эди. Тинмай куй янграр, бир четда хўрз уриштиришар, маст-аластлар бақириб-чақиришар, овози ўтқир лотереячилар одамларни омадли билетдан қуруқ қолмасликка чорлашарди. Комаладаги шод-хуррамлик шарафига ёқилган сон-саноқсиз чироқларнинг щуъласи тушиб ёришган кулранг осмоннинг бир қисми Медиа-Лунадан кўриниб турарди. Медиа-Лунанинг кундизи ҳам тунидек руҳсиз ва зулматта чулғанган эди. Хўжайниннинг амирона овози эшитилмай кўйди, дон Педро ўз хонасига қамалиб олган, у комалаликлардан уч олишга қасд қилган эди.

- Кўл қовуштириб ўтираверман, ҳаммалари очидан қирилиб кетишсин. У айтганини қилди.

* * *

- Вақти вақти билан Телькуате келиб турарди.
- ... Җлар энди каррансистлармиз¹, — дей ахборот берарди у.
- Жуда яхши.
- Бизнинг қўмондонимиз генерал Обрегон.
- Жуда яхши.
- ... Ҳозир пойтахтдан сулҳ эълон қилишган. Бизларни уй-уйларимизга жўнатиб юборишиди.
- Шошилма. Одамларингта айт, қуролини топширмай туришсин. Сулҳ кўшга бормайди.
- ... Падре Рентериа деган янги исёнчи пайдо бўлганини эшигтандирсиз? У анча-мунча одам йигибди. Унга қарши курашайликми ё қўшилиб олайликми?
- Нималар деяпсан ўзингча? Ҳукуматни ёқлавериш керак.
- Биз ҳаракатдаги армия эмас, партизанлармиз-ку, исёнчилар қаторига кўшиб юборишлари ҳеч гап эмас.
- Бўлмаса, дов-дастгоҳингни йигишириб, дам олиб ёт.
- Мен дам оламанми? Мен-а? Шунча гапдан кейин-а?
- Бўлмаса, ихтиёринг ўзингда, вазиятга қараб иш қил.
- Яхшиси, отахонимизга кўмаклашгани бораман. Уларнинг шиори менга жуда ҳам ёқиб тушди. Бундан ташқари роҳиб билан бирга юрсанг гуноҳинг афв этилиши тайин.
- Начора, ихтиёринг.

* * *

Педро Парамо Медиа-Лунага кираверишдаги катта дарвоза олдига қўйилган чивикдан тўқилган курсида ўтиради. Туннинг сўнгги шарпалари чекиниб, астасекин тонг ёришиб келарди. У дарвоза олдига чиқиб ўтирганига роса уч соат бўлди. Бироқ ёттиси келмас, у кўпдан бери уйқу ва вақт ўлчови деган нарсалар борлигини унутиб қўйган. “Биз қари-қартанглар куш уйқу бўламиз, кўпинча киприк қоқмай ҳам юраверамиз, баъзи-баъзида жиндек мизғиб олсак бас. Мана шу бир чимдим уйқу пайтида ҳам ҳали уни, ҳали буни ўйлаб ётасан. Энди қўлимиздан хаёл сурищдан бошқа нима ҳам келарди”. У бир оз жим қолди-да, овоз чиқариб гапирди: “Энди бу ёғи яқин. Бу ёғи жуда ҳам оз қолди”.

Пайдар-пай оқиб келаётган ўйларнинг адоги йўқ: Бу оламни тарк этганингдан бўён талай вақт ўтди, Сусанна. Ўшанда ҳам уфқ худди капитар қони сачрагандек қизгимтири тус олиб, тонг ёришиб келаётган пайт эди. Ҳали чараклаб ултурмаган қуёш нурлари бутунлай тарқаб кетмаган қоронилик қаърини ёритишига ожизлик қиласарди. Ҳа, худди ҳозиргидек субҳи-садик эди. Мен дарвоза олдида ёришиб келаётган уфқقا тикилиб ўтирадим; сенинг тўсатдан намоён бўлган нурафшон манзилларга элтувчи самовий йўл бўйлаб мендан узоқлашиб бораётганингни жимгина кузатардим. Сен энди бу оламдан батамом юз ўғириб кетиб бораардинг, замину замон нигоҳим тушмаслиги учун сени мендан яширишга уринарди. Сени шу тариқа сўнгги марта кўриб қолдим.

Менга қайрилиб қараганинг ҳам йўқ. Хушбахт одамлар масканидаги сен тасодифан тегиб кетган дараҳтларнинг гулга бурканган шоҳ-шаббалари шитирлай бошлади ва дувиллаб тўкилган гулбарглар сенинг нафасингга қўшилиб, бамисоли жаннатнинг сўнгги хотирасидек шамолда тўзғиб кетди. Сен кўздан фойиб бўлдинг, бироқ мен чақиришимни қўймадим: “Қайт, Сусанна!”

Педро Парамо лабларини қимирлатиб нималарнидир шивирларди. Кейин у лабларини қимтиб, қўзини очди; қорачиқларида ёришиб келаётган куннинг акси кўринди.

Тонг отди.

¹ Каррансистлар — 1914 — 20 йиллар мобайнида Мексика президенти бўлган Венустиано Карранса тарафдорлари. Карранса конституционалистларнинг консерватив қисми қўмагида Мексика инқилоби пайтида пайдо бўлган деҳқонларнинг партизан отрядларини тор-мор келтирган.

* * *

Худди шу саҳар пайтида Гамалиэль Вильяльпонтонинг онаси доњья Инес дўкон олдини супуриб-сидирар эди. Тўсатдан қия очиқ турган эшиқдан қаердандир пайдо бўлган Абундио Мартинес кириб келди. Гамалиэль пештахта устида пашша таламаслиги учун самбреросини юзига ёпганча донг қотиб ухларди. Абундио то доњья Инес кўчани супуриб бўлганидан кейин дўконга кириб, супургисининг сопи билан ўғлиниң бикинига нуқиб ўйғотгунча сабр-тоқат билан кутиб турди.

— Тур! — дея шангиллади доњья Инес. — Харидор келди.

Гамалиэль норозилик билан пўнгиллаганча туриб ўтириди, ҳаддан ташқари кўп ичганидан ва сира тўйиб ухламаганидан қизариб кетган кўзларини зўрбазўр очди — у улфатларнинг хурмати учун узатилган қадаҳни қайтаришни ўзига эп кўрмасди. У онасини ҳам, турган-битгани азоб-уқубатдан иборат бу расво ҳаётни ҳам бўралаб сўкканча бир неча дақиқа ўтириди-да, гурс этиб ёнбошига ағдарилди ва гужанак бўлиб яна пинакка кетди.

— Э, расво ароқкашлар! — дея уйқусираб гўлдиради у. — Каллаи саҳарлаб захрига ютишни ўйлашади-я, кейин мен товонига қолиб юраман.

— Ундан хафа бўлма, Абундио, ўзинг ақъли-хушлисан-ку. Кеча йўловчилар тушиб, ярим кечагача ўтиришди, бўккунча ичишди ўзлари ҳам. Айтмоқчи, нега аzonлаб келиб қолдинг? — дея овозини баландлатди кампир Абундионинг гранглиги эсига тушиб.

— Келгим келди-да. Чоракта қуйиб берсангиз бўлди, бошқа ҳеч нарса керак эмас.

— Нима, Рефухионинг яна мазаси қочдими?

— Рефухио йўқ энди, Вилья хола. Кечаси ўн бирларда узилди. Кўлимдан келган ҳамма нарсани қилиб кўрдим. Эшакларимни сотдим. Ишқилиб, хотиним тузалса бас, деб ҳеч нарсанинг бетига қараганим йўқ.

— Нималар деяпсан? Гапинига тушунганим йўқ. Ё ҳеч нарса деганинг йўқми?

— Тонг отгунча ўликнинг ёнида, Рефухионинг тепасида ўтириб чиқдим, деяпман. Кеча кечаси бандаликни бажо келтирди.

— Ўлим-йитим бўлишини кўнглим сезиб турувди. Ё, тавба?! — деди ҳайратланиб доњья Инес. — Ҳатто Гамалиэльга: “Комалада бирор қазо қилмадимикин, кўнглим бузилиб, йиги босиб туриби”, десам у гапимга қулоқ қоқмади ҳам. Мен билан гап сотишиб ўтиришга вақти бўлгани ҳам йўқ, йўловчиларнинг кўнглини оламан деб, атрофида гирдикапалак бўлаверди, охири учиб қолганини ўзи ҳам билмади. Кайфи ошгандан кейин унинг одатини биласан-ку, бармонингни кўрсатсанг ҳам кулаверади, у ёқда уйига ўт тушса ҳам иши йўқ. Манави кўргиликни қара-я. Расм-русмини қилиб, ўликнинг тепасида калима келтириб туродиган биронтасини чақирдингми?

— Ҳеч кимни чақирганим йўқ, Вилья хола. Шунинг учун чоракта қуйиб беринг, деяпман — зора дардим ариса.

— Сув кўшилмаганидан бера қолайми бўлмаса?

— Шундай қилинг, Вилья хола. Бу гаплар сал нари кетсин. Фақат тезроқ бўлинг, вақтим зиқ.

— Хўп. Ма, бир стакан спиртнинг ўзини ича қол. Ароқ баҳосида ҳақ тўларсан, бугун сени сийлашман. Марҳумага айтиб қўй, мен у бечорани жуда ҳам яхши кўрардим, у дунёда мени эслаб турсин.

— Айтиб қўяман, Вилья хола.

— Фақат бу гапни ҳозир, ҳали жони танидан нари кетмасдан туриб айт.

— Хўп бўлади. Унинг ҳам сиздан илинжи бор — бунисини аниқ биламан — дуо билан руҳини шод қилиб туришингиздан умидвор. У бечора жафокашнинг кимга тавба-тазарру қилишини билмай қанчалик қийналганини билсангиз эди.

— Нега дарров падре Рентериани олиб келмадинг?

— Борсам йўқ экан, тоқقا чиқиб кетган дейишиди.

— Қанақа тоқقا?

— Ким билади дейсиз, мана шу ўзимизнинг тоғларгадир-да. Ҳукуматга қарши курашаётган эмиш, ёлғиз эмас, ёнида одамлари ҳам бор экан.

— Ё тавба?! Шундай одам-а? Бизлар жуда ҳам баҳти қаро, шўрпешоналар эканмиз, Абундио.

— Менинг фикримча бу нарсаларнинг бизга ҳеч дахли йўқ, Вилья хола. Биз учун ҳаммаси бир гўр, Вилья хола. Яна чоракта қўйворақолинг, барибир, Гамалиэль ухлаётгани учун бекитиқча сийлаяпсиз-ку.

— Менга қара, Рефухиога тайинлаш эсингдан чиқмасин-а, менинг гуноҳи азимларим учун парвардигори оламдан бир оғиз мағфират сўраб қўйсин.

— Хотиржам бўлинг, борган заҳотим тайинлайман. Гумонсираб ич-этингизни еб юрмаслигингиз учун хоҳласангиз унга қасам ҳам ичираман.

— Э, яша, шу гапни айттолмай турувдим. Биласан-ку, хотинларнинг эс-ҳуши жойида бўлмайди. Хотин кишидан қўлга тушган заҳоти талаб қилмасанг, кейин бармоғингни тишлаб қолаверасан.

— Яна чоракта бера қолинг, — деди Абундио Мартинес пештахтага йигирма сентаволик танга ташларкан. — Текинга берсангиз ҳам йўқ демайман. Сийлаганингиздан бошим кўкка етади. Лекин бунисини албатта уйга олиб кетаман, хотиним бечоранинг тепасида ўтириб ичаман.

— Шундай қил, Абундио, ўғлим уйғонадиган вақт бўлиб қолди, калласи ғовлаб турган пайтда заҳар босиб кетади. Ўйингга чоп, Абундио, мен айтган гапларни хотинингга тайинлаш эсингдан чиқмасин.

У ўтала-йутала дўқондан чиқди. Спиртнинг кучини қаранглар-а! Нак оловнинг ўзи-я! Спирт иссанг тезроқ маст бўласан, дейишанига у суриштирмай ичаверди, газагига кўйлагининг этаги билан елшиниб қўя қолди. Кўлидаги шишани ҳам қоқлади-да, марҳума кутиб ётган уйи томон кета туриб, тўсатдан бошқа томонга бурилиб, кўчанинг нариги бошига қараб юрди; охирги уйдан ўтгач, қишлоқдан узоқлашиб кетувчи йўлга тушиб олди.

— Дамиана! — деб чақирди Педро Парамо. — Ҳов анови келаётган одамга нима керак экан, сўраб кўр-чи.

Абундио бошини саланглатганча қоқилиб-суқилиб, баъзан тўрт оёқлаб, ўжарлик билан олдинга силжириди. Оёғи остидаги замин чириллаб айланар, худди асов аргумоқдек ирғишлаб, ўзини гоҳ у ёққа, гоҳ бу ёққа ташлар, Абундио эса уни ушлаб олишга уринар, бироқ эндиғина етдим дегандা яна қўлидан чиқиб, бутунлай бошқа ёққа қочиб кетарди. Кутимаганда у аллақандай баҳйатат дарвоза олдидан чиқиб қолди, рўпарасида чивиқдан тўқилган курсида ўзига бино кўйган бир боён савлат тўкиб ўтиради. Абундио таққа тўхтади.

— Ҳимматингизга яраша худо йўлига садақа қилинг. Хотинимни кўмишга ҳам қурбим етмаяпти, — деди у.

“Шайтоннинг макр-хийлаларидан ўзинг паноҳингда асррагайсан, парвардигор!” — дея дуо ўқий бошлиди Дамиана Сиснерос ва қўлини чўзиб турган Абундиони даф қилиш ниятида чўқинтиришга тушди.

Нега унинг кўзлари бунчалик ваҳимага тўла? Уни нега чўқинтиряпти? Абундининг юраги шув этиб кетди. Унинг орқасидан жинлар эргашиб келган бўлса-я. Абундио изиздан қараб турган бирон даҳшатли маҳлукни кўрсан керак, деган хаёлда ўтирилиб қаради. Лекин орқасида ҳеч нарсанинг ном-нишони йўқ эди.

— Саховатингизни дариф тутмай, хайр қилинг, — дея гапини тақрорлади у. — Озгинагина бўлса ҳам майли. Хотинимни кўмишга ҳам қурбим етмайди.

Унинг елкаси оша күёш кўтарилиб келарди. Күёш... Ердан кўтарилиган ҳовурдан хира тортиб, кунишиб турганга ўхшайди.

Педро Парамо худди куннинг ёрқин нуридан яширинмоқчилик бошини плашининг ичига тортди. Поёнсиз далалар бўйлаб Дамиананинг қулоқни қоматта келтирадиган чинқириги кетма-кет янгратди.

— Ўлдиришяпти! Дон Педрони ўлдиришяпти!

Аёлнинг чинқириги Абундиони эсанкиратиб кўйди. У қандай қилиб бу хотиннинг чакагини ўчиришни билмай боши қотди. Унинг фикрлари чалкашиб, нималар бўлаётганини идрок этолмасди. У фақат бу кампирнинг овози Комаладагиларгача етиб борганини биларди. Ҳатто ўлиб ётган Рефухио ҳам эшитган бўлса ажаб эмас. Унинг том битган қулоқлари шанғиллаб кетяпти. Мунча аюҳаннос солмаса, бу қоқбош? Хотинини эслашпи билан унинг ҳовли ўртасидаги қаравотда ёлғиз ўзи чўзилиб ётгани кўз олдига келди, у мархумани атай — тезроқ

бадани қотсин деб ташқарига олиб чиқди, анчагача ҳидланмай туради. Бечора қимир этмай ётибди, кечагина соппа-соғ эди, баданидан ўт чиқиб, у билан каравотда гумбаздай бўлиб ётган, бурнини бурнига ишқаб, лабларини тишлаб ўйнашган эди. Шўрлик паҳлавондай ўғил ҳам туғиб берган эди, афсуски, умри қисқа экан, бир кун ҳам яшамади. Доктор бекорга ҳомилага ҳам, ўзига ҳам жабр қилибди, деди. Шўрликнинг тортмаган дарди қолмади ўзи ҳам: ҳали шаммоллаш, ҳали безгак; неча марта қўзикиб қийналганлари-чи. Охирги марта доктор олиб келганида яна бир талай касали борлигини айтди, хизмат ҳақига ҳазилакам пул сўрамади ноинсоғ, у кунига яраб турган эшакларини сотишга мажбур бўлди — доктор текинга шундан шу ёқса келармиди. У пулни олишга одди-ю, лекин жонига ора киргани йўқ. Мана энди Рефухио эрталабки салқин ҳавода музлаб ётибди, қўзлари абадул-абад юмилган; энди на тонг ёришганини, на уғқ ортидан мўралаган, қиёмга келган қўёшни — умуман ҳеч нарсани кўриб қувонмайди.

— Саховатингизни дариг тутманг, — яна бояти гапини такрорлади у. — Мен гадога садақа қилинг.

Бироқ Педро Парамо унинг гапини эшитмасди; аёлларнингчуввоси бошқа овозларни босиб кетарди.

Комаланинг йўлида қора-кура нуқталар пайдо бўлди. Кўп ўтмай бу нуқталар одам шаклига кирди, бир неча дақиқадан кейин эса улар бу ерга етиб келишди. Дамиана Сиснерос жимиб қолди, хоч қилиб чалиштирилган қўлларини ёзib, ўзини ерга отди, оғзини катта очганча ютоқиб нафас ола бошлади.

Шаҳар томондан келган одамлар уни ўрнидан турғазиб, уйга олиб киришди.

— Сизга бирон шикаст етказгани йўқми, хўжайнин? — деб сўрашиди улар.

Педро Парамо плашнинг орасидан мўралаб, аста бош чайқади.

Одамлар Абундионинг қўлидаги қонга белангандудамани тортиб олишди. Унинг кулогига:

— Биз билан юрасан, — деган овоз чалинди. — Кўрмаганингни кўрасан энди. Абундио итоаткорлик билан уларнинг олдига тушди.

Комалага етиб келишганда зарурат учун четроқقا ўтиб келишга ижозат сўради; эндигина бурилиши билан бирдан ўқшиб юборди. Худди бир хум сув ичгандек гарқ-гарқ этиб тўхтовсиз сафро ташлади. Боши эса ўтга солинган мисдек қизиб кетди.

— Кўп ичиб қўйибман, — деди у фўлдираб.

У бир амаллаб изига қайтди-да, соқчиларнинг елкасига осилди. Улар Абундиони судраб кетишиди, этигининг учи тупроқ йўлга иланг-биланг из солиб кетди.

* * *

Педро Парамо эса ўзининг чивиқдан тўқилган курсисида Комалага элтувчи йўлдан борган сари олислаб кетаётган одамларга тикилиб ўтиаркан, чап қўлини кўтармоқчи бўлди. Негадир қўли амрига итоат этмади, худди жони йўқдек шилқ этиб тиззасига тушди. Унинг эти сесканмади. Педро Парамо бундай нарсаларга қўнишиб кетган: ҳар куни бирон аъзоси ишдан чиқарди. Хушбаҳтик боғидаги дов-дараҳтларнинг гули тўқила бошлаган эди. “Ҳамманинг кетар йўли — шу. Ҳамманинг...” У яна узилиб қолган хаёлларига фарқ бўлди.

— Сусанна, — деди қўзларини юмаб олди у. — Қайтиб келгин деб сенга ёлворган эдим...

... Тепамиздаги баркашдек ой мўл-кўл нур сочарди — у бутун борлиқнинг мағизига ўҳшарди. Бироқ менинг қўзларим сендан бўлак ҳеч нарсани кўрмасди. Ой нури сенинг юзингда акс этарди. Эсим оғиб, сенинг чеҳрангдан, факат менгагина ато этилган мўъжизадан: ой нурида товланаётгандек жилваланган ёноқларингдан, хушҳол жимиrlаган юлдузларнинг шуъласидан ял-ял ёнган лабларингдан; тун денигизида оқариб қўринган танангдан кўз узолмасдим, Сусанна, Сусанна Сан-Хуан.

У суюкли кишисининг сиймосини хиралаштириб турган губорни елпиб ҳайдаш ниятида яна қўлини кўтаришга уриниб кўрди, бироқ қўли оёқлари устига худди тошдек тўп этиб тушди. Шунда у иккинчи қўлини кўтармоқчи бўлди,

лекин униси ҳам аста-секин танасидан ажраб, худди чопиб ташланган елкасига қўйилган тирговичдек ёнбошига тушди-да, ҳассадай қотиб қолди.

“Мана паймонам ҳам тўлди”, дея хаёлидан кечирди у.

Тонгги қүёш ҳамма нарсага ўзининг асл қиёфасини бахш этган, кўз ўнгига чўзилиб ётган далага гўё марварид сочилгандек ялтиллар эди. Педро Парамо ўзининг қаровсиз қолиб кетган экинзорларига хомуш боқарди; кўз олдида ўлим муҳрини босиб, вайронага айланган харобазор ястаниб ётари. Қуёш нури баданини қиздирди. Ҳақиқий борлиқни тўсиб, ёпирилиб келаётган хотиралардан нигоҳи безовталанди.

Унинг юраги увишиб, тўхтаб қолаётганга ўхшар, назарида юрагига қўшилиб вақт ҳам юришдан тўхтагандек эди. Ҳаёт нафаси ҳам сўниб бораради.

“Ишқилиб, бу туннинг, янги, адоди йўқ кечанинг муқаддимаси бўлмасин”, деб ўйларди Педро Парамо.

У қоронги тушишидан безилларди: қоронгида қўзига ҳар хил шарпалар кўри-наверади. Тасаввурдаги бундай қиёфалар билан ёлғиз қолиш юракка ваҳм солар, у тун чўкишидан безилларди.

“Бир неча соатдан кейин қош қорайиши билан яна Абундио пайдо бўлиши турган гап. У қон юқи теккан қўлларини чўзиб, мен бермаган шулларни талаб қила бошлайди. Унга қарамаслик учун кўзимни тўсиб олай десам, энди қўлларим йўқ. Унинг тиланишини туни билан эспитиб чиқишига мажбурман, фақат тонг отгандан кейингина у тинчib, кўздан нари кетади”.

Кимдир унинг елкасига секингина туртди. Унинг қўлсиз танаси таранг тортилиб, ўрнидан қўзгалди.

— Бу мен, дон Педро, — қулогига Дамиананинг овози чалинди. — Бирон егулик олиб келайми?

— Мен кетяпман, — дея жавоб қайтарди Педро Парамо. — Кетяпман... У ёқقا...

Дамиана Сиснерос уни икки қўллаб ушлаб олди. Педро Парамо ўрнидан турди-да, олдинга қараб юрди, бироқ гандираклаб йиқилди. Ичидан илтижо тўла бир фарёд тошиб келиб, бўғизига тиқилган бўлса-да, чурқ этган овози чиқмади. Унинг танаси эски ва ҳайбатли қўргон каби бўлакланиб, гурсиллаб кулади ва шу бўйи бир уюм күлтепага айланниб қолди.

T a m o m

Эмин УСМОН таржимаси.

